

المشروع القومي لتوثيق التراث المسرحي  
من مكتبة الفنان علي الكسار

رواية  
نادي السمر  
١٩٢٦م

٢٣

رواية

نادي السمر

١٩٢٦م





د. أحمد زايد  
رئيس مجلس الإدارة

د. محمد سليمان  
رئيس قطاع التواصل الثقافي

د. أيمن سليمان  
مدير المركز

م. ياسمين ماهر عبد النور  
إشراف عام

أميرة صديق  
مدير المشروع

مصطفى النادي  
مسح ضوئي

هشام إحسان  
تصميم الغلاف

ولاء علي عفيفي  
معالجة الصور

محمد فاضل  
إخراج فني وتنسيق

د. طارق حواس  
رئيس فريق عمل التصميم المطبوع

هبة السيد خضير  
منسق ومسئول توثيق التراث المسرحي

غسان غبريال  
مراجعة اللغة الفرنسية

هانيا علي سام  
مشاركة في أعمال التوثيق

جيهان أبو بكر  
إدخال البيانات

منى صبري  
مشاركة في تدقيق النص

شكر خاص لكل من:

الأستاذ ماجد علي الكسار الذي أمد المركز بمكتبة الفنان علي الكسار المسرحية.  
كريستين ميشيل وباسم العجيزي لمشاركتهما في أعمال رقمنة ومراجعة الروايات خلال فترة عملهما بالمركز.

المشروع القومي  
لتوثيق التراث المسرحي  
من مكتبة الفنان علي الكسار

نادي السمر  
١٩٢٦م



## مكتبة الإسكندرية بيانات الفهرسة - أثناء - النشر (فان)

نادي السمير، ١٩٢٦ م. - الجيزة، مصر : مكتبة الإسكندرية، مركز توثيق التراث الحضاري والطبيعي، ٢٠٢٢.

صفحة ٤ سم. (المشروع القومي لتوثيق التراث المسرحي. من مكتبة الفنان علي الكسار؛ ٢٣)

تدمك 4-636-977-978

١. المسرحيات العربية. ٢. الكسار، علي، ١٨٨٧-١٩٥٧. أ. مركز توثيق التراث الحضاري والطبيعي (مصر) ب. العنوان. ج. السلسلة.

2022434708166

ديوي - 892.725

ISBN 978-977-452-636-4

رقم الايداع: 2022/21622

© مكتبة الإسكندرية، ٢٠٢٢.

### الاستغلال التجاري

يحظر إنتاج نسخ متعددة من المواد الواردة في هذا الكتاب، كله أو جزء منه، بغرض التوزيع أو الاستغلال التجاري، إلا بموجب إذن كتابي من مكتبة الإسكندرية. وللحصول على إذن لإعادة إنتاج المواد الواردة في هذا الكتاب، يرجى الاتصال بمكتبة الإسكندرية، ص. ب. ١٣٨، الشاطبي ٢١٥٢٦، الإسكندرية، مصر.

البريد الإلكتروني: [secretariat@bibalex.org](mailto:secretariat@bibalex.org)

طُبِعَ في مصر

## المحتويات

٧	تقديم .....
٩	الرائد الموهوب .....
١١	علي الكسار.. نبذة عن مسيرته الفنية .....
١٣	عن الرواية .....
١٥	شخصيات الرواية حسب ظهورها .....
١٩	الفصل الأول .....
٥٣	الفصل الثاني .....
٨٧	الفصل الثالث .....
١١٥	ألحان الرواية .....
أ	ملحق المدونات الموسيقية الأصلية .....





## تقديم

يُعد المسرح من أهم وسائل الاتصال الجماهيري لدى الشعوب: فهو يوثق واقع المجتمعات، ويمس وجدانها، ويؤكد على المبادئ التي تحث على قيم المواطنة وقبول الآخر مهما اختلف جنسه أو عرقه أو دينه.

ولمصر مع المسرح «أبو الفنون» تاريخ طويل تمتد جذوره إلى بدايات المسرح الأولى، سواء أكان ارجاليًا حكائيًا أم مينيًا على تقنية خيال الظل التي كانت تصنع شخصها من الورق المقوى أو الجلد أو العرائس المتحركة.

ومع قدوم الحملة الفرنسية إلى مصر عام ١٧٩٨ عرفت مصر المسرح بصورته الحديثة، فتكونت فرقة «الكوميدي فرانسيز». وفي عام ١٨٦٩ شيد الخديوي إسماعيل المسرح الكوميدي الفرنسي ودار الأوبرا وأعدهما لاستقبال الوفود المشتركة في الاحتفالات الأسطورية التي أقامها لضيوفه بمناسبة افتتاح قناة السويس. كما أنشأ الخديوي في تلك الفترة مسرحًا آخر في الطرف الجنوبي من حديقة الأزبكية المطل على ميدان العتبة عام ١٨٧٠. وعلى هذا المسرح ولد أول مسرح وطني بريادة يعقوب صنوع وأبو خليل القباني وإسكندر فرح.





ومع بدايات القرن العشرين انتعشت حركة الفنون المسرحية في مصر. فكان المسرح الغنائي بعروضه الغنائية لسلامة حجازي وسيد درويش. والمسرح الدرامي لجورج أبيض ويوسف وهبي. وازدهر المسرح الكوميدي بصورة كبيرة. وحققت الفرق الكوميديّة نجاحًا هائلًا خاصة فرقتي علي الكسار وجيب الريحاني.

وحرصًا من مكتبة الإسكندرية على الاهتمام بالتراث الإنساني وتوثيقه في المقام الأول وتعريف الأجيال المتعاقبة بالتراث وتناقله: قام مركز توثيق التراث الحضاري والطبيعي. أحد مراكز قطاع التواصل الثقافي بالمكتبة. بتوثيق الأعمال المسرحية في فترة العشرينيات وحتى الأربعينيات من القرن الماضي لأحد أهم رواد المسرح المصري الفنان الكبير علي الكسار (١٨٨٧-١٩٥٧). الذي اشتهر بشخصية (عثمان عبد الباسط) النوبي. والذي قدّم ما يزيد على ١٠٠ عرض مسرحي. وعددًا من الأفلام السينمائية الناجحة التي لا تزال عالقة في الوجدان المصري والعربي.

وحرصت مكتبة الإسكندرية على عرض الأعمال المسرحية للفنان القدير كما جاءت في نصها الأصلي: حتى نحفظها أولًا من الاندثار. ونتيح للقارئ والباحث المتخصص التعرف على الحياة الثقافية والاجتماعية والسياسية لمصر في تلك الفترة المهمة من تاريخها. ومفردات اللغة المستخدمة في تلك العقود. وما كان لهذا التوثيق الرقمي (المشروع القومي لتوثيق التراث المسرحي- من مكتبة الفنان علي الكسار) أن يظهر للنور إلا بالتعاون الوثيق مع الأستاذ ماجد علي الكسار جُل الفنان علي الكسار.

وختامًا أمل أن تأخذنا هذه الرواية. التي أقدم لها. في رحلة تواصل بين الماضي والحاضر: لإحياء التراث الثقافي والتذوق الفني. ودعوة أيضًا لمواصلة مسيرة التوثيق في هذا التراث الإبداعي الخالد.

د. أحمد زايد

مدير مكتبة الإسكندرية



## الرائد الموهوب

يمثل الفنان الكبير علي الكسار «١٨٨٧-١٩٥٧» علامة بارزة في تاريخ المسرح المصري الحديث. فعبر نصف قرن من العمل الجاد. منذ تأسيس فرقته المسرحية الأولى «دار التمثيل الزينبي». ١٩٠٧. أسهم الرجل في الحركة المسرحية. ثم جمع بين المسرح والسينما. وكان تنافسه الشرس مع نجيب الريحاني. في عشرينيات وثلاثينيات القرن العشرين. أداة مهمة في إنعاش المسرح ورواجه.

إذا كان الريحاني قد ابتكر شخصية كشكش بك. العمدة الريفي الساذج الذي يقع ضحية سهلة لناهبيه وسارقي أمواله. فإن علي الكسار يقترن بشخصية عثمان عبدالباسط. النوبي الطيب العفوي البريء كطفل.

كان علي الكسار رائدًا بحق في ساحة المسرح الارجالي الذي لا يتقيد بالنص المكتوب. ويتواصل مع جمهور الصالة في إطار خلاب من العفوية والتقارب الحميم. لكن مشكلة الرائد الموهوب تتمثل في غياب القدرة على الخروج من الإطار الذي لا بد أنه يضيق ويعجز عن مواكبة متغيرات العصر وتطوره. وقد انتقل الكسار بشخصيته المسرحية إلى السينما. فقدم أفلامًا ناجحة جماهيريًا بقدر ما أنها لا تملك مؤهلات البقاء والاستمرار.



لينتهي الحال بإغلاق مسرحه بالقاهرة بعد أن قدّم ما يزيد عن ١٦٠ عرضًا مسرحيًا، بالإضافة إلى العديد من الأفلام الناجحة. ويُسدل ستار حياته في مستشفى القصر العيني عن عمر يناهز الـ٦٩ عامًا بعد معاناة من الفقر والمرض.

وختامًا فإن المشروع الذي يتبناه «مركز توثيق التراث الحضاري والطبيعي» جدير بالاحترام والتقدير والاهتمام، ذلك أنه يتيح للقارئ والباحث فرصة معرفة صفحات بالغة الأهمية في تاريخ الفن المصري، ومن خلالها تطل شهادة صادقة عن المجتمع، سياسيًا واقتصاديًا وثقافيًا، في صعوده وهبوطه وازدهاره وانكساره.

**مصطفى بيومي**  
ناقد وروائي مسرحي



## علي الكسار .. نبذة عن مسيرته الفنية

(٧)

١٤٨

حضرة صاحب بعثة مبرأة السجل الطائف  
 بعد التمتح - ومنه خطاب منكم الذي يطوره من فيه ذكره في الطائف منذ ١٩٧٧  
 فزأيد أذكر لكم من الطائف منذ سنة ١٩٧٧ على كمثل كوفية شياء البر بالبناء  
 للذكور والبنات

كوتت أول فرقة تمثيل في سنة ١٩٧٧ وصلت إلى المسرح كازينو باريس  
 (سنيستور بول) حاليا وقد فاضها كمثل كذا الروايات الطائفية والقالبه  
 دلي : محمد ابراهيم - ساجدة باري - أمهارة السنيستور - البرقة السنيستور وغيرها  
 من القبولات الفرائد كآداب

ثم انتقل إلى المسرح بالهيكلة الذي سبب لنا حصة وهو يؤمن بقرعة يعرف  
 المرحوم الأستاذ أسيد صدي وكان ذلك في ١٩٧٩ وقد فاضها حتى ١٩٨٤ بعد ذلك  
 المائة وستة روايات أول (الضيق في ١٤) وأخرها (سنيستور) ولي  
 أوجهه في الروايات الطائفية تخطى من قد فاضها جوا على (محمد بن إسماعيل) في  
 (ورد شاه) ومقتبسات المسرح الماركسية في ذلك المصاحف أيضا يعرف  
 الأستاذ دلي ورجلين محمد الكوميد من السنة وقد أضاف حصة وكتبه على ذلك  
 ما استحقه من التقدير ولديت تحت طالع الترتيب

وعلى أثر خلاف حصل بيننا وبينه هجرت الماركسية أنقلنا المسرح بنينا إلى  
 كذا الكسار (سنيستور) وكانه صاحب في ذلك المدة المرحوم محمد بن علي  
 ثمرة سنيستور التي أيقنه من رسم ١٩٨٤ وقد فاضها روايات =

البا سدا عا - المغن - والفيت - أبرد بيزي  
 وكذا دائما في كل عام تقوم برحلات إلى الجمهورية العيون والبحرين ونحوها إلى بصيف  
 به بصيف كاسير لبرو والكسار في كازينو زينا الذي كسره صاحب المرحوم حارة  
 كسار أبرد صيف

وقد ١٩٨٤ أصبحنا نعمل على تنسيقها لصم وهو مسرح خاصه لنا ففعلنا  
 مسرح حديق البرزنجي وبعينه وهو المسرح والقيام برحلات إلى الأقطار الشرقية فطلب  
 وسور بار والبناء

في ١٧٧٠ تقدمت له سباجا ومع حديقته الذي يكيه فوجدته مؤججا الى فمه اجنبيه  
 فاستأجرت ومع له مائة مائة وعشرون مائة وعشرون مائة وعشرون مائة وعشرون مائة  
 وروايت : كما ايا كانه - حيا عليه - خالي اكنه - ثوبه وثوبه حيا ايتيه واخرجه  
 ثم تمت برحمتيه الى الوجهه العليل والبري استقرت منه فابر ١٧٧٠ وموصيت  
 وردعه المزعج ومع كاذبه للاسه في المنة ١٥٠٠ مائة الا ائمة ١٧٧٠ وكذا تقدم  
 كل يوم روايت من روايتنا بسورة

تذا من امة المشاهير راما المشاهير السيمان فان مائة مائة  
 نيام : يوم في الطان - اعظم لغيره - وردتاه - الصيت والافض تنانف  
 ١٧٧٠

١٧٧٠ مائة نيام - حاضته اعلاه وما سجدت .... وكله على الله  
 واما اذا انما لغز من عند الضموم اية تغزل من ذكته فاذا ذكر لكم :  
 بواب الصارة - ..... ١٠ حينه - غفيرة العذرة - القفران - تنانف وكي  
 ٧ - لغز ٢ حينه - يوم نيام - موهبة المنة - الغزير - اياها  
 وكسبه حامي - لوز الريد والطاره الكارة - رحامة في العقب - وغضا ...  
 ولواتن رحمت اجمع الذي نض به طار ائمة عند اهل باسترا طحال اسنور  
 الموسم الشوي وكذا .....

ومنه في انظار الرسم المنة هذا اعلم وعلى الله التوكل  
 والسلم عليكم ورحمة الله وبركاته ؟ على الكار  
 ١١ فبراير ١٧٧٠



## عن الرواية

قدمتها فرقة علي الكسار

تعريب حامد أفندي السيد

عدد الفصول ٣

عُرِضت على تياترو الماچستیک

تاریخ العرض ١٩٢٦/٤/٢٩ م

تم تنسيق المدونات الموسيقية كما وجدت بملف الرواية.





## شخصيات الرواية

حسب ظهورها

خادمة أوسكار	فرنسين
يوابة	مدام لبيتو
صديق چوچو	أوسكار
صديق أوسكار	چوچو
عم أوسكار	العم
عروسة أوسكار	سيمون
صديقة سيمون	أجلو
حبيب واندا القديم	بيتروتشى
عشيقة أوسكار	واندا
حماة أوسكار	هيرمانس مدام كوربالين
خادمة أوسكار ببيت الزوجية	ليونى
جار أوسكار ببيت الزوجية	الظابط
صاحب المحل	أدولف
عاملات بالصالة	ميمى وجرمين









علي الكسار

PRESS DEPT.

نظرة على بعض من الأعمال

والتي هي من الأعمال التي

الفضل الاول

منه رواية - تاريخ السيد

الترفع السارة عند مكالمة و الجمع فيلونه لحد

فرنسيه يا سداك. فير ماني قومي الزطاره مندرم نفس الربع والحقق من الله

ايه ده (تفاه) فرنسيه. الماوسه اشاعه صا حاني فير الاكسيديس

سيين تايم عتاه اندرا حق اماهاها. واسيد جه سيد سفير برك

لله لسه تايم عتاه ماير فرنسيه كان قياسي لك الشاه

معلم لسيير (العلم) بونجور فرنسيه

فرنسيه اد الجواب بونجور مدام لسيير. انفضلي

مداك لوردويه الما ايج لسيير يذوق حيا جه افضيله لك وبيا

فرنسيه اين من فضلك انفضلي اذني عشرية فراك ولعانه لي وبياك حرفه سمية

المسد سيد اوسه حه من سيد

مداك يا سداك سيدك ده لوانم جيلك قومي يا فرنسيه

فرنسيه جينس. واقبل سيدك فراك لكانه لوردويه مدام. ليد اخوفيه القسه الخايع

ماتسه شايه بموقه الصور لسييرين و. ا. ه سيد مده

## الفصل الأول

ترفع الستار عن صالون والجميع يقولون لحنًا.

فرنسين : يا سلام. الجو صافي قوي النهارده معلوم فصل الربيع والطقس جميل. الله إيه ده (تقرأ) فرنسين. أنا وصلت الساعة ٥ صباحًا في قطر الاكسبريس سيبيني نايم  
علشان آخذ راحتي ها ها ها. دا سيدي جه من السفر. بركة اللي لسه نايم  
علشان ما يوبخنيش على قيامي كده الساعة ١٠

مدام لبيتو : (داخلة) بونچور فرنسين

فرنسين : آه البوابه. بونچور مدام لبيتو. اتفضلي

مدام : لا بردون<sup>(١)</sup>. أنا رايحه السوق يلزمك حاجة أفضيها لك ويايا

فرنسين : أيوه من فضلك اتفضلي آدي عشرين فرنك وهات لي وياك فرخه سمينه أحسن  
سيدي أوسكار جه من السفر

مدام : يا سلام سيدك ده لازم بيحبك قوي يا فرنسين

فرنسين : يحبني. دا قلب سيدي زي دكان بون مارشيه<sup>(٢)</sup>. الداخا فيه أكثر من الخارج.  
مانتيش شايفه مجموعة الصور النمائيس دي. آه سيدي صحي

مدام لبيتو : طيب أنا رايحه السوق

فرنسين : بس ماتنسيش فرختي

مدام : آه من حق خدي البوسته بتاعة سيدك أهه. وأظن البوسته دي جابه له من  
فراخ برضه ها ها ها (تخرج)

فرنسين : (يدخل أوسكار) بونچور مسيو<sup>(٣)</sup>

أوسكار : بونچور فرنسين

فرنسين : إن شا الله تكون انبسطت في السفريه دي يا سيدي

أوسكار : أنا في غاية السرور من السفرية اللذيذه دي يا مدموزابل

فرنسين : ومسيو چوچو موش جه ويًا جنابك

(١) بالفرنسية "Pardon" تعني: عن إذنك.

(٢) بالفرنسية "Bon marche" تعني: السوق

(٣) بالفرنسية "Bonjour monsieur" وتعني: صباح الخير يا أستاذ.



- أوسكار** : طبعًا، هو أنا استغنى عن چوچو ده لحظه. بعد ما ثبت لي إنه أعظم صاحب ومخلص لي. وفي الحقيقة أنا مديون له بحياتي
- فرنسين** : إزاي ده
- أوسكار** : بقى چوچو ده من الجماعه السود سكان مستعمرة السنغال الفرنساويه وما قامت الحرب العظمى واضطرت فرنسا إنها تجند من مستعمراتها الأفريقيه كان چوچو ده من ضمن المجندين في فرقة السنغال وحاز شرف الدفاع عن فرنسا وانا بصفتي فرنساوي كنت طبعًا في الجيش وتعرفت به في وسط المواقع الحربيه ووقعت في خطر كاد يقضي على حياتي ولولا چوچو ده خاطر بحياته علشان إنقاذي. كنت دلوقت في خبر كان
- فرنسين** : أيوه يا سيدي صحيح چوچو ده بيحبك قوي
- أوسكار** : وانا كمان باحبه وحفظت له جميله ولما انتهت الحرب كرهته في السفر لبلاده وعرضت عليه إنه يعيش ويايا بصفته أخ أو صديق لأن والدتي توفت وانا في الحرب ولا بقاليش حد غير عمي الغني ده اللي في شيلي في أمريكا الجنوبيه. وفي النهايه چوچو قبل. وكتبت لعمي جواب إني حادرس الطب في باريز. وعمي أنهه بيصرف عليّ بسخاء واديني هايص أنا وهو هنا في باريز بقى لنا ست سنين ولا درست طب ولا غيره
- فرنسين** : آه من حق البوسته أهي يا سيدي
- أوسكار** : طيب بعدين ابقى اشوفها (جرس)
- فرنسين** : آه الجرس أما اروح اشوف مين (تخرج)
- أوسكار** : إيه الجرس المستعجل ده
- چوچو** : (من الخارج) إنتي ما بتفتحيش قوام ليه
- أوسكار** : آه. مسيو چوچو
- چوچو** : (يدخل) يعني كويس كده تسييني مغروز على رصيف المحطه زي الصنفور وتلخني في الشنط لوحدي
- أوسكار** : معلش ماتزعلش يا مسيو چوچو معلش. لكن إيه اللي خلاك تضرب الجرس بالشكل الوحش ده. إنت موش معاك مفتاحك
- چوچو** : أيوه أهه. ولكن عصبيتي لما تكون متهيجه يستحيل أشوف خرم الباب أبدًا
- أوسكار** : وجبت الشنط



- چوچو : أيوه بعد نص ساعه يجيبها الراجل
- أوسكار : راجل مين
- چوچو : راجل ما اعرفوش
- أوسكار : ما تعرفوش ازاي
- چوچو : أهه راجل هدومه كده روباكييا. لقاني ملبوخ في الشنط. وبعدين قدم نفسه لي.
- وقال إنه اختصاصي في الشغله دي. ولما عرفت إنه اختصاصي قلت يا واد ادي
- عيشك للخباز ولو ياكل نصه
- أوسكار : إزاي ده، بقى تآمن واحد مجهول ما تعرفوش على الشنط بتوعي وفيها حاجات مهمه
- چوچو : يا سيدي حا يجرى إيہ للشنط. هو حا يكسر الكوالين
- أوسكار : يستجري. وانا اكسر رقبتہ
- چوچو : لا ما تخافش. هو موش حا يكسر حاجه لأن مفاتيح الشنط وياه
- أوسكار : يا خبر. والمفاتيح روخره سبتہا له. يا سلام على غباوتك يا سلام
- چوچو : يا سلام على نصاحتك يا سلام. لكن احنا موش في كده
- أوسكار : أمال في إيہ
- چوچو : إيہ فكرك في الحادثہ الزفت دي بتاعة مونت كارلو
- أوسكار : الغايہ يا چوچو مايجيش منه. الحق علينا موش عليهم
- چوچو : ياخي أنا مالي بس أنا خايف لا يدري عمك اللي في أمريكا إنك لعبت
- القمار بالخمسين ألف فرنك اللي بعتهم لك علشان مصاريف العياده اللي
- قلت له إنك حا تفتحها بالزور ويعرف إنك نصبت عليه وتبقى المسأله
- موش لطيفه
- أوسكار : الغايہ دلوقت خلينا في المهم
- چوچو : مهم إيہ غير كده
- أوسكار : أنا بدى استفهم منك عن مسألة
- چوچو : مسألة إيہ
- أوسكار : يعني مثلاً إذا كان حد تاه منك. والي تاه منك ده شخص عزيز قوي عندك. إيہ
- الي تعمله في الوقت ده
- چوچو : إذا كانت المسأله دي حصلت لي أنا. كنت اروح عالدير والبس لبس الرهبان
- الحزائني واعيش معيشتهم



- أوسكار : لا لا. إنت مانتش فاهم. المسألّه تختص بواحده ست تاهت مني النهارده  
الصبح في محطة ليون. وقت ما نزلت أنا من القطر
- چوچو : ست مين. واحنا في القطر ما كانش ويانا ستات ولا حاجه
- أوسكار : لا كان ويانا. بس اتفضل اقعد وانا احكي لك الحكايه
- چوچو : طيب احكي ياخويا
- أوسكار : بقى إنت عارف إننا ركبنا القطر من مونت كارلو في عربية نوم. موش كده
- چوچو : أيوه
- أوسكار : وبعد ما فات القطر مدينة ليون كنا تقريبًا في نص الليل وجنابك كنت نايم في  
السرير العالي وغرقان في النوم خالص
- چوچو : طبعًا من السهر والقرف اللي شفتاه في مونت كارلو
- أوسكار : ولكن أنا كنت بالعكس الهموم شاغله بالي وعيني ما شافتش النوم أبدًا
- چوچو : تستاهل. علشان تبطل لعب القمار
- أوسكار : الغايه. عقلي قال لي يا واد اشرب لك سيجاره في المشايه. أنا واقف باشرب  
السيجاره. وابص والاقى لك واحد دام<sup>(1)</sup> خارجه من القسم اللي جارنا. ولكن  
الست دي في غاية الجمال
- چوچو : هه. وبعدين
- أوسكار : وبعدين الست دي طلبت مني كبريت علشان تولع السيجاره
- چوچو : وطبعًا قدمت لها
- أوسكار : طبعًا. وهيّ كمان قدمت لي سيجاره
- چوچو : عال. دي بقت معرفه
- أوسكار : بس اسمع اسمع. وبعد ما ولعت لها السيجاره وقفنا نشرب سجايرنا في المشايه  
ونتكلم ويًا بعض والكلام جر بعضه
- چوچو : يا ولد يا ولد. وبعدين
- أوسكار : وبعدين بصيت كده فجأه لقيتها صرخت وراحت مرميه عليّ. وفضلت تصرخ  
وتقول لي أنا خايفه. أنا في عرضك فيه قط هنا. ولما استفهمت منها قالت لي  
مانتاش سامع الشخير الفظيخ اللي هنا ده

(1) بالفرنسية "Dame" وتعني: هانم.



- چوچو : وإيه دا اللي كان بيشخر
- أوسكار : إنت يا بهيم اللي كنت بتشخر زي الخروف المدبوح
- چوچو : الله يحفظك دا بس من أصلك
- أوسكار : يعني مافيش طريقه تداوي بها نفسك وتبطل الشخير اللي اضطرني اخليك  
تسكن بره بعيد عني بدال ما كنا ننام هنا سوا ونونس بعض
- چوچو : لأ مافيش طريقه
- أوسكار : إزاي
- چوچو : علشان الشخير ده وراثي في كل الفامليه بتاعنا أبًا عن جد حتى في بلدنا اسمنا  
عيلة الشخريه
- أوسكار : الغايه. فضلت أهدي في المدام دي لحد ما هديت عصبيتها وبعد كده خدت  
بعضي ورحت نمت في سريري
- چوچو : آه. علشان كده ولما وصلنا محطة ليون صحتك بالزور من كتر السهر اللي  
سهرته
- أوسكار : صحتني. لكن صحيان الموت
- چوچو : ليه بقى
- أوسكار : تصور اندهاشي وقت ما صحيت من النوم وفتحت عيني ولا لقيتش الست دي  
في القطر. كنت حا اتجنن وقتها. وطار عقلي خلاص
- چوچو : وعلشان كده كنت بتزقني وتنط على رصيف المحطه زي المجنون
- أوسكار : بالطبع. كان غرضي اشوفها راحت فين. وفضلت اجري من أول الرصيف لآخره.  
وادخل البوفيه والتلغراف. ومحلات الأدب ويستحيل أعتز فيها أبدًا
- چوچو : يا سلام. بقى علشان واحده ست تسيبني لوحدي ملبوخ في الشنط. صحيح إنك  
بارد يا أخي
- أوسكار : الغايه شور عليّ دلوقت إيه اللي اعمله علشان اعتر في الست دي
- چوچو : لأ. أنا ماليش دعوه بالحاجات اليجنيس اللي زي دي
- أوسكار : إيه. مالكش دعوه. ماتعرفش إني أنا دلوقت بين نارين
- چوچو : نارين ازاي
- أوسكار : يعني يا الاقى الست دي. يا اتجنن يا انتحر





- چوچو : لا معلهش. أنا أسمح لك بالجنان اللي بانك عليك علاماته ولكن ما اسمحلكش  
أبدًا بالانتحار
- أوسكار : بلاش هزار إن ما شفتليش طريقه في المسألة دي حالًا ح انتحر هنا قدامك
- چوچو : الله الله. الولد حا يجيب لي مصيبه توديني في داهيه
- أوسكار : هيه. انتحر
- چوچو : لا لا مفيش لزوم. نصحتك ونهيتك كتير عن المشي البطال ما بتسمعش كلامي.  
حاعمل لك إيه
- أوسكار : هه. حا تتكلم ولا انتحر
- چوچو : لا لا حيث إن العبارة وصلت للانتحار أنا حا اساعدك مع العلم إن دا شيء  
غصب عني. وانا حاسس إن نتيجة المسألة دي حا تكون بطاله علشانك. لأن  
المشي البطال دايماً نتيجته بطاله
- أوسكار : الله الله إنت حا تعمل لي واعظ يا أخي قول لي حا تساعدي ازاي
- چوچو : يعني حاروح شركة عيون لينكس
- أوسكار : شركة عيون لينكس دي إيه روخره
- چوچو : دي شركة لها علامة زي ماركة مسجله. والعلامة دي مفتاح معلق في رقبة  
رجالها. يعني زي إشارة بإنها عندها مفاتيح الغيب ومستعده للبحث عن كل  
شيء ضايع أو مجهول
- أوسكار : يا سلام
- چوچو : أيوه. ومن قيمة كام يوم مأمور القسم اللي أنا فيه ضاع منه كلب وكل بوليس  
القسم داير يدور عليه ويستحيل حد يعتر فيه أبدًا وبعدين ادوا خبر للشركة  
دي. وفي أسرع من لمح البصر لقوا الكلب وزى ما لقوا الكلب حا يلاقوا لك  
المدام ياخويا
- أوسكار : مرسي يا مسيو چوچو. أنا ممنون جدًا
- چوچو : قول لي بقى. اسمها إيه المدام دي
- أوسكار : ما اعرفش اسمها
- چوچو : طيب قول لي على عنوانها
- أوسكار : ما اعرفش عنوانها



- چوچو : غريبه. أمال ازاي حا تستدل عليها الشركة. بقى مالکش علامه فيها أبدأ
- أوسكار : علامه زي إيه
- چوچو : يعني بيضه. حمرة. خضره
- أوسكار : ماهي كانت الدنيا ليل ولاخدتش بالي. آه افتكرت. الست دي كانت حاطه شريط أخضر زي توكه في شعرها
- چوچو : شريط أخضر
- أوسكار : أيوه
- چوچو : آه. عرفتها يا خلبوص
- أوسكار : عرفتها ازاي. إنت شفتها
- چوچو : ماهو أنا اللي تناولها الشنط بتوعها من شباك العربيه لما نزلت من القطر
- أوسكار : كويس كويس. هيه
- چوچو : ودلوقت أنا رايح شركة عيون لينكس دي وادياها أوصافها علشان تدور عليها
- أوسكار : مرسي يا صديقي
- چوچو : معاك فلوس
- أوسكار : فلوس
- چوچو : أيوه علشان ندفع عربون للشركه امال حا تدور لك عليها على سبيل الصدقه
- أوسكار : طيب خد. آدي ورقه مية فرنك باقي الشيك الي كان بعته لي عمي كامبوليف واديني بقيت على الحديده
- چوچو : والله أنا صعبان عليّ عمك ده
- أوسكار : ليه
- چوچو : معلوم. لأنه لو عرف السير البطال بتاعك ده. وإنك لحد دلوقت ما حطيتش رجلك في مدرسة الطب ولا تعرفش حتى الشركه تتاخذ ازاي كان يتجنن ومين عارف كان يعمل إيه
- أوسكار : أيوه صحيح أنا غلطان. وانت نصحتني كتير ولا باسمعش كلامك
- فرنسين : (داخلة) سيدي
- أوسكار : إيه فيه إيه
- فرنسين : عمك المسيو كامبوليف



- أوسكار : يادي الداهيه
- العم : (داخلاً آه. آدحنا يا جناب الدكتور. أظن إن العم ما يستأذنش ولا ينتظرش في أوضة الانتظار (تخرج فرنسين)
- أوسكار : لا لا العفو.. العفو يا عمي بس...
- العم : الله إيه مالك مرتبك كده ليه موش تيجي كده تاخدي بالحضن علشان أبوسك
- أوسكار : أيوه أهه يا عمي (بتعانقان) أقدم لك يا عمي صاحبي وصديقي المسيو چوچو موريللون اللي أنقذ حياتي من الخطر
- چوچو : والانتحار
- العم : إيه. انتحار إيه
- أوسكار : احم احم. لا يعني الموت بس هو موش عارف يقول أنا موش كنت كتبت لك يا عمي وقلت لك ازاي چوچو ده أنقذني من الموت
- العم : أيوه صحيح. وصاحبك ده حكيم راخر
- چوچو : لأ. أنا لسه في الأشغال
- العم : الأشغال. أشغال إيه
- چوچو : الأشغال اللي شاغله بال جنبابه
- العم : شاغله بال جنبابه
- أوسكار : لا لأ. يعني جنبابه لسه ماخدش الدبلوم والاكشافات الجديده شاغله بالننا خالص
- چوچو : أيوه بنشتغل كشافه. وبنحضر دروس على شركة عيون...
- أوسكار : بس بقى يا أخي. دانت مصيبه.. إنت آنستنا قوي يا عمي
- العم : مرسي يابن اخويا. الظاهر إنك مبسوط من رؤيه عمك دلوقت
- أوسكار : في غاية السرور يا عمي
- چوچو : (على حدة) في غاية اللبخه يا عمي. أوه دا مبسوط خالص. وكنا في سيرتك دلوقت بس. وبيقول لي أنا مشتاق أشوف عمي قوي. ومانيش عارف إيه اللي مانعه علشان يجي يزورني وابد نار قلبي
- العم : طبعًا.. ودي عايزه كلام. ماهو يا مسيو چوچو ابن اخويا ده مالوش غيري ولا ليش غيره وعلشان كده طبعًا يعزني واعزه
- أوسكار : معلوم يا عمي



- العم** : أنا يا أوسكار لما طلعت من البحر ونزلت في مينا بوردو مدة تمان تيام دلوقت  
حبيت ابعت لك تلغراف ولكن استحسنت إني أفاجئك كده بغته
- چوچو** : (لنفسه) لأ والمفاجأه جات في وقتها تمام.. لكن جنابك من غير شر حا تسافر  
امتى
- أوسكار** : إحم إحم
- العم** : حا اسافر امتى ازاي. أنا لسه جاي من السفر دلوقت فين أوضتي يا أوسكار
- أوسكار** : أهى يا عمي. اتفضل
- العم** : قول لحد يطلع العفش بتاعي اللي في الأوتوموبيل قوام
- چوچو** : إيه. عمك جاي من أمريكا بالأوتوموبيل
- أوسكار** : أوتوموبيل إيه يا أخي (يصفق)
- فرنسين** : (تدخل) نعم يا سيدي
- أوسكار** : طلعا العفش اللي في الأوتوموبيل وحطوه في الأوضه الزرقا
- فرنسين** : حاضر (تخرج)
- العم** : آه من حق إنت كنت كتبت لي في جوابك الأخير إنك بتمتحن في نظريه طبيه  
قول لي بقى إيه كان موضوع النظرية دي
- أوسكار** : الموضوع.. أيوه.. إيه هو يا سيدي
- چوچو** : الموضوع بسيط. موضوع النظرية كان مفعول البودره في الخد اللطيف ومفعول  
الكوكايين في العقل السخيف ومفعول مونت كارلو لما تخشه الجيب مليون  
تطلع منه ما معاكش حق رغيف الخ...
- العم** : بس بس. الله يكون في عونك يا أوسكار يابن اخويا
- چوچو** : الله يكون في عونه قوي
- العم** : إيه ده. صور ستات
- أوسكار** : إخص. دا خد باله
- چوچو** : لأ دول.. دول صور زباين عالجهم الدكتور أوسكار وربنا خد بيدهم على إيديه
- العم** : يا سلام دول حلوين قوي
- چوچو** : أيوه. ماهو أكثر زباينه من الفورمه دي
- العم** : وفين امال أوضة العياده



- چوچو : بيعملها هنا مؤقتًا
- أوسكار : أيوه باعملها هنا مؤقتًا يا عمي
- العم : برضه أنا شايف كده وافتكر إنك لسه ما عملتش الموبليات اللازمه للعياده عملت طيب علشان انقي الموبليات دي بمعرفتي إنت لسه معاك الشيك. موش كده
- چوچو : أيوه. بس شايله في محل مؤتمن
- العم : كويس خالص. بكره بقى اخذك ونروح على شارع بيتير اشترى لك الموبليات اللي تلزمك والمسيو چوچو يبقى يساعدنا في الاختيار بذوقه اللطيف
- چوچو : وهو كذلك
- العم : ثم أنا عازمكم النهارده علشان نتغدى سوا في كافيه دي باري ونشرب لنا كاسين هناك زي حلاوة وصولي بالسلامه
- أوسكار : (لچوچو) موش حا تروح الشركه يا أخي
- چوچو : أيوه بكل ممنونيه يا مسيو كامبوليف غدوه زي دي الواحد ما يرفضهاش أبدًا.
- العم : بس اسمح لي دلوقت علشان اروح شركة عيون لينكس
- العم : شركة عيون لينكس دي إيه كمان
- چوچو : لا دي شركه مساهمه وليّ فيها أسهم. عن إذنك (يخرج)
- العم : الشاب ده في غاية اللطافه
- أوسكار : والمروءه يا عمي
- العم : آه من حق خيلنا في المهم
- أوسكار : نعم
- العم : بقى يابن اخويا أنا دلوقت بلغت سن الستين. وعایش كده من غير فامليه
- أوسكار : يعني إيه
- العم : يعني بالاختصار كده أنا شرعت في مسألة زواج
- أوسكار : زواج. ازاي ده يا عمي. إنت حا تتجوز
- العم : لا لأ. مسألة الزواج دي ما تختصش بيّ أنا. تختص بك إنت
- أوسكار : بيّ أنا
- العم : معلوم. لأن واحد دكتور زيك لازم يكون جد في سيره يعني لازم يكون متجوز
- أوسكار : تفتكر كده يا عمي



- العم** : معلوم واديني وانا جاي على هنا زرت بنت عمي مدام كوربالين. دي ست أرملة وزوجها المرحوم خلف منها بنت في غاية الجمال وترك لها ثروه عظيمه
- أوسكار** : دا كويس علشان البننت
- العم** : وعلشانك كمان. آه يا عزيزي. دي جوهره ثمينه وخصوصًا البننت دي تمتلك أملاك واسعه في بولياك وكل الشارع اللي اسمه جراند رو ملكها وافتكرك إنك ما يمكنتكش ترفض جوازه زي دي أبدًا. هه. أيوه والا لأ
- أوسكار** : لأ
- العم** : إيه. إنت بترفض. إزاي ده
- أوسكار** : لا بس.. بس يا عمي أنا بافتكر إن جوازي دلوقت لسه موش مناسب
- العم** : موش مناسب. موش مناسب ليه. إنت لك علاقات تانيه
- أوسكار** : لا يا عمي أبدًا
- العم** : أمال علشان إيه بترفض
- أوسكار** : لا لا بس علشان أنا داخل في الحياه لسه جديد وتلاقيني باختشي
- العم** : آه. ها ها ها. لا يابني. الجواز مافيهشي خشا
- فرنسين** : (داخله) سيدي
- أوسكار** : إيه فيه إيه
- فرنسين** : فيه اتنين سنات
- أوسكار** : قولي لهم أنا موش هنا
- فرنسين** : دول بيسألوا على الدكتور أوسكار بومبيرك
- العم** : دول لازم يكونوا زباين
- أوسكار** : زباين
- العم** : الله مالك افتكر إن دي موش أول مرة قابلت فيها زباين
- أوسكار** : لا يا عمي موش أول مره. ولكن...
- العم** : ويمكن يكونوا جاين لك في مسأله مهمه ما تقبلش التأخير.. خليهم يفضلوا أنا افتكر إنه موش مناسب مقابله الزباين بالبيجامه اللي عليك دي
- أوسكار** : أيوه صحيح. أنا حاشش ألبس هدومي حالًا
- العم** : وانا حاشش أوضتى أغسل وشي من تراب السفر واغير هدومي (يخرج)



- أوسكار** : أهه كده يا عمي. اتفضل. إلا دكتور وزباين دي كمان (يخرج)
- فرنسين** : (داخلة) اتفضلوا يا مدام.. الدكتور جاي حالاً
- سيمون** : مرسي يا مدموازيل
- فرنسين** : (على حدة) بقى دول زباين دول ياخي يمكن سيدي دكتور ولانيش عارفه
- أنجلو** : أنا أؤكد لك يا مدموازيل سيمون. إن سيرنا ده في غير محله بالمره. تقول إيه المدام أمك إذا خدت خير بكده
- سيمون** : حا تقول إيه. أهى تقول إن بنتي سيمون لها داده ودادتها دي ماتعرفش تدادي
- أنجلو** : تمام كده. أمال حا تقول إيه
- سيمون** : وعلشان كده أحذرك إنك تجيبني سيره لماما بالشيء اللي حا يحصل هنا دلوقت فاهمه
- أنجلو** : لكن أنا بس بدي أفهم إيه السبب اللي علشانه دخلتينا هنا
- سيمون** : السبب بسيط يا أنجلو شير افرضي إنك لسه مدموازيل وعلى وش جواز وفي يوم من الأيام أمك قالت لك إن ابن عمها المسيو كامبوليف له ابن أخ دكتور في باريز وخطبك له كنت عملي إيه يا مدموازيل
- أنجلو** : أنا دموازيل
- سيمون** : بالطبع ماكتبش عملي حاجه لإنك من المدرسه القديمه ولكن أنا بصفتي شابه ومن المدرسه الحديثه ابتدياً طبعاً بأخذ الاستعلامات اللازمه عن خطيبي ده اللي حا اكون شريكته في حياته
- أنجلو** : آه فهمت وعلشان كده احتجيت وقلت لماما إنك مضطره تسافري باريز علشان توصي على لوازم التواليت بتاعك. إنت كدبتى على أمك يا مدموازيل
- سيمون** : تمام كده. وضميري ما بيوبخنيش على الكدبه دي. لأن الواحده قبل ما تتجوز لازم تعرف عريسها وتتحقق من ذوقه وأخلاقه
- أنجلو** : آه يا مكاره
- سيمون** : شوفي. بصي كويس للصوره دي
- أنجلو** : ديهدي. دي بنت عمك أندوكسي
- سيمون** : أهى هيّه تمام. عضم ولحم لا وخصوصاً إنها عضم خالص. يا مسكينه يا أندوكسي. نخيفه قوي المسكينه



- أنجلو** : لكن إيه اللي خلاك تجيبي الصورة دي وياك
- سيمون** : فكرة طرأت عليّ. ودلوقت في أثناء العياده حاورّيتها للدكتور بومبيراك واقول له إن الصورة دي صورتي أنا
- أنجلو** : إنت ازاي
- سيمون** : أيوه حاقول له إن الصورة دي صورة مدموازيل كوربالين. اللي هو أنا
- أنجلو** : أنا موش فاهمه حاجه أبدًا. آمال إنتي حا تعملي إيه
- سيمون** : أنا طبعًا حا اقدم نفسي للدكتور باسم مستعار
- أنجلو** : باسم مستعار. لا دا شيء موش كويس أبدًا ما يصحش عملي العمل ده
- سيمون** : قالوا في المثل. اختار أهون الضررين
- أنجلو** : يعني إيه
- سيمون** : يعني إن الدكتور بومبيراك لما يشوف الصورة دي يا يتأخر مرعوب لورا يا يستحسن الصورة القبيحه دي فإذا عجبته واستحسنها أعرف إن الشاب ده موش متجوزني إلا علشان مالي بس وان ماعجبتهوش أعرف إنه حا يتجوزني لذاتي ولا لوش غايه تانيه غير كده
- أنجلو** : يا سلام على نياهتك يا سلام
- سيمون** : ثم كمان أنا جيت هنا علشان أعرف صفة معاملة الدكتور بومبيراك ده لزباينه
- أنجلو** : كل ده مالوش لزوم وان سمعتي نصيحتي ياللا بنا من هنا
- سيمون** : هس. الدكتور أهه
- أوسكار** : (يدخل) مدام
- سيمون** : دكتور
- أوسكار** : (لنفسه) أما بنت جميله
- سيمون** : احنا جينا لك يا دكتور علشان نعمل استشارة
- أوسكار** : استشاره (على حدة) ودي لبخة إيه بقى
- سيمون** : أيوه. والاستشاره دي تختص بيّ أنا
- أوسكار** : إيه. تختص بك إنتِ
- سيمون** : أيوه. اسمع يا جناب الدكتور بقى أنا.. (لأنجلو) اسمحي لي يا مدموازيل بكلمتين وياّ الدكتور





- أنجلو : لكن يا مدموازيل...  
سيمون : أوه. اسمعي الكلام  
أنجلو : طيب ما تشخيطيش كده  
أوسكار : بردون مادمووازيل. ميين ليّ الشرف من فضلك  
سيمون : آه صحيح. أنا.. أنا مدموازيل أنجلو شير  
أنجلو : أنجلو شير. ازاي ده تسمي نفسها باسمي. لكن يا مدموازيل...  
سيمون : أيوة أيوة فاهمه. أنا جايه لك حالاً.  
أوسكار : اسمحي لي يا مدموازيل. مين اللي بعتك عندي  
سيمون : اللي بعنتي ما تعرفوش جنابك. دا واحد ساكن بعيد خالص  
أوسكار : غريبه. وساكن فين  
سيمون : في مدينة بولياك  
أوسكار : يا سلام  
سيمون : أيوه. دا يبقى صديق لمدام كوربالين  
أوسكار : مدام كوربالين  
سيمون : أيوه. والشخص ده واحد من قرايبك وافتكر إن اسمه المسيو كامبوليف وكلم  
المدام كاربولين بخصوصك  
أوسكار : آه المسيو كامبوليف. دا يبقى عمي يا مدموازيل  
سيمون : دا بيمدح فيك قوي. وبيقول إنك طيب ماهر  
أوسكار : بقى هوّ اللي.. أما عجيبه على عمي ده اللي بيعت لي زباين من آخر الدنيا.  
وانا لا حكيم ولا طيب  
سيمون : جنابك تبقى قريب مدموازيل سيمون  
أوسكار : مدموازيل سيمون  
سيمون : أيوه مدموازيل سيمون كوربالين دي تبقى صاحبتني قوي  
أوسكار : جاييز. ولكن أنا أوكد لك إني ما اعرفش المدموازيل دي أبداً  
سيمون : لا ما تفتكرش أنا حا اقدمها لك  
أوسكار : تقدميها لي



- سيمون : أيوه معايا الفتوغرافيه بتاعتها هنا في الشنطه.. بس اوعى تفتكر إني جايبه لك  
الصوره دي علشان أوريها لك. أنا جايبها معايا بس علشان أكبرها. اتفضل
- أوسكار : أوه
- سيمون : أهه اتأخر
- أوسكار : أعود بالله
- سيمون : صورتها لطيفه موش كده
- أوسكار : أيوه يا مدموازيل أيوه. دي تشابه ل... يا حفيظ اتفضلي يا مدموازيل
- سيمون : مرسي دكتور. ومن خصوص الاستشاره بقى
- أوسكار : أيوه صحيح الاستشاره. ولكن ضروري يعني الاستشاره دي
- سيمون : ضروري قوي. لأني جايبه لجنابك علشان كده مخصوص
- أوسكار : بالطبع
- سيمون : يعني إذا كنت تكلف خاطرک وتفحصني
- أنجلو : شوفوا البت ياختي
- أوسكار : بقى اسمعي يا مدموازيل. اسمحي لي اقول لك كده بالحريه. إني أنا ما عنديش  
وقت يسمح لي النهارده. يمكن تقدرني تشرفي في يوم تاني معلش
- سيمون : لا يستحيل أنا مسافره الليله بولياك
- أوسكار : طيب ما تروحي لحكيم تاني أحسن علشان صحتك
- سيمون : لا المسأله موش مستعجله قد كده. اتفضل خمسين فرنك أجرة الاستشاره  
بتاعتك
- أوسكار : استشاره. لا لا العفو يا مدموازيل
- العم : (من الداخلى) هه. خلصت يا أوسكار
- أوسكار : آه. عمي كامبوليف أهه يا مدموازيل. أيوه يا عمي خلاص
- سيمون : أمال عن إذنك يا دكتور. ميل مرسي<sup>(١)</sup>. ياللا بنا يا أنجلو شير (يخرجان)
- أوسكار : أما جمال صحيح. أيوه كان عمي يخطب لي واحده زي دي. موش الخلقه  
المشقلبه الي في الصوره دي الي شفيتها.. الله دي نسيت شنطتها.. يا مدموازيل  
يا مدموازيل. إخص دي ركبت التاكسي

(١) بالفرنسية "Mille merci" وتعني: ألف شكر.



- چوچو : (داخلاً) آديني أهه غيرت هدومي وبقيت شيك خالص
- اوسكار : إنت جيت يا مسيو چوچو
- چوچو : أيوه. أنا رحب البيت بتاعي علشان اغير هدومي. وبعدين لقيت إعلان من صاحب البيت بيطالبني فيه بالأجره المتأخره
- اوسكار : يا سلام. وقد إيه الأجره المتأخره دي
- چوچو : ألفين وميتين فرنك. أجره اتنين وعشرين شهر
- اوسكار : يا سلام. وازاي ما دفعتش الأجره دي وكل شهر بتاخذها مني
- چوچو : والله بيسهه عليّ ادفعها وتروح ضمن المصاريف. سيبك خيلنا في المهم
- اوسكار : مهم إيه
- چوچو : أنا رحب عيون لينكس
- اوسكار : هه. وعملت إيه
- چوچو : رئيس الشركه قبل الطلب وحا يصدر الأمر لرجالہ بالبحث عن صاحبتنا إياها
- اوسكار : كويس. وقدر لك الأتعاب
- چوچو : أوه شيء بسيط. ميت فرنك في اليوم
- اوسكار : ميت فرنك في اليوم عال عال. مبلغ بسيط واياك على الله بعثروا فيها النهارده والا بكره
- چوچو : أيوه. وقال لي بالكثير حا يلتقيها لك. بعد شهرين
- اوسكار : يا سلام ميت فرنك في اليوم لمدة شهرين إنت مجنون
- چوچو : وفيها إيه. البركه في عمك أهه جالك ياخويا
- اوسكار : إنت لازم اتجننت لأن أعمالك دي اللي بتعملها كلها عمل جنون
- چوچو : أنا مجنون
- اوسكار : معلوم. وإن ماكنتش مجنون ماكنتش تفوت الشنط لواحد مجهول ما تعرفوش
- چوچو : ومين عارف الشنط دي توصل لنا إمتى
- چوچو : يمكن توصل بكره
- اوسكار : ويمكن ما توصلش خالص
- فرنسين : (تدخل) سيدي
- اوسكار : إيه فيه إيه



- فرنسين : فيه واحد جايب شنط
- چوچو : هيه. مين فينا اللي مجنون بقى
- أوسكار : ادفعي له الأجره يا مدموازيل واستلمي منه الشنط
- فرنسين : دفعتها له ومشي يا سيدي. بس الشنطه دي جات ويأ الشنط يظهر إنها موش بتاعتك
- أوسكار : لازم يكون الشيال غيرها. إلحقيه قوام واندهي له
- فرنسين : دا مشي من الصبح يا سيدي
- چوچو : آه. افتكرت
- أوسكار : افتكرت إيه
- چوچو : تعرف الشنطه دي بتاعة مين
- أوسكار : بتاعة مين
- چوچو : بتاعة صاحبتنا إياها. اللي احنا بنبحث عنها
- أوسكار : إزاي ده
- چوچو : يظهر إن أنا لما ناولتها الشنط بتوعها من شبك العربيه نسيت واديتها شنطه  
من بتوع غلط بدال دي ولا افتكرتش إلا دلوقت أهه بس
- أوسكار : غريبه (يقرأ) آه. وآدى اسمها مكتوب على الشنطه اهه. واندا مونوزوف نمرة ٣٠  
شارع جوفروا
- چوچو : شوف سري باتح ازاي
- أوسكار : أيوه صحيح يا چوچو فيك شيء لله
- چوچو : أهه دلوقت مافيش لزوم لعين لينكس ولا لعين فيشي ياخويا. وآديني وفت لك  
ميت فرنك في اليوم لمدة شهرين (يحسب) ميت فرنك في اليوم لمدة شهرين  
ييقوا بكام.. ييقوا ست الاف فرنك عال. صاحب البيت اللي أنا ساكن فيه طالب  
مني ثلاث الاف فرنك أديهم له واسامحك في الباقي
- أوسكار : إيه الكلام الفارغ ده. خيلنا في المهم
- چوچو : مهم إيه
- أوسكار : آديني دلوقت لقيتها وعرفت مطرحها لكن ازاي حاقدرا اقابله
- چوچو : يا سلام دانت لبخه قوى. بقى تبقى شنطتها عندك وتتلخ كده
- أوسكار : طيب ما تقول لي أعمل إيه



- چوچو** : أحسن طريقه إنك تاخذ الشنطه بتاعتها توديتها لها من جهه إنك تتوصل لمقابلتها ومن جهه تانيه تمنعها عن مجيها هنا ويشوفها عمك وتبقى فضيحة
- أوسكار** : أيوه الله عندك حق. ولكن عمي حا يقول إيه لما ما يلتقينيش
- چوچو** : لا ما تفتكرش. أنا اقول له راح عن واحده زبونه
- أوسكار** : يا سلام يا چوچو أما صحيح سرك باتع
- چوچو** : وانا قربت آآمن بنفسي
- أوسكار** : بس اعمل معروف بقى روح افتح الشنط اللي جات ووضب الهدوم اللي فيها في محلها. أحسن ياللا السلامه عمي يلحظ حاجه ويخش ويابا في سين وجيم
- چوچو** : على عيني. بس ابقى سلم لي وقول لها القط بتاعي هادي وحا يبطل الشخران (يخرج)
- أوسكار** : ها ها ها. الله يجازيك يا چوچو تملي يهزر الملعون (جرس) مين دا كمان ما داهيه لا تكون زبونه تانيه. لا أنا خارج من باب الخدامين واروح اودي الشنطه لصاحبته دي اللي لخبطت كياني (يخرج)
- فرنسين** : (تدخل) طيب ما تديني الشنطه يا مسيو
- بيروتشى** : أديها لك ازاي. موش أما استلم الشنطه بتاعة الست اللي خدتها غلط بدال دي. دا من حسن الحظ اللي لقينا اسم سيدك على الشنطه دي وان ماكانش كده...
- فرنسين** : طيب استنى أما اروح اجيب لك الشنطه اللي عندنا (تخرج)
- چوچو** : (يدخل) أنا موش عارف ازاي حا افتح الشنط والراجل الشيال الملعون ما سلمش المفاتيح اللي وياه. آه. مسيو
- بيترو** : مسيو
- چوچو** : بيتروتشى
- بيترو** : مسيو چوچو. إنت هنا
- چوچو** : أيوه هنا
- بيترو** : إنت فين وانا بقى لي ثلاث سنين بادور عليك. أنا ليّ عندك تار يا مسيو. ولازم انتقم منك. قنديتا<sup>(1)</sup>
- چوچو** : الله الله. بتدور عليّ أنا

(1) بالفرنسية "Vendetta" وتعني: تار أو انتقام.



- بيٽرو** : أيوه يا مسيو
- چوچو** : بتدور عليٰ علشان إيه
- بيٽر** : علشان إيه. مانتاش عارف علشان إيه إنت نسيت الي عملته في ٣ إبريل سنة ٩٢١
- چوچو** : تلاته إبريل سنة ٩٢١
- بيٽرو** : أيوه. في كافيه داركور لما كنت مشاركتي في لعب الكوتشينه ولما شفت إننا خسراين فتنني جنابك بحجة إنك رايح تتكلم في التليفون وفكيت قلوعلك وددفتني اتنين وتلاتين كوتشينه خسراهم سوا
- چوچو** : يا خساره. لكن أنا موش فاكر أبداً
- بيٽرو** : لكن أنا ما نسيتش وإذا حبيت تخلص روحك مني دلوقت لازم تدفع لي ثمانيه واربعين كو<sup>(١)</sup> كوتشينه
- چوچو** : الله. دول كانوا اتنين وتلاتين
- بيٽرو** : ونسيت الفوايظ يا عزيزي
- چوچو** : أيوه معاك حق. لكن قول لي يا عزيزي بيٽرو ازاي أحوالك دلوقت
- بيٽرو** : أوه عال خالص. أهه فضلت ألعب كل أنواع الألعاب من بوكر لبكراه لغيره والزهر معاندي وبعدين زهري طققق كده بغته والأشيا بقت معدن خالص
- چوچو** : يعني إيه. أنا موش فاهم. كسبت النمره
- بيٽرو** : لا ممره إيه. أنا طببت في واحده ست جميله وغنيه قوي والست دي دلوقت تبقى الماتريس<sup>(٢)</sup> بتاعتي وباحد منها كل الي أنا عايزه
- چوچو** : آه. قول لي كده. آه يا خلبوص
- بيٽرو** : آه يا عزيزي دي لطافه إيه أما إذا كان تخونني والا تفوتني المدام دي
- چوچو** : أيوه أنا عارف. فنديتا
- بيٽرو** : مطبوط
- چوچو** : إحنا موش في كده. إيه الي جابك هنا دلوقت
- بيٽرو** : لا. الي جابني هنا حكايه تانيه. تصور يا مسيو چوچو (جرس تليفون)
- چوچو** : اسمح لي من فضلك
- بيٽرو** : اتفضل

(١) بالفرنسية "Coup" وتعني: دور.

(٢) بالفرنسية "Maitresse" وتعني: العشيقة.



- چوچو** : آلو.. هه.. المسيو بومبيراك.. أيوه تمام.. لكن مين جنابك.. إيه... إنت المدام اللي كنت ويانا في القطر
- بيترو** : هه
- چوچو** : انشانتيه شير مدام<sup>(١)</sup> (لبيترو) دي واحده ست كانت راكبه القطر ويانا وحصلت لنا وياها حادثه لكن في غاية الغرابه
- بيترو** : حادثه
- چوچو** : طول بالك دلوقت احكي لك الحكايه.. آلو.. أيوه. ازاي صحتك.. لأ. لا موش أنا المسيو بومبيراك. أنا القط
- بيترو** : قط
- چوچو** : أيوه أنا المشخراطي. بتقولي إيه جنابك.. لا لسه ماحدش جاب الشنطه لكن المسيو بومبيراك حا يجي لك عندك دلوقت بالشنطه بتاعتك
- بيترو** : عندها
- چوچو** : لا ما يكونش عندك فكره. اللي حا يجيب لنا الشنطه ده يستحيل اقول له على حاجه أبدًا. واخليه على عماه. لا ما تخافيش. إي لانا غشيم لا سمح الله.. إيه المسيو بومبيراك جه عندك.. عظيم قوي.. آلو. دي قطعت السكه وانشغلت بالكلام وياه
- بيترو** : يا عفاريت الأرض خديه
- چوچو** : الله. جرى لك إيه. ما كنت عاقل
- بيترو** : فنديتا فنديتا (يخرج)
- چوچو** : فنديتا. لاهي لسه مسأله الاتنين وتلاتين كو بتوع الكوتشينه مأثرين وياه. يا سلام دا متغاظ مني قوي. الله. دي شنطة أوسكار. غريبه وإيه اللي جابها هنا
- فرنسين** : (داخلة) ماتعرفش فين الشنطه اللي اتبدلت يا مسيو چوچو
- چوچو** : الشنطه اللي اتبدلت
- فرنسين** : أيوه اللي جاي جنبه علشان ياخدها. الله هو راح فين
- چوچو** : الله. هو الراجل اللي كان هنا. كان جاي علشان ياخذ الشنطه اللي اتبدلت
- فرنسين** : أيوه

(١) بالفرنسية "Enchanté chère madame" وتعني: سعيد بمقابلتك سيدي.



- چوچو** : إخص. قال وكننت حاحكي له الحكايه. ياخي الحمد لله اللي ما وقعتلوش بحاجه كانت تبقى مصيبه
- فرنسين** : إيه فيه إيه يا مسيو چوچو
- چوچو** : الله. أنا ما قتلوش حاجه. لكن كنت باتكلم في التليفون ويمكن الراجل سمع
- فرنسين** : سمع إيه موش تقول لي
- چوچو** : أيوه لازم سمع. وعلشان كده خرج زي المجنون ويقول فنديتا. آه. دلوقت ضروري حا يقتل أوسكار
- فرنسين** : يقتل أوسكار
- چوچو** : (في التليفون) آلو مدموازيل.. آلو... ماحدث بيرد ليه ياخويا. آلو. مدموازيل.. إخص على التليفونات وعلى اللي عملها. آلو مدموازيل أنا في عرضك إنت يا مدموازيل. في عرضك الحقيني دي حا تحصل مصيبه إديني النمره اللي كنت باتكلم فيها من فضلك.. إيه.. نمره كام.. أنا ما نعرفش النمره يا مدموازيل.. هه.. أيوه إديني النمره اللي كنت باتكلم وياها قبل شويه.. عنوان.. ونسيت العنوان كمان.. ماتشتميش كده لاجي أطبق التليفون على دماغك ودماغ أبوك كمان.. قال بتشتمني قال.. اسمعي يا فرنسين
- فرنسين** : نعم
- چوچو** : قوام خدي تاكسي والحقي أوسكار قوام
- فرنسين** : ألحقه فين يا سيدي
- چوچو** : والله موش عارف فين
- فرنسين** : يادي الداهيه.. ودي مصيبة إيه اللي كانت مستخبيه لنا
- چوچو** : مصيبه اكسبريس على عجل
- العم** : أوسكار (يدخل) الله فين امال أوسكار
- چوچو** : مين عارف
- العم** : لازم يكون في أوضته
- فرنسين** : من الأسف سيدي خرج
- چوچو** : بس إياك يرجع (جرس)
- فرنسين** : آه لازم هوّ (تخرج)





- العم : الله. مالكم جرى لكم إيه
- فرنسين : (داخلة) سيدي جه
- چوچو : آه يا عزيزي أوسكار. الحمد لله على سلامتكم
- العم : إيه ده.. إنت كنت فين
- أوسكار : كنت.. لا بس كنت...
- چوچو : كان عند واحد زبونه عيانه بمرض عصبي
- أوسكار : أيوه تمام وبهدلنتني خالص
- العم : يا سلام. الله يكون في عونك يا أوسكار ويهديك
- چوچو : الله يكون في عونك يا أوسكار ويهديك ويتوب عليك من الحب اللي شرمط<sup>(1)</sup>
- هدومك ويشفيك
- أوسكار : روجي هاتي لي چاكنه
- فرنسين : حاضر يا سيدي (تخرج)
- العم : مسكين دانت تعبت خالص استريح لك شويه. على بال ما اروح احلق دقني
- واجي لك حالاً (يخرج)
- چوچو : هه. قول لي بقى. إيه اللي حصل
- أوسكار : آه يا چوچو. أما حادثه زي الزفت
- چوچو : أيوه أنا عارف
- أوسكار : أنا يا دوب ابتديت وياها في الكلام. وابص والاقى لك صوت زي الرعد وواحد زي الوحش راح داخل علينا الشقه وهو يسب ويقول آه يا خنزير يا بومبيراك. أنا لازم اشرب دمك. اقول لك الحق أنا خفت على نفسي منه ورحت ناطط من الشباك
- چوچو : أظن ما انكسرت رجلك يا مسكين
- أوسكار : لا لا. أنا نزلت في بلكون قريب. وفضلت أنط من بلكون لبلكون زي النسناس لحد ما بقيت قريب للأرض ونطيت في الشارع وتني جاي على هنا زي ما إنت شايف
- چوچو : احمد ربنا اللي عرفت تخلص منه
- أوسكار : لكن الشيء اللي أنا باستغرب له ازاي الراجل ده عرف اسمي أنا موش عارف
- چوچو : ما تدورش ولا تتعشب نفسك

(1) معناها: قطع أو مزق.



- أوسكار : إزاي
- چوچو : أيوه. علشان أحياناً بتحصل للواحد مصايب ولا يعرفش مصدرها
- أوسكار : إنت طلعت الهدوم من الشنط زي ما قلت لك
- چوچو : لا. الراجل الشيال مشي. من غير ما يدينا المفاتيح
- أوسكار : طيب روح يا أخي هات لنا واحد كواليني يفتح لنا الشنط والسلام
- چوچو : على عيني.. توبه إذا كنت اتكلم في التليفون أبداً (يخرج)
- أوسكار : أنا باستغرب إزاي ده يعرف اسمي. آه يا حياتي
- واندا : (من الخارج) ما تحوشنيش اوعى كده لازم اقابله. آه إنت هنا
- أوسكار : أيوه أنا هنا يا عزيزتي
- واندا : آه يا عزيزي أوسكار أما انا كنت خابفه عليك لا يقتلك
- أوسكار : يا سلام يا حياتي. دا راجل وحش صحيح (لفرنسين) سيبينا دلوقت
- واندا : أولاً سيبيني ارتاح شويه لأني جريت كتير ولابقاش في نفس
- أوسكار : وإيه اللي حصل بعد ما هربت منه
- واندا : أهه يا دوبك إنت زغت من هنا وبيتروتشي هجم عليّ وكان عايز يموتني
- وبعدين صرخت وجم الجيران خلصوني من إيده
- أوسكار : هه. وبعدين
- واندا : وبعدين اتفقنا إننا نفارق بعض وكل واحد يروح لحاله ودلوقت أنا جيت لك
- علشان اعيش وياك ولا نفارقش بعض أبداً. موش مبسوط يا عزيزي
- أوسكار : مبسوط قوي يا سلام دانا زي اللي في حلم
- واندا : بس اوعى يكون لك متريس
- أوسكار : أنا
- واندا : يكون في معلومك إني أنا أغير من الهوا وغيرتي فظيعة خالص واذا حصل منك
- شيء يجرح احساسي موش حا يحصل طيب أبداً
- أوسكار : إزاي تفتكري كده يا روحي أنا أقسم لك إني حا اكون لك وحدك طول مدة حياتي
- واندا : اتفقنا (جرس)
- العم : (من الخارج) افتح يا أوسكار
- أوسكار : يادي الداھيه



- واندا : إيه مالك
- أوسكار : عمي جه.. خشي هنا استخبي
- واندا : عمك. الكلام ده ما يخشش على واحد زَيِّي. دي لازم واحده ست جبالك وانا موش حا انتقل من هنا أبدًا
- العم : (من الخارج) مافيش حد هنا ولا إيه
- أوسكار : إخص. (تنام على الكنبه ويغطيها بمفرش) نامي هنا وانا اغطيك
- واندا : حاسب حا تكتم نفسي
- أوسكار : هس اسكتي
- العم : (يدخل) آديني حلقت دقني وجيت لك أهه يابن اخويا
- واندا : دا عمه صحيح.. آه يا عزيزي
- العم : إيه.. مين اللي بيتكلم ده ويقول يا عزيزي
- أوسكار : لأ دانا. بقول طيب يا عمي يا عزيزي
- العم : آه كويس. لكن إنت منتظر إيه دلوقت موش ياللا نتغدى
- أوسكار : أيوه بس...
- چوچو : (داخلًا) الراجل الكوالييني عنده شغل. واداني الطفاشات دول علشان افتح الشنط
- العم : شنط. شنط. إيه
- أوسكار : لا دي شنط..
- چوچو : ديهدي يا مسيو أوسكار إنت ما قلتش لعمك إحنا كنا سافرنا لبونتواز<sup>(1)</sup> علشان واحده بتولد وراحت مفاتيح الشنط وعلشان كده أنا جيت الطفاشات دول علشان افتحها
- العم : آه كويس. طيب ياللا اعملوا لكو همه خيلنا نروح نتغدى
- أوسكار : حاضر يا عمي. بس لو كنت تسبقنا يكون أحسن علشان توصي لنا على الأكل اللازم
- چوچو : لا لا مافيش لزوم. كلها خمس دقائق ونروح ويا بعض
- أوسكار : (لچوچو) إخص الله يلعنك
- چوچو : الله الله دا ماله ده
- العم : طيب ياللا بس قوام أحسن أنا تعبان موش قادر افف

(1) بونتواز هي بلدية فرنسية تقع في الضواحي الشمالية الغربية لباريس.



- چوچو : تقف ليه. اتفضل ارتاح
- أوسكار : آه يا ربي
- واندا : (وقد جلس العم عليها) آه
- العم : إيه ده. الله الله. واحده ست
- چوچو : (على حدة) الست بتاعة القطر
- أوسكار : آه يا غبي
- العم : إيه الست دي يا أوسكار
- أوسكار : أنا حاقول لك يا عمي دي واحده ست كنا قابلناها في القطر واحنا جايبين من السفر
- العم : جايبين من السفر. طيب اصرفها حالاً من فضلك لأن وجودها هنا. فيه شبهه كبيره. من فضلك يا مدام اخرجي من هنا حالاً
- أوسكار : (هامساً) اتفضلي دلوقت وانا حا احصلك (لچوچو) اخرج وياها ما تفوتهاش
- واندا : أما راجل عجوز صحيح
- چوچو : أما الجدع ده بيلبخني صحيح (يخرج مع واندا)
- أوسكار : أنا في غاية الخجل يا عمي
- العم : بس بقى. إنت ماتختشيش تجيب لك واحده هنا ومخبيها كمان ولا تحترمش وجودي عندك. لا دا شيء فظيخ خالص
- أوسكار : لا يا عمي المسأله فيها سوء تفاهم بسيط
- العم : ما تسوقهاش من فضلك. لاني أنا برضه في شبوبيتي. أظن مرّت عليّ حوادث زي دي. وانا حا اسامحك المره دي
- أوسكار : مرسي يا عمي مرسي
- العم : حا اسامحك لكن على شرط
- أوسكار : أشرط زي ما انت عايز
- العم : أنا عايز تديني كلمه شرف بإن الحادثه دي ما يكونلهاش تاني. وتقطع كل علاقہ بينك وبين الست دي إذا كان فيه بينك وبينها علاقہ تديني الكلمه دي
- أوسكار : بكل ارتياح يا عمي
- فرنسين : (داخلة) سيدي
- أوسكار : إيه فيه إيه



- فرنسين : فيه واحد عايز يكلمك. بيقول إنه جاي من طرف عيون لينكس
- العم : عيون لينكس. عيون لينكس دي إيه كمان
- أوسكار : لا يا عمي دي.. دي شركة تأمين.. قولي له أنا موش هنا
- العم : لا لأ. خليه يدخل
- فرنسين : حاضر (تخرج)
- أوسكار : أنا بايتي حا اتلبخ وچوچو موش هنا (تدخل فرنسين ومعها المندوب)
- مندوب
- الشركة : ميسيو<sup>(1)</sup>
- العم : قرب هنا يا ميسيو
- المندوب : جنابك الميسيو بومبيرك
- العم : أيوه أنا
- أوسكار : يادي الداهيه
- العم : إيه المسأله من فضلك
- المندوب : المسأله يا ميسيو بومبيرك تتعلق بموضوع البحث والتحري. اللي كلفنا بها صاحبك الأسود اللي بعته لنا حضرتك
- أوسكار : لا يا ميسيو. المسأله دي موش ضروري قد كده
- العم : موش ضروري
- المندوب : موش ضروري ازاي والميسيو چوچو قال لنا إن المسأله دي مستعجله ومهمه جدًا
- أوسكار : لا أنا أؤكد لك...
- العم : هس اخرس. وعملتوا إيه في المسأله دي
- المندوب : ولا حاجه. لأن الميسيو چوچو وصف لنا وصف ناقص. وعلشان كده ما أمكناش نستدل على حاجه
- أوسكار : أهي الحنفيه انفتحت
- العم : إزاي ده
- المندوب : أيوه. لأنه كلفنا بالبحث عن الست دي ولكن الوصفه اللي اداها لنا موش كفايه
- العم : ست

(1) بالفرنسية "Messieurs" وتعني: يا سادة.



- المندوب :** أيوه الست الي كنت حضرتك مسافر وياها في القطر وانت راجع من مونت كارلو
- العم :** مونت كارلو
- أوسكار :** لا يا عمي المسألة...
- العم :** هس اخرس.. هي كمل من فضلك
- المندوب :** يعني إن المسيو چوچو حكى لنا تفاصيل المسألة وحكى لنا حكاية ليلة الأنا دي الي مضيتها في القطر سوا وخسارة الشيك أبو خمسين ألف فرنك الي كان بعته لك عمك
- أوسكار :** يادي الداهيه
- العم :** هه.. كويس خالص. هه وبعدين
- المندوب :** وحضرتة قال لنا على كل التفاصيل دي وترك المههم
- العم :** مهم إيه
- المندوب :** يعني ما قالناش على عمر الست دي إيه. ولا الشراب بتاعها لونه إيه مثلاً وجنايك عارف يا مسيو إن المسألة دي موش صغيره والتأخير يضرك وخصوصاً إن الشركة قدرت أتعابنا بمية فرنك في اليوم
- العم :** ميت فرنك في اليوم
- المندوب :** أيوه يا مسيو
- العم :** لا كفايه لحد كده ما تدوروش عليها
- المندوب :** ما ندوروش عليها
- العم :** أيوه. والست لقيناها هنا
- المندوب :** ما دام المسألة كده اسمح لي بالانصراف. واذا تاهت الست دي مره ثانيه شركة عيون لينكس دايماً تحت أمرك مع العلم بأن لها مبدأ مافيش أحسن من كده
- العم :** مبدأها إيه
- المندوب :** السرعه وكتم السر
- أوسكار :** (على حدة) كتتم السر قال
- المندوب :** ميسيه<sup>(1)</sup> (يخرج)
- العم :** هه كويس كده يا أوسكار بقى بتستخف بيّ للدرجه دي وتضحك على دقني

(1) بالفرنسية "Messieurs" وتعني: سادتي.



- أوسكار** : لا يا عمي بس...
- العم** : بس اسكت. أنا كنت فاكِر إن سيرك حميد وملتفت لعملك. أجرينك موش مخلي.  
من مونت كارلو. للقطورات. وعامل لتهجيصك محطات
- چوچو** : (داخلاً) آديني سكتنتها في اللوكانده
- العم** : آه.. وآدي شريكك في الجريمة
- چوچو** : جريمة إيه يا سيدي
- أوسكار** : هس اسكت. عمي عرف كل حاجه
- العم** : مانتش عارف الجريمة. جريمة البلف اللي بتبلفولي من الصبح وانت قاعد ترقع له
- چوچو** : ارقع
- العم** : أيوه. آديني عرفت الدور اللي بتلعبه جنابك. وعرفت إنك إنت اللي بتساعده  
على المسخره اللي هو ماشي فيها
- چوچو** : لكن يا مسيو كامبوليف...
- العم** : كفايه كفايه من فضلك.. ودلوقت مافيش لزوم اقول لك حَضَّر شنطة السفر  
بتاعتك لأنها جاهزه. حيث إنك لسه جاي من عند الست اللي كنت بتعالجها في  
بونتواز<sup>(١)</sup>. وبعد عشر دقائق نساfer واهه الأتوموبيل تحت بيستنانا
- أوسكار** : نساfer. نساfer على فين
- العم** : نساfer ويايا بولياك علشان اقدم لك مدموازيل كورباين العروسه اللي حا تتجوها  
بعد ثلاث أسابيع
- أوسكار** : إيه. اسمح لي يا عمي اقول لك إن المدموازيل دي شكلها فظيخ خالص
- العم** : معلوم. ما دام صورة الست إياها مرسومه في مخيلتك بالطبع كل الستات اللي  
في الدنيا شكلهم فظيخ
- أوسكار** : بقى يا عمي يخلصك...
- العم** : هس ولا كلمه. لازم تنفذ أوامري وإلا أحرمك من ميراثي (يخرج)
- چوچو** : إيه المسأله. عمك عايز يجوزك
- أوسكار** : أيوه يا سيدي
- چوچو** : أحسن لك من مشيك البطال ده

(١) بونتواز هي بلدية فرنسية تقع في الضواحي الشمالية الغربية لباريس.



- أوسكار : طيب شوف كده إن كانت العروسة دي تعجبك
- چوچو : إخص. دي باين عمشه
- أوسكار : لا يستحيل اقبل جواز واحده زي دي مهما كانت ثروتها. ولكن أنا حا اوافق عمي واسافر وياه وهناك اقدر اقنعه بعدم لياقتها بس أرجوك تخلي بالك من واندا وقول لها على كل اللي حصل
- چوچو : أقول لها سافرت علشان تتجوز
- أوسكار : لا لأ. قول لها إني اضطريت للسفر لأسباب عائليه واني حا اكاتبها بس اوصيك تبلغها إني باحبها. ويستحيل احب غيرها أبدًا
- چوچو : لا ماتخافش عليّ. أنا سياسي في الحاجات اللي زي دي
- فرنسين : (داخلة) سيدي
- أوسكار : إيه فيه إيه
- فرنسين : المدموازيل اللي كانت هنا جات وبتقول نسيت شنتطها
- أوسكار : أيوه. خدي الشنطه أهى والا استني (لچوچو) من فضلك سيبني لحظه
- چوچو : وإيه المدموازيل دي كمان
- أوسكار : بعدين اقول لك. لأن دا شيء يطول شرحه
- چوچو : والله يطول شرحه قوي يا أوسكار (يخرج)
- أوسكار : خلي المدموازيل تدخل
- سيمون : (داخلة) جنابك عايزني يا دكتور
- أوسكار : أيوه يا مدموازيل اتفضلي قبله الشنطه أهه.. وجنابك موش قلتي إنك مسافره
- سيمون : أيوه يا دكتور
- أوسكار : بس بدي أكلفك بخدمه
- سيمون : بكل ممنونيه
- أوسكار : بقى عمي لأسباب عائليه عايز يجوزني لصاحبتك مدموازيل سيمون وحا نسافر بعد لحظه ولكن لأسباب شخصيه. أنا قررت رفض مشروع الجوازه ده بالمره
- سيمون : ليه بقى. لكن الحق عليّ اللي وريتك صورة مدموازيل سيمون





- أوسكار** : ولا حق ولا باطل. لأن المدموازيل سيمون دي لو كانت أجمل واحده في العالم  
كنت برضه رفضت. لأنني أكره كل جواز يكون بالأمر موش بالرغبه. لأنه موش  
من ذوقي ولا من مبدئي
- سيمون** : (على حدة) يا سلام على لطافته يا سلام. والمأموريه دي إيه بقى
- أوسكار** : الخدمه دي كده بالاختصار. إنك تكلفي المدموازيل سيمون إنها  
بعد ما تشوفني ترفض جوازي كده على طول. هيه تقومي لي  
بالمأموريه دي
- سيمون** : من دلوقت يا دكتور تقدر تعتبر إن المأموريه دي تم عملها وانتهت
- أوسكار** : مرسي
- سيمون** : عن إذلك أنا رايحه وبعدين نتقابل
- أوسكار** : نتقابل فين
- سيمون** : في بيت سيمون. آه يا مسكينه يا سيمون (تخرج)
- چوچو** : (داخلاً) آديني فتحت لك الشنط كلها
- أوسكار** : أما غبي صحيح. حا اسافر ازاي يا سيدي والشنط مفتحه
- چوچو** : لا ما تخافش أنا مربوطها لك بدباره
- بيترونشي** : (من الخارج) سيبيني باقول لك (يدخل)
- الاثنين** : بيتروشي
- بيترو** : أيوه بيتروشي. جنابك عامل لي بهلوان ولما تنظبط تنط من الشبابيك
- أوسكار** : لكن يا مسيو...
- بيترو** : لكن أنا ماحدش يعرف يهرب مني أبداً. علشان أنا واحد نابوليتاني ولما حد  
يتجرأ على حط صباعه بين الشجره وقشرتها دي تبقى إهانه. ما محيهاش إلا  
الدم. قنديتا
- العم** : (من الخارج) يالالا يا فرنسين. نزلي الشنط في الأوتوموبيل
- أوسكار** : لا مؤاخذه يا مسيو علشان أنا موش فاضي النهارده
- چوچو** : أيوه موش فاضي. وحا يسافر علشان يتجوز
- بيترو** : إيه. إنت حا تتجوز



- الاثنين : أيوه
- بيترو : حيث كده أنا دلوقت غيرت رأيي. والإهانه دي لازم أمحيها بطريقة تانيه غير الدم
- چوچو : أيوه أحسن
- بيترو : اسم جنابك إيه من فضلك
- أوسكار : اسمي أوسكار
- بيترو : أوسكار. إنت حا تكون...
- أوسكار : حا اكون إيه
- بيترو : حا تكون مهزأ وقليل الكرامه ولازم انتقم منك أفضح انتقام وزى ما خطفت مني الست بتاعتي وأهنتني. أنا لازم أخطف منك الست بتاعتك واهينك. السن بالسن والعين بالعين. فئديتا (يخرج)
- أوسكار : أما وحش صحيح
- چوچو : قاتل أنا عارفه
- العم : (داخلاً) هه. استعديتوا
- أوسكار : أيوه يا عمي
- العم : يعني مالبستش البالطو بتاعك
- أوسكار : آه. أيوه صحيح. اما اروح البسه (يخرج)
- العم : وانت يا مسيو چوچو. حيث إنك موش مسافر ويانا وحا تفضل هنا في باريز اكلفك تروح عند يلزاك تاجر الموبليا. وتختار الموبليا اللازمه علشان العريس والعروسه وعلى كل حال ذوقك يعجبني
- چوچو : بكل ممنونيه
- العم : وانا حادفح التمن شيك على البنك
- چوچو : كويس. وفين هوُ الشيك
- العم : لا لأ. يعني لما ارجع أنا ابقى ادفع له التمن بنفسي. أنا زبونه من زمان وعارف معاملتي
- چوچو : إخص على كده
- أوسكار : (داخلاً) آديني يا عمي



جديو بكل سنوية  
المسم وانا ما ارفع لتهه شيك على البند

جديو كويين ونيده لتهه شيك

المسم لده لده يعني ما ارفع انا البت ارفع له لتهه بنفس انا ما ارفع منه زيهم  
وشارف ما ملتي

جديو اذير على كوج

او سكار (رافعه) اذير اعين

فرسيه (رافعه) فريته تسيطره الا ترميل

المسم هسه كوج تاللة بنا

او سكار (فرجيد) او عن نسيب وانرا ابل

جديو لدا ايا زي المعيله

(المسج بيضونه وبيولونه لده ختام الفصل الاول)

انتهى الفصل الاول

فصل الثاني  
...  
...  
...  
...  
...

- فرنسين : (داخلة) حطيت الشنط في الأوتوموبيل  
العم : حيث كده ياللا بنا  
أوسكار : (لچوچو) اوعى تسيب واندأ أبدًا  
چوچو : لا أبدًا. زي المنجله  
(الجميع يدخلون ويقولون لحن ختام الفصل الأول)

## ستار



75 2408  
28/4/69

### الفصل الثاني

صدر وائت نادى استمر

(ترفع المسارعة سالون والجميع يقولونه لنا)

سبون و رلوقت يا جماعة انتفضوا سرفونا . وضعدوا قدم حاد على البيوتيه  
الجميع مدسى مذم (تبرصون وتبعوا لها والحاد)

الحما! الدكتورى لى باليرنى

سبون مذم

الحما! انتا مرسه كنته فضعه الدكتور بو ميراك قبل ما يتجون

سبون لدا بذا يا مذم . انا ما بينتد هنا الدمه منق شهر بس . والواياني

هنا لفتد السير بمره مما حيا سيدى وسطا

الحما! اه مد صه . كوفينه السير بمره ؟

سبون اهد بمره ما جد سيدى اوسكار الرطوده الصبح منه السفر ليه عننا

يستنا ليه في مولد اوساى . ودا جاسه لحد رلوقت

الحما! يستنا في : يستنا في اناى وهو ما يد فقيسه . ودا عمره شاف ونسى (حرس)

سبون آه . والفضم صور لى عرف الحرس شاعه (تخرج)

الحما! ما شوف السير بمره بده اوى جميع لى فيه اوسكار وتقول ان اوسكار

## الفصل الثاني

ترفع الستار عن صالون والجميع يقولون لحنًا.

- سيمون : ودلوقت يا جماعه اتفضلوا شرفونا. وخذوا لكم حاجة على البوفيه
- الجميع : مرسي مدام (يخرجون وتبقى الحما والخدمة)
- الحما : ألا قول لي يا ليوني
- ليوني : مدام
- الحما : إنْت موش كنتِ في خدمة الدكتور بومبيراك قبل ما يتجوز
- ليوني : لا أبدًا يا مدام. أنا ماجيتش هنا إلا من مدة شهر بس. واللي جابني هنا للخدمة
- المسيو چوچو صاحب سيدي أوسكار
- الحما : آه من حق. هو فين المسيو چوچو ده؟
- ليوني : أهه بعد ما جه سيدي أوسكار النهارده الصبح من السفر بعته علشان يستناك في محطة أورساي. ولا جاش لحد دلوقت
- الحما : يستتاني! يستتاني ازاي وهو ما يعرفنيش. ولا عمره شاف وشي (جرس)
- ليوني : آه. دا لازم هو لأني أعرف الجرس بتاعه (تخرج)
- الحما : أما اشوف المسيو چوچو ده اللي بيمدح لي فيه أوسكار ويقول إنه واحد لطيف
- چوچو : (من الخارج) ازاي ده. هي جت مدام كوربالين
- ليوني : أيوه (يدخلان) أهي يا سيدي
- چوچو : مدام
- الحما : مسيو. جنابك المسيو چوچو. موش تمام
- چوچو : أيوه. واقدم لك احتراماتي يا مدام. أنا كنت منتظر جنابك في المحطه وبعدين شفت واحده مجعلصه نازله من القطر. قمت افكرتها جنابك
- الحما : مجعلصه!
- چوچو : أيوه. ورحت شایل لها الشنطه على طول ولا فهمتش غلطي إلا لما خرجنا من المحطه. وراحت مناوالاني نص فرنك أجرة الشياله. دي واحده ست طرشه يا مدام. وافكرتني شيال



- الحما : أوه بردون مسيو چوچو. أنا مكسوفه منك قوي
- چوچو : الغايه. الحمد لله على السلامه
- الحما : مرسي
- چوچو : إلا إنت جايه تعملي إيه هنا
- الحما : أعمل إيه. جايه اشوف العريس والعروسه اللي بقى لهم شهرين غايين. ولما جاني جواب من أوسكار بإنهم جايين النهارده جيت علشان اشوفهم واطمن عليهم
- چوچو : كويس (على حدة) يا سلام. دي واندما لما تعرف إن أوسكار جه من السفر راح تنبسط خالص
- الحما : بتقول إيه جنابك؟
- چوچو : لا مافيش. بقى جنابك تبقى حماة أوسكار
- الحما : وأوسكار يبقى جوز بنتي. وليه السؤال ده من فضلك
- چوچو : لا بس باستفهم. لكن أوسكار ده يعني بيحب بنتك قوي
- الحما : إلا بيحب بنتي. دا بيحبها حب جنون يا مسيو
- چوچو : حب جنون
- الحما : الله. بتضحك على إيه جنابك. حاجه غريبه دي؟
- چوچو : (على حدة) والله ما انتِ فاهمه إيه الحكايه يا مسكينه
- الحما : إلا قول لي يا مسيو چوچو. إنت ليه ماجيتش علشان تحضر جواز صاحبك. ودا كان يصح يا مسيو
- چوچو : لا ماهو أنا ما قدرتش احضر الفرحة علشان كان فيه عندي شغل كتير هنا
- الحما : شغل
- چوچو : أيوه. كنت باوضب الشقه دي علشان العريس والعروسه. وكان عندي شغل غير كده كمان
- الحما : أيوه صحيح. أنا كنت ناسيه لأن المسيو كامبوليف كان قال لي إنه مكلفك بالمأموريه دي
- چوچو : آه من حق. ازاي صحة المسيو كامبوليف دلوقت. موش طيب بخير
- الحما : آه. من الأسف
- چوچو : الله الله. هو مات؟



- الحما : الله لا يقدر
- چوچو : آمال جرى له إيه
- الحما : لا بس بقى لي شهرين ما شفتوش. لأنه بعد ما تم مسألة جواز أوسكار. سافر على شيلى. ولا سأل عني ولا عن صحة سلامتي
- چوچو : (على حدة) إخص! الوليه باينها استلطفته
- الحما : الغايه. من فاتك فوته (تصفق)
- چوچو : إيه فيه إيه. يلزم خدمه
- الحما : لا بس ما دام المعازيم حا ينصرفوا دلوقت. بدي أحضّر السفره علشان ناكل لنا لقمه
- چوچو : أيوه في محله. بس عن إذنك أنا فيه عندي مشوار صغير اروح اقضيه وارجع حالاً
- الحما : بس اوعى تتأخر. إحنا موش حا ناكل إلا لما تيجي
- چوچو : لا. موش حا اتأخر أبداً
- الحما : إلا قول لي يا مسيو چوچو. إيه الأكل اللي يفضله أوسكار ويحبه
- چوچو : يحب الكوارع والرز المفلفل
- الحما : ها ها ها. طيب وجنابك
- چوچو : لا ماتعمليش حسايي. أنا باكل سلطه خالص (يخرج)
- الحما : ها ها ها. إلا سلطه دي روخره (تخرج)
- أوسكار : (داخلاً مع سيمون) آه يا سيمون. آه لو تعرفي قد إيه أنا مبسوط يا حياتي
- سيمون : وانا كمان انشراحي ما يتقدّرش أبداً يا روجي
- ليوني : (داخلة) آديني حضرت لك البدله يا جناب الدكتور
- أوسكار : دكتور. اسمعي هنا. أنا بعد دلوقت موش عاوز اسمعك تقولي لي يا دكتور أبداً
- سيمون : ليه يعني؟
- أوسكار : من فضلك مالكيش دعوه بكده (للخادمة) فهمت باقول لك إيه
- ليوني : حاضر يا جناب الدكتور (تخرج)
- أوسكار : برضه (على حدة) لا أبداً أنا لازم اقول لسيمون على الحقيقه. اسمعي يا سيمون.. بقى...
- سيمون : لا لا. قول لي إنت قبله. إيه السبب يا روجي في كونك مانتاش عاوز حد يقول لك يا دكتور. ما دام إنت دكتور





- أوسكار : أيوه.. أنا صحيح.. ولكن...
- سيمون : طيب قلنا في السفر معلهش. علشان ماحدش يعرفك. ولكن دلوقت إنت في بيتك. ولازم تعمل لك شهره وتستقبل الزباين
- أوسكار : (على حدة) إلا زباين دي كمان
- سيمون : لا. ولا تنساش إني احب افتخر بكوني زوجة الدكتور أوسكار بومبيراك
- أوسكار : زي بعضه يا مدام. أهي محصله بعضها
- سيمون : يا سلام. كل ما افكر وقت ما جيت عندنا في بولياك. وعرفت إن أنا العروسه موش بنت عمي أندوكسي وفضلت تبص لي بعينين كده زي فوانيس الأوتومبيل
- باسخسخ من الضحك خالص
- أوسكار : معلوم. لأني كنت في غاية الكدر. وكنت منتظر اشوف بنت عمك أم خلقه ممسوخه دي. اللي وريتينتي صورتها يا مكاره
- سيمون : آه يا حياتي. بكره تشوف وتعرف إنك اتجوزت واحده تفهم معنى الحياه. ولما تجيها تعبان من شغلك وتحب تتفسح نبقي سوا في كل مطرح. يعني في السينما في التياترو في الدانس
- أوسكار : لا يستحيل. كله إلا الدانس
- سيمون : الله. يستحيل ليه؟
- أوسكار : لأني ما اطيقتش اشوفك في أحضان واحد غيري يا حياتي
- سيمون : ليه. إنت بتغير؟
- أوسكار : إلا باغير! آمال ما اغيرش على مراتي
- سيمون : كويس. وانا كمان باغير قوي. وأظن لي حق في الغيره دي
- أوسكار : إزاي
- سيمون : أيوه. لأني فاجئت عمك وماما قبل ما نتجوز بعض وسمعتهم بيتكلموا عن علاقتك بواحد ست كنت اتعرفت بها في القطر
- أوسكار : إنت سمعت كده؟
- سيمون : أيوه كده بالصدفه وبغير قصد
- أوسكار : لكن دي حكاية قديمه وانتهت من زمان
- سيمون : صحيح



- أوسكار :** أنا أقسم لك إن جسمي وروحي وحياتي هم ملكك إنت. ومالكيش فيهم شريك  
أبدًا يا حياتي (لحن)
- سيمون :** أنا مصداقك يا روحي. بس يعني يكون في معلومك إني لو عرفت يوم إنك بتقابل  
الست دي تاني وتعرفها. موش حا يحصل كويس أبدًا
- أوسكار :** لا يستحيل اقبالها ازاي
- سيمون :** أيوه. خلي بالك كويس
- أوسكار :** (على حدة) ياخي الحمد لله اللي قطعك كل علاقه مع واندا (جرس) آه دا لازم  
المسيو چوچو
- سيمون :** أمال عن إذنك يا عزيزي
- أوسكار :** اتفضلي يا روحي (تخرج سيمون) آه. إنت جيت يا عزيزي چوچو
- چوچو :** أيوه جيت. هيه مبسوط
- أوسكار :** مبسوط قوي. ولكن ازاي أخذت لنا الشقه دي وعزلتني من الشقه بتاعتي. في  
الحقيقه إن الشقه دي كويسه خالص
- چوچو :** بقى لما شفت إن الشقه دي فضيت في البيت نفسه. ولقيتها أحسن من الشقه  
بتاعتك. اتفقت لك ويًا صاحب الملك ووضبت لك العفش فيها. واهه البيت هو  
هو والمالك هو هو
- أوسكار :** وفي الحقيقه عملت طيب
- چوچو :** لكن احنا موش في كده. يعني ما سألتنيش عن واندا ولا حاجه
- أوسكار :** آه. أيوه صحيح.. هو موش كل شيء تمام وياها على ما يرام
- چوچو :** أيوه. لأنها كانت فاكده إنك سافرت مع عمك لأشغال عائليه
- أوسكار :** أيوه احنا اتفقنا إنك تفهمها كده
- چوچو :** أيوه أنا فهمتها كده برضه. ولكن سيدي يا سيدي على اليوم اللي شافت فيه خبر  
جوازك في جرنال الفيجارو
- أوسكار :** أعمل إيه يا سيدي. ماهو عمي اللي افكر الفكره الملعونه دي. ونشر الخبر  
في الجرنال
- چوچو :** أهي في اليوم ده بقت زي المجنونه تمام. وفضلت تزعق وبقت ترميني بكل شيء  
يجي في إيدها كراسي صحون رخام صرم



- أوسكار : ربنا يستر يا چوچو. لأن مراتي سيمون بتغير عليّ قوي
- چوچو : يا سلام. دي مراتك دي لطافه قوي يا مضروب
- أوسكار : آه يا صديقي. أنا باحبها حب جنون
- چوچو : كويس. لكن أعمل إيه دلوقت في واندا اللي قلت لها إن عروستك دي واحده وحشه ومخشبه. ويستحيل راح تعجبك أبدًا
- أوسكار : غرض تروح تقول لها إن مراتي جميله وتهيجها عليّ. وتيجي هنا تفضحني وتبقى مصيبه
- چوچو : وعلى إيه حا اقول لها. مافيش لزوم أهي حا تشوفها من الشباك
- أوسكار : تشوفها من الشباك ازاى
- چوچو : أما انا عملت لك حته دين خدمه. لما تعرفها راح تهريني من البوس
- أوسكار : خدمة إيه
- چوچو : بقى علشان ما تكون مبسوط ومرتاح. سكنت لك واندا في البيت اللي قدام البيت ده تمام
- أوسكار : إيه
- چوچو : أيوه في الدور الثاني
- أوسكار : في الدور الثاني واحنا في الدور الأول. دي على كده حا تشوف كل شيء يحصل هنا
- چوچو : هيه. موش كويس
- أوسكار : كويس إيه. دا انت طينتها خالص. وحا توديني في داهيه. دانا حقي بدال ما اهريك من البوس. اهريك من الضرب
- چوچو : الله الله. موش قلت لي خلي بالك من واندا وشوف راحتها. آديني خليت بالي وعملت لك كل شيء علشان راحتك
- أوسكار : راحتني إيه يا غبي. أنا بعد ما سافرت موش كتبت لك جواب وفهمتكم على الشيء اللي تعمله
- چوچو : أيوه. وانا عملت الشيء اللي أمرتني به في الجواب بتاعك استنى ياخوي أهه الجواب لسه في جيبي (يقراً) عزيزي چوچو. اسهر على راحة واندا وكرر لها على الأقل ثلاث مرات في اليوم إني مجنون بحبها. ويستحيل أحب غيرها أبدًا. موش دا جوابك تمام



- أوسكار :** الله. دا الجواب اللي بعته لك يوم ما سافرنا بالنسي<sup>(١)</sup> لما وقف القطر في محطة إيتامب. واتغدينا هناك في البوفيه. وفين امال جواباتي التانية
- چوچو :** أنهي جوابات
- أوسكار :** غريبه. الجوابات اللي بعته لك بعد ما شفت العروسه وعجبتني. واتفقنا على الزواج
- چوچو :** إيه. إنت بعث لي جوابات تانيه
- أوسكار :** أيوه يا أخي. بعتهالك على بيتك. أما غريبه دي
- چوچو :** إخص. وانا ما دخلتش بيتي بقى لي شهرين دلوقت. وساكن في أوتيل لاركارد
- أوسكار :** أوتيل لاركارد؟
- چوچو :** أيوه علشان المحكمه حكمت عليّ بالأجره المتأخره. وعلشان كده طفشت ولا حدش يعرف أنا رحت فين
- أوسكار :** إخص عليك واحد خسران
- چوچو :** خسران! ماهو إنت اللي خسرتني وخسرت أخلاقي! إخص علينا احنا الاتنين سوا
- أوسكار :** طيب ما دام فت محل سكنك. موش كان واجب عليك تعرفني بعنوانك الجديدي
- چوچو :** الله ماهو أنا عملت كده برضه. وبعث لك جواب عرفتك عن عنواني
- أوسكار :** إنت كتبت لي جوابات؟
- چوچو :** موش جواب واحد. كل يوم كنت باكتب لك جواب
- أوسكار :** غريبه. وبعث لي الجوابات دي على فين؟
- چوچو :** عند حماتك مدام كوربالين
- أوسكار :** إزاي ده. أنا ما وصلتنيش جوابات منك أبداً
- چوچو :** غريبه. أمال راحوا فين الجوابات!
- أوسكار :** مين عارف. أما دا شيء يجن. وفين بس كنت بترمي لي الجوابات دي. في أنني بوسته
- چوچو :** كنت بارميمهم في صندوق البوسته اللي قدام البيت ده
- ليوني :** (داخلة) سيدي
- أوسكار :** إيه فيه إيه
- ليوني :** فيه واحد ظابط عايز يكلمك. وأدي الكارت بتاعه أهو
- أوسكار :** (يقراً) الكابتن كرابويلو (لچوچو) إنت لك معرفه بالظابط ده

(١) ناسي مدينة فرنسية في لورين.



- چوچو : لا أبداً
- الظابط : (من الخارج) ساكري ميل تونير دي تونير<sup>(١)</sup>
- چوچو : إخص دا باينه مجنون
- أوسكار : أنا حاشخ جوه وانت اللي تقابله
- الظابط : (من الخارج) هو فين بس وانا اكسر راسه
- چوچو : أقابله أنا بتقول
- أوسكار : أيوه. علشان إنت موش متجوز
- چوچو : بقى علشان مانيش متجوز. وإذا مت ماليش واحده ست تلبس عليّ بدلة الحداد. عايز توديني في داهيه
- الظابط : (يدخل) آه فو زيت لا<sup>(٢)</sup>. آدي وقت المعمهه بقى
- چوچو : يا حفيظ. دا حرري قوي ياخويا. إيه فيه إيه يا جناب الكابتن
- الظابط : جنابك بدون شك مسيو أوسكار بومبيراك موش كده؟
- چوچو : لا لا حضرته
- أوسكار : أيوه أنا. وحضرتك؟
- الظابط : أنا الكابتن كرابوليو حضرت اتناشر موقعه حربيّه. وأصبت اتناشر إصابه وحصل لي ألف رزيه. وقمت من جروحي سليم. ولا شمتش العدا فيّ
- چوچو : برافو عليك. وفين الجروح ديّ
- الظابط : موش شغلك
- چوچو : طيب
- أوسكار : أنا اتشرفت معرفتك يا جناب الكابتن. اتفضل ارتاح من فضلك
- الظابط : لا مافيش لزوم. أنا حا اتكلم كده عاملاشي. ودا أحسن للصحه وأقوى في المجادله وإقامة البرهان
- أوسكار : كويس. بس هدي عصبيتك شويه وفهمني إيه المسألة
- الظابط : عظيم. بقى أنا ساكن هنا في البيت اللي قدامكم ده في الدور الأول. بص هناك تلاقي على باب البيت صندوق بوسته خصوصي علشاني أنا

(١) بالفرنسية "Sacré mille tonnerres de tonnerres" عبارة تدل على الغضب تعني: ألف رعد مقدس.

(٢) بالفرنسية "Vous êtes là" وتعني: حضرتك هنا.



- أوسكار :** أيوه صحيح
- الظابط :** وانا حاطط الصندوق ده مخصوص علشان موش عاوز اشوف وش البواب بتاع البيت بتاعنا لأنه راجل ثقيل. وفي غاية الدناءه. وانا من طبعي ما احبش الناس اللي بالشكل ده
- چوچو :** إخص على شكلك الوحش
- الظابط :** والمساله إن عندي كلب اسمه جسبار. كلب بولدوج يا مسيو لكن زي الوحش تمام
- چوچو :** أهه زيك كده
- الظابط :** ولكن مسكين الكلب ده صعبان علي قوي لأنه عيان بالجرب
- چوچو :** عقبال عندك
- الظابط :** وعلشان كده أنا بافسحه وباخده وياي مطرح ما اروح. وكنت مسافر اليومين دول وخذته وياي. وبقى لنا شهرين غاييين
- چوچو :** يا ريتك رحى فى داهيه مارجعتش
- أوسكار :** الحمد لله على السلامه يا مسيو
- الظابط :** ولما جينا النهارده من السفر
- أوسكار :** إنت والكلب طبعًا
- الظابط :** مضبوط كده. وفتنا بالصدفه من قدام بيتكم ده. الكلب جشبار جاله مزاجه وشال رجله وراح عاملها على شنىط كانت محطوطه على التلتوار<sup>(1)</sup>
- چوچو :** إخص. دا مزاجه نجس زي مزاج صاحبه
- أوسكار :** بكل ممنونيه يا مسيو. لأن الشنىط دي شنىطي أنا
- الظابط :** الغايه. أهه دا الشيء اللي استلقت انظارى للشنىط. وخلاني قريت اسمك عليها وعرفتك
- أوسكار :** وبعدين
- الظابط :** وبعدين أنا جيت استفهم منك. واسألك مين الوسخ ده اللي بقى له شهرين فى أثناء غيايى وهو يرمى جوابات باسمك فى الصندوق بتاعى
- أوسكار :** (لچوچو) شوف جواباتك بتحطها فىن يا غيى
- الظابط :** قول لى فىن هو الندل ده علشان اكسر راسه
- چوچو :** هو موش هنا وسافر من زمان يا مسيو

(1) بالفرنسية "Trottoir" تعني: رصيف.



- الظابط : سافر فين
- چوچو : سافر بلاد الموزانبيق
- الظابط : الموزانبيق. يا سلام دا من حسن حظه. آه لو مسكته بايدي آه لإني ما اقبلش أبداً  
 إن حد يتجرأ ويتهكم عليّ بالشكل ده
- أوسكار : تأكد يا جناب الكابتن إني أنا في غاية الأسف
- چوچو : أيوه وانا كمان
- الظابط : كفايه إنك أظهرت ليّ أسفك يا مسيو. ومن دلوقت أنا حاعاملك معاملة الجوار  
 الحسن. الله راح فين الكيبي<sup>(1)</sup> بتاعي
- چوچو : إيه
- الظابط : الكيبي بتاعي
- چوچو : (لأوسكار) إنت ماشفتش الكيبي بتاعه
- الظابط : شيء غريب. دا كان هنا على الترابيزه (لچوچو) آه. يا ميت ألفت قبله ومدفع.  
 إنت قاعد على الكيبي بتاعي
- چوچو : إيه
- الظابط : آه. إنت دلوقت أهنتني وانا يستحيل اقبل إهانه زي دي. وخصوصاً من الجنس  
 الاسود اللي زيك. وإذا كنت يوم اشوفك في سكتي. مافيش هدنه بيني وبينك  
 أبداً. فاهم
- چوچو : (على حدة) ابقى قابلني
- الظابط : سالي<sup>(2)</sup> مسيو (يخرج)
- چوچو : الله لا يرجعك. أما دا خنزير شوكي صحيح
- أوسكار : شايف. كنت بترمي الجوابات فين يا سيدي
- چوچو : يعني غريبه. كل واحد بيغلط
- أوسكار : الغايه. ما دام إنت جبت لي واندنا هنا وسكنتها لي قدامي. أنا موش حا يمكنني  
 اقعدي في البيت ده أبداً. ولازم اعزل من هنا. واللي عليك دلوقت إنك تاخد بعضك  
 وتروح على واندنا حالاً وتعرفها إني موش حا ارجع من السفر إلا بعد ست اشهر
- چوچو : لا يستحيل

(1) بالفرنسية "Képi" تعني: قبعة عسكرية.

(2) بالفرنسية "Salut" وتعني: سلام.



- أوسكار : يستحيل ليه؟
- چوچو : أيوه يستحيل. علشان أنا اديتها خبر إنك جيت من السفر
- أوسكار : دانت مصيبه (يظهر نور يزغلل أوسكار) الله. مين البقف ده اللي بيزغلل عيني بالمرايه كده
- چوچو : آه دي صاحبتنا واندا
- أوسكار : واندا؟
- چوچو : أيوه. والشعاع ده زي تلغراف لاسلكي بتبعته لك. وتقول لك فيه أنا باحبك يا أوسكار
- أوسكار : بتقول إيه
- چوچو : بأقول الحقيقه وعلشان ما تقدرروا تراسلوا بعض أنا وضبت لها التلغراف ده.
- دا اسمه تلغراف چوچوي واستعماله بسيط خالص. بالنهار تستخدمه بواسطة الشمس. وبالليل بواسطة النور الكهربائي
- أوسكار : برافو يا مسيو چوچو برافو. يعني اعمل فيك إيه دلوقت. اكسر بوزك ده يا غبي.
- داهيه تلعنك
- چوچو : يا سلام. أما صحيح صدق من قال. آخر خدمة الغُز علقه
- سيمون : (داخلة) آديني اهه يا عزيزي
- چوچو : مدام
- سيمون : أظن حضرته صاحبك المسيو چوچو موش كده
- چوچو : هو بنفسه
- سيمون : أهلاً وسهلاً. تعرف إني في غاية السرور لتشرفي بمعرفتك يا مسيو چوچو
- چوچو : وانا كمان يا مدام. (لأوسكار) يا سلام. مراتك جميله قوي
- سيمون : يا سلام يا مسيو. ما تخجلنيش من فضلك
- چوچو : جميله خالص يا مسيو أوسكار. أما مصيبه دي
- سيمون : إيه. مصيبه اللي أنا جميله
- چوچو : معلوم. حيث إنك بالجمال ده. كان لازم جنابه يديني خبر قبل ما تيجوا من السفر (على حدة) على كل حال كنت وزعت المصيبه التانيه
- سيمون : بيقول إيه جنابه؟
- أوسكار : سيبك منه دا عبيط





- سيمون** : أنا أشكرك يا مسيو لكونك تعبت نفسك في توضيب الشقه الجميله دي (تذهب لفتح الشباك)
- أوسكار** : لا لا ارجعي. خلي الشباك مقفول من فضلك
- سيمون** : ليه
- أوسكار** : علشان.. علشان...
- چوچو** : علشان في باريز مايفتحوش الشبايك أبداً. دا مبدأ باريزيان<sup>(١)</sup> خالص يا مدام
- سيمون** : واحنا مالنا. احنا نغير المبدأ ده. لأنني أحب الهوا الطلق. والشبايك دايماً تكون مفتوحه
- أوسكار** : آه يا عزيزتي. يظهر إن عيشة باريز دي موش حا توافقك والأحسن نساfer من هنا دلوقت حالاً. ونعيش في أي بلد تانيه
- سيمون** : نساfer. نساfer على فين!
- أوسكار** : مطرح ما تحبي. في إيطاليا في النمسا. في الصين
- چوچو** : في الهند. في جبال حَمَلَايا
- سيمون** : لكن احنا لسه جاين دلوقت من السفر
- أوسكار** : مايهمش. أهه فيه قطر قايم الساعه ١. ناخده وتتنا مسافرين من هنا. ياللا بنا ياللا
- العم** : (من الخارج) ما فيش لزوم تدوا له خبر. أنا من الفاميليه
- أوسكار** : الله الله. دا صوت عمي
- چوچو** : إرمي
- العم** : (يدخل) بونچور ميزانفان<sup>(٢)</sup>
- أوسكار** : بونچور يا عمي
- سيمون** : أهلاً وسهلاً يا عمي. يا سلام. أنا مبسوطه قوي اللي جنابك شرفت
- العم** : مرسي. الله إيه مالك. إنت صنمت كده ليه
- أوسكار** : لا يا عمي بس...
- العم** : أما غريبه على جوزك ده. أهه كل ما يشوفني جيت من السفر يتأثر بالشكل ده
- چوچو** : بونچور مسيو كامبوليف
- العم** : آه. إنت هنا برضه

(١) بالفرنسية "Parisien" وتعني: فرنسي.

(٢) بالفرنسية "Mes enfants" وتعني: أبنائي.



- چوچو : أيوه. أنا هنا على طول
- العم : من الأسف
- سيمون : (للخادمة) ياللا قوام يا ليوني روحي إدي خبر لماما
- العم : إزاي ده مدام كوربالين هنا
- سيمون : أيوه. أهي جات النهارده زينا
- العم : أوه. أنا مسرور جدًا بلقاها
- سيمون : تعرف يا عمي إنك جيتي في وقت اللزوم
- العم : يا سلام
- سيمون : أيوه. أنا موش عارفه إيه اللي جرى لجوزي ثاني
- العم : جرى له إيه بعد الشر
- سيمون : عايز نساfer دلوقت حالًا
- العم : إيه تسافروا ثاني إزاي الكلام ده
- أوسكار : لا لا بس.. علشان الهوا
- چوچو : أيوه علشان الهوى ماجاش سوا. ولكن ما دام عمك دلوقت جه. يلزمك تعدل عن السفر وأمرك لله
- العم : ضروري. خصوصًا إنك من دلوقت لازم تلتفت لعيادتك وتشوف زباينك. ولكن قول لي يا مسيو چوچو
- چوچو : نعم
- العم : إزاي مافيش يافطه على الباب
- أوسكار : يافطه. يافطة إيه يا عمي
- العم : يافطه باسم الدكتور بومبيراك. هو فيه دكتور من غير يافطه
- چوچو : آه. أقول لك الحق أنا نسيت مسألة اليافطه دي
- العم : معلوم لازم نسيت. ولكن أنا صلحت لك نسيانك ده وأمرت البواب الجديد إنه يوضب إعلان قماش ويعلقه هنا على باب البيت مؤقتًا. وقلت له يكتب فيه كده: حضر الدكتور بومبيراك من السفر وجعل عيادته هنا نهائيًا
- أوسكار : بقى عملت كده يا عمي



- العم : أيوه. ومن تحت الكتابه دي. قلت له يكتب كده بالثلث. اختصاصي في أمراض النساء
- چوچو : عال عال
- سيمون : آه ماما جايه أهى
- الأم : بونچور مسيو كامبوليف
- العم : بونچور هيرمانس
- الأم : دي مفاجئة حلوه صحيح
- العم : مرسي. بقى يا جماعه أنا بعت كل ما أملكه في شيلي. وجيت أقيم وياكم نهائيًا
- أوسكار : إيه إنت حا تقعد ويانا يا عمي
- العم : أيوه. وموش حا افارقكم أبدًا
- الأم : آه. (يغمى عليها)
- سيمون : ماما
- أوسكار : الله إيه مالها
- چوچو : لازم حصل لها دوخه
- العم : دوخه؟
- چوچو : أيوه. دوخه غراميه أنا واخد بالي
- العم : أما افتح الشباك
- أوسكار : لا لا اقل الشباك يا عمي (يقفله)
- العم : إزاي ده دي محتاجه لتجديد الهوا
- أوسكار : لا لا. الهوا يضرها
- العم : يضرها!
- چوچو : أيوه يا سيدى. لأن قفل الشباك ده آخر اكتشاف وأحدث طريقه لمنع الدوخه اللي داخينها دي
- العم : طيب يا دكتور موش تشوف لها حاجه تفوقها
- چوچو : لا مافيش لزوم دلوقت الطبيعه تعمل مفعولها (جرس تليفون)
- الأم : آه



- چوچو : شفتو تأثیر الطبیعه ازاي
- الأم : بردون. أنا یا بنتي موش عارفه إيه اللي حصل لي
- سیمون : حصل خیر یا ماما. دا لازم الحر اللي عمل فيك كده (تفتح الشباك)
- چوچو : (یاخذ سماعة التليفون) آلو. أيوه عیادة الدكتور بومبیراك
- العم : آه. شفتو ازاي مفعول الإعلان.. الله إيه الرزغله دي
- الأم : جاي منین ده أنا موش عارفه
- أوسكار : (لچوچو) إيه فيه إيه
- چوچو : دا واحد بيقول البوابه بتاعة بيتهم بطنها بتوجعها.. آلو.. أيوه حاضر. أنا حا ابليخ  
الدكتور المأموريه دي.. حاضر. دا بیترجاک تروح قوام علشان تعمل الفيزيتا دي  
دلوقت حالاً
- أوسكار : مين أنا؟
- چوچو : (في التليفون) حاضر.. أيوه هو جاي حالاً. إيه. أسألہ. حاضر.. قال بطنها وجعتها  
علشان خرجت من غير بنطلون. أقول له یعمل لها إيه
- أوسكار : أنا عارف. قول له خلیها تلبس بنطلون
- چوچو : خلیها تلبس بنطلون.. إيه ما عندها.. (لأوسكار) قال ماعندهاش بنطلون
- أوسكار : وانا حا اعمل لها إيه. حا اسلفها بنطلوني
- العم : غریبه. بقى مانتاش لاقی وصفه توصفها للمریضه دي غیر لبس البنطلون
- أوسكار : أيوه مافیش غیر كده. أنا موش دكتور بوابین وكلام فارغ زي ده
- الأم : الله. مين بس ده اللي قاعد یعاكسنا ویزغلل عنینا كده
- العم : أيوه. مين اللي بیهزر الهزار البارد ده
- سیمون : الشعاع ده زي اللي جاي من البيت اللي قدامنا
- أوسكار : اللي قدامنا
- چوچو : (لأوسكار) أيوه دي العلامه المدوره. یعنی إنها عایزك تروح لها دلوقت حالاً
- الظابط : (من الخارج) سکري میل ملیون دي تونیر<sup>(١)</sup>. إيه المسخره دي. هو دا شيء موش  
حا ینتهي أبداً
- چوچو : آه. بقینا له الراجل الحریري بقی

(١) Sacré mille million de tonnerre.



اعم غزیه . بقر ما نفاسه لوق و صفة تر صمدی المرمی و فی غیر نفس المینا لوم  
 اوسا - ایوب ما فیسه یغذکت . انا موسه و کتور برابیه و کللم فایغ نئی ده  
 اعم میده لیس ده . امان قاعدیعا کسنا و نر مغلل یحسینا کت  
 اعم ایوب . میده امان بیوزرا الزرار ایبار ده  
 سیوه السماع ده زوی امان جامی صد لیسقه امان قدافنا  
 اوسا - امان قدافنا  
 سیوه (نور کتا) ایوب دی معلوم لیسوت . یعنی اذلا عازرات تر و یح الا لوقت خالا  
 انخابه (سند فایغ) سکری میل ملبیوه دی تونیر . ایه لیسوخ دی . هو راسی  
 موسه هایتی دی بیا  
 سیوه آه . بقیضا لا الراجل المریر بقی  
 اعم ایه امان نیر عومه ده  
 سیوه لودا و اعدت فایغ سیبوزده و سا کتده لیسقه امان قدافنا . ذوا لهد کللم فایغ  
 انخابه لود فایغ و بعدیه و یاک یاز کتور بو سیدرات . و بعدیه  
 سیوه امان و کلام و یاک انا  
 اوسا - یاسی ذوا لهد مینون و تمنا سکرا نه  
 انخابه سکری میل ملبیوه دی تونیر  
 اعم یا صفتی . راسی و حسه عاکس  
 سیوه لود ما تمی موسه . انا کت فایغ شت  
 اوسا - حیثه کت . خندا عمن و دوه ایدوه نیا عه بزیا استویه و سیوه لود فایغ و یاز

- العم : إيه اللي بيزعق ده
- چوچو : لا دا واحد ظابط مجنون وساكن في البيت اللي قدامنا. دا واحد شِكلي خالص
- الظابط : (من الخارج) وبعدين وياك يا دكتور بومبيراك. وبعدين
- سيمون : الله. دا كلامه وياك إنت
- أوسكار : يا ستي دا واحد مجنون وتملي سكران
- الظابط : سكري ميل مليون دي تونير
- العم : يا حفيظ. دا شيء وحش خالص
- چوچو : لا ما تخافوش. أنا اكفيكم شره
- أوسكار : حيث كده. خدوا عمي ودوه الأوضه بتاعته يرتاح له شويه وچوچو يعرف شغله وياه
- سيمون : أيوه اتفضل يا عمي اما اوري لك أوضتك (تخرج السيدات مع العم)
- أوسكار : إيه ماله الراجل ده بس
- چوچو : دا مصيبه. استنى اما اشوف ماله.. يا سلام. الراجل لامم له لمه قدام باب البيت  
ولا ميتين نفر
- أوسكار : يا سلام. بقى ميتين نفر شافوا اليافته اللي على الباب
- چوچو : (من الشباك) إيه مالك يا جناب الكابتن
- الظابط : إيه المسخره دي. ساعه دلوقت. وانت نازل في زغله ولانيش عارف احلق دقني
- چوچو : زغله!
- الظابط : أيوه. وخليتنى جرحت نفسي يجي ثلاث مرات يا كلب
- چوچو : موش احنا يا حضرة الظابط. دا تلغراف چوچوي جاي من عندكو من  
الشقه اللي في الدور التاني
- أوسكار : هس اخرس
- الظابط : يكون في معلومك يا دكتور بومبيراك إذا كانت المسأله حا تستمر على كده. أنا  
حا اجيلك فوق واقطش ودانك
- چوچو : مفهوم يا جناب الكابتن مفهوم
- أوسكار : مفهوم ازاي
- چوچو : (يقفل الشباك) أنا باستعجب ازاي الشعاع اللي جاي من عند واندنا يدخل عند  
الراجل ده وهي ساكنه فوقه



- أوسكار : أيوه غرييه. آه فهمت. دي المرابه دي اللي بتعكس الشعاع وتوصله له ياللا قوام  
نغطي المرابه
- چوچو : أيوه احسن. لكن نغطيها بإيه. تاخذ منديلي
- أوسكار : منديلك إيه إنت راخر. هات لنا مفرش التراييزه واطلع غطيها
- چوچو : على عيني (يغطي المرآه)
- ليوني : (داخلة) سيدي
- أوسكار : إيه فيه إيه
- ليوني : فيه واحد بيأسأل على الدكتور
- أوسكار : قولي له موش هنا
- ليوني : حاضر (تخرج)
- أوسكار : اعمل معروف وانزل شيل لنا اليافته الملعونه اللي حا تلم علينا الناس دي
- چوچو : لا ياخويا. قول لعملك يشيلها
- بيتروتشي : (من الخارج) لا لا يستحيل لازم اقابله. اوعي كده (يدخل) بونچور مسيو
- أوسكار : بيتروتشي
- چوچو : النابوليتاني
- بيتروتشي : هو بنفسه. اسمعي يا كمريره. الست موش هنا
- ليوني : أيوه يا سيدي
- أوسكار : (للخادمة) إمشي روعي من هنا
- ليوني : بيت إيه دا ياختي ده اللي مقلوب كيانه (تخرج)
- أوسكار : ودا إيه اللي جابه هنا دلوقت؟
- چوچو : دا جاي علشان الفنديتا بتاعته
- بيترو : (يجلس) على كده يا مسيو أوسكار جنابك مضيت شهر العسل كويس
- أوسكار : اسمح لي يا سيدي...
- بيترو : والست بتاعتك دي جميله. يعني سمره وعيونها حلوين. والا بيضا وخدودها موردين؟
- أوسكار : إيه الكلام الفارغ ده يا مسيو. إنت موش تختشي على دمك
- چوچو : لا لا ماتعكّرش دمك خليك تقيل



- بيترو : اسمع يا مسيو أوسكار. قدم لي الست بتاعتك من فضلك  
 أوسكار : إيه (يهم بالهجوم ويمنعه چوچو)  
 بيترو : أيوه. وتقدمني لها علشان اتعرف بها. هي فين أوضتها من فضلك  
 أوسكار : إخرس. يالا امشي اخرج من هنا  
 سيمون : (تدخل) خلاص عمك استلم أوضته  
 چوچو : إخص. دي مراتك  
 بيترو : آه. هي الست بتاعتك دي  
 أوسكار : خشي جوه دلوقت من فضلك  
 سيمون : أخش ليه  
 أوسكار : يا ستي دا واحد مجنون  
 چوچو : أيوه مجنون بيعالجه الدكتور. وهايچ من جنانه  
 سيمون : آه يا ربي  
 بيترو : (يهم بالاقتراب منها) بردون يا مدام بردون  
 أوسكار : ارجع (لچوچو) خدها يا بهيم على جوه  
 چوچو : أيوه تعالی لا يعورك  
 سيمون : يا حفيظ يا رب يا حفيظ (تخرج وچوچو)  
 أوسكار : ودلوقت بقيت مني لك يا ملعون. ولازم اشرب من دمك  
 بيترو : دقيقه واحده يا مسيو من فضلك. أنا جيت هنا علشان اهاجمك عيني عينك  
 كده عالمكشوف. يعني هجوم علني. ولكن حيث إنك عاوز إن الحرب اللي بيننا  
 يكون غير شريف. يعني بطريقه جتیه<sup>(1)</sup> فأنا أجبت طلبك  
 أوسكار : إنت حا تخرج من هنا والا لأ  
 بيترو : أيوه حا اخرج. ولكن إنت عارف القهوه دي الي قدام بيتك  
 أوسكار : أيوه  
 بيترو : أنا حا اكن لك فيها بصفة شيال. واترقب الوقت المناسب لتنفيذ انتقامي  
 أوسكار : امشي اخرج  
 بيترو : أوسكار. إنت حا تكون. فنديتا (يهجم عليه أوسكار فيهرب مسرعاً)

(1) بالفرنسية "Guetter" وتعني: يتربص.





- أوسكار : داهيه تلعنك راجل قبيح
- چوچو : (داخلاً وسيمون) أوسكار. إنت حا تكون. فنديتا
- أوسكار : هس اخرس
- سيمون : إنت سمعته يا مسيو چوچو. يا سلام أنا خفت منه خالص
- أوسكار : لا ما تخافيش يا روحي. أهه راح في داهيه
- سيمون : لكن بس ليه الراجل ده بيزعق كده ويقول أوسكار إنت حا تكون. أنا موش فاهمه
- أوسكار : ولا انا يا روحي
- چوچو : أيوه انا بس اللي فاهم
- سيمون : طيب وقصده إيه بقى
- چوچو : بقى الراجل المجنون ده مبسوط من الدكتور خالص. وحاطط في راسه إنه لازم يجيب له رقبة مَرَكِيز والا كونت. وعلشان كده داير في كل شوارع باريز. ويقول أوسكار إنت حا تكون. يعني حا يكون كونت والا مَرَكِيز. إي هو الدكتور موش وش رتب يعني. دا يستاهل اللي يجي له وزيادة كمان
- سيمون : الله. مين اللي غطى المرآيه كده
- أوسكار : والله مانا عارف
- چوچو : لا دا بس علشان النموس بيوسخها
- سيمون : نموس إيه. اوعى كده اما اشيل الغطا (ترفع الغطا وتناولوه للخادمه)
- ليونى : تعالى يا مسيو چوچو علشان نوضب السفره سوا
- چوچو : على عيني
- سيمون : استنوا اما اجي اساعدكم
- چوچو : طيب اتفضلوا وانا محصلكم
- سيمون : بس ما تغييش (تخرج والخادمه)
- چوچو : اسمع يا مسيو أوسكار
- أوسكار : إيه فيه إيه
- چوچو : بقى إنت شايف إن واندا ضربت لنا يجي سبعتاشر تلغراف چوچووي ولا حدش سأل عنها



- أوسكار : وقصدك إيه
- چوچو : قصدي تخطف رجلك وتروح تهديها بكلمتين لحسن تيجي هنا وتعمل لنا فضيحة
- أوسكار : برضه رأيك في محله. أنا اروح لها واكلمها. إياك اعرف اوزعها واخلص منها  
(يهم بالخروج)
- واندا : (من الخارج) أنا باقول لك أنا عاوزاه ضروري
- چوچو : آه استلم بقى ياخوي
- واندا : (داخلة) آه. إنت فين يا مهجة قلبي. أنا مشتاقه لك. وجيت علشان اشوفك وامتع  
نظري برؤياك بعد الغيبه الطويله دي يا حياتي
- أوسكار : يا ست روحي من فضلك دلوقت وانا جاي لك احسن تبقى فضيحه
- واندا : إيه. فضيحه ليه. إنت موش حكيم وكل واحد له حق الدخول عندك واستشارتك.  
وانا دلوقت جيت علشان اقول لك انا عيانه يا دكتور. وعازاك تزورني في بيتي  
على الأقل ثلاث مرات في اليوم
- أوسكار : لا يستحيل يا مدام يستحيل
- واندا : يستحيل ليه. دا بيتي ايه قريب قدام بيتك. والمسيو چوچو سكّتي قريب  
مخصوص علشان ما يتعبكش
- چوچو : إي. وانا يخلصني تعبته
- واندا : يعني باختصار. حجتك معاك. لأنك دكتور وتقدر تخرج وقت ما تحب. عيانين  
تشوفها. استشارات في الضواحي. عيادات ليليه الغايه تقدر تتحجج بكل الحجج  
دي اللي قلتها لي انت بنفسك
- أوسكار : أنا قلت لك؟
- واندا : أيوه في جواباتك
- أوسكار : جواباتي! أنهي جوابات دي
- واندا : غريبه. الجوابات اللي كنت بتبعتها لي وانت غايب. يا سلام. دانت بتنكر كل شيء.  
ومع ذلك چوچو اللي كان بيوصلها لي عارف كل حاجه لأنني كنت باقراها قدامه.  
موش كده يا مسيو چوچو؟
- چوچو : أيوه صحيح
- أوسكار : إزاي ده (يسحب چوچو على حدة) تكونش كتبت لها جوابات عن لساني



- چوچو** : وحا اعمل إيه ما دام إنت ما بتكتبلهاش وهي خوتاني. وكل ساعه والتانيه بتسألني عن الجوابات. الغايه حبيت اخدمك زي عادتي وكتبت لها جوابات غراميه بدالك. وبقيت امضيها باسمك
- أوسكار** : دانت مصيبه وبلاي بك ربنا
- واندا** : ولكن الشيء اللي عجبني فيك يا عزيزي. وخلاي عرفت إنك متمسك بي وبتحبني صحيح هو الجواب الأخير
- أوسكار** : (لچوچو) يا ترى كتبت لها فيه إيه راخر
- واندا** : أيوه. الجواب الأخير اللي قلت لي فيه. إنك بسببي وعلشان ما اخدش على خاطري. ولا اكونش زعلانه. اتجوزت واحده عجوزه. ولايبقاش اوحش من كده
- أوسكار** : عجوزه!
- واندا** : أيوه. هي موش أوصافها كده برضه
- أوسكار** : أسألني چوچو بقى. هو يعرفها اكر مني
- چوچو** : وعلى إيه تسألني ماهي جوه. وريها لها علشان تصدق
- أوسكار** : هس اخرس
- واندا** : تعرف يا عزيزي إن ذوقك يحتم عليك دلوقت إنك توريني مراتك
- أوسكار** : إيه؟
- واندا** : لازم توريتها لي دلوقت حالاً
- أوسكار** : لا يستحيل يا مدام
- واندا** : وانا يستحيل اتنقل من هنا إلا ان كنت اشوفها
- أوسكار** : يادي الداهيه (لچوچو) إيه العمل دلوقت
- الأم** : (من الخارج) أيوه وضبوا السفره. ولا تخلوش حاجه ناقصه
- أوسكار** : إخص حمايتي
- چوچو** : (هامساً) أنا عندي فكره كويسه
- واندا** : ياللا امال وريني مراتك دي جنسها إيه
- چوچو** : استني يا مدام اما انده لك عليها.. اتفضلي يا مدام. أوسكار عايز حضرتك (لواندا)
- أوسكار** : استخبي هنا (تدخل البلكون)
- أوسكار** : يادي الداهيه. ده حا يجيب لي مصيبه



- الأُم : (تدخل) إنت عايِزني يا جوز بنتي
- چوچو : أيوه عايِزك. هو يستغنى عنك
- أوسكار : (على حدة) آه أنا دلوقت فهمت
- الأُم : عايِزني ليه. فيه خدمه
- أوسكار : لا بس.. أنا عايِز...
- چوچو : عايِز يتأنس بك شويه
- الأُم : مرسي يا جوز بنتي. بس انا موش فاضيه دلوقت. وباجهز السفره اما اروح ابعت لك مراتك سيمون تأدي المأموريه دي بدالي (تخرج)
- أوسكار : إخص. شاي ف يا غبي نتيجة أعمالك السيئه. أهي راحت تبعت لي مراتي يا سيدي
- چوچو : أعمالِي إيه. وانا إيش عرفني انها حا تعمل كده. أنا نيتي وياك كويسه والأعمال بالنيات
- أوسكار : نيات إيه وزفت إيه
- چوچو : بس اسكت وانا اخلصك (يتجه للبلكون) اتفضلي يا مدام
- واندا : آه يا عزيزي. دلوقت تحقق لي إنك بتحبني. وكل كلامك صحيح. قال عجوزه وحاطه لي شرايط في شعرها. ها ها ها
- چوچو : ودلوقت ما دام شفتيها. اتفضلي بقى رُوحي وهو يحصلك دلوقت
- واندا : أيوه آديني مرُوحة (تهم بالخروج)
- سيمون : (داخلة) آديني ايه يا عزيزي (ترى واندا) آه بردون
- أوسكار : إخص
- واندا : (لچوچو) قول لي هنا. إيه الست دي
- چوچو : لا بس.. دي الداده الداده
- واندا : داده؟
- چوچو : لا يعني الخدامه
- سيمون : (لأوسكار) إيه الست دي يا أوسكار
- أوسكار : دي واحده زيونه
- سيمون : المسأله دي لازم فيها سر (لچوچو) الطباخه عايِزك يا مسيو چوچو علشان تستفهم منك عن حاجه



- چوچو : أيوه حالاً
- واندا : غريبه. بقى الست تبقى بالوحاشه دي. والخدامه بالجمال ده. على كده لازم يكون أوسكار له علاقه بالخدامه الجميله دي
- أوسكار
- وچوچو : (يدفعاها إلى الخارج) أورقوار<sup>(1)</sup> يا مدام أورقوار
- چوچو : تسمحي لي اوصلك يا مدام
- واندا : لا ماتتعبش نفسك أنا عارفه السكه.. أنا لازم اعرف كل شيء (تخرج)
- أوسكار : أهلاً وسهلاً يا روجي
- سيمون : إحنا موش في كده. إنت لما شفتني استعجلت وصرفت الست دي قوام كده ليه؟
- أوسكار : لا بس علشان...
- چوچو : علشان الكشف انتهى يا مدام
- سيمون : إزاي ده. الدكتور طبيب في الأمراض النسائيه. وازاي يسمح بوجودك في وقت الشغل بتاعه
- چوچو : لا بس.. دي واحده قريبتني. ولازم انا احضر الكشف بنفسني. وللسبب ده انا كنت موجود
- سيمون : آه. قل لي كده. طيب اتفضل احسن الطباخه عايزاك
- چوچو : حاضر.. شد حيلك بقى. استلم في وحلان ياخوي (يخرج)
- سيمون : وانت موش تروح تغير هدومك وتستعد للغدا
- أوسكار : آه صحيح. عن إذنك يا روجي (يخرج)
- سيمون : لا لا. أنا موش مرتاحه أبداً لجنس الزباين اللي زي دي يا حفيظ
- واندا : (تدخل) بست بست. مدموازيل
- سيمون : آه. دي هي. بردون مدام. إيه فيه إيه
- واندا : هس. إنت لوحك هنا
- سيمون : أيوه لوحدي
- واندا : بس انا عايزه اقول لك كلمه
- سيمون : ليّ أنا؟

(1) بالفرنسية "Au revoir" وتعني: إلى اللقاء.



- لوندا : أيوه
- سيمون : طيب اتفضلي يا مدام
- واندا : اسمعي. أنا ساكنه في البيت اللي قدامك ده. وابقى المتريس بتاعة الدكتور بومبيرك
- سيمون : متريس. آه (بغمی عليها)
- واندا : إيه. الخدامه بتحبه!
- العم : (يدخل) احنا موش حا نتغدى ولا إيه
- واندا : آه. وآدي عمه العجوز
- العم : إيه الست بتاعة القطر.. الله سيمون إيه مالك يا عزيزتي (يضرب على يدها)
- واندا : والله طيب يا أوسكار. مابقاش إلا العلاقات الغراميه ويًا الخدمات آه يا خاين (تخرج)
- العم : إزاي المدام دي تيجي هنا. لا دا شيء موش كويس أبدًا
- سيمون : (تستفيق) آه. هو انت يا عمي. آه إذا كنت تعرف يا عمي
- العم : أعرف إيه
- سيمون : جوزي. جوزي بيخونني
- العم : أيوه عارف. دي المدام بتاعة القطر
- سيمون : المدام بتاعة القطر. آه الخاين
- العم : طولي بالك يا عزيزتي
- سيمون : قال وكان بيحلف لي قال
- أوسكار : (يدخل) إيه فيه إيه
- سيمون : فيه فيه إيه. فيه إني عرفت إن لك متريس يا مسيو
- أوسكار : أنا؟
- سيمون : أيوه الست بتاعة القطر جات هنا دلوقت. وقالت لي كل شيء
- أوسكار : (على حدة) إخص.. لكن يا عزيزتي...
- سيمون : خليك بعيد يا خاين. إوعى تقرب لي
- أوسكار : أنا في عرضك يا عمي فهمها المسأل
- العم : كفايه يا مسيو. إنت واحد قليل الأدب



- أوسكار :** أنا احلف لك يا عزيزتي إن ده سوء تفاهم. وكل شيء بيني وبين الست دي انتهى من زمان
- سيمون :** وإيه اللي يثبت لي كلامك ده؟
- العم :** أيوه إيه اللي يثبت؟
- أوسكار :** آه. اللي يثبت لكم إن كلامي ده صحيح. جواب كنت كنته للمسيو چوچو. وقلت له فيه...
- چوچو :** (يدخل) اتفضلوا كل شيء تمام. وحضرت السفره
- أوسكار :** تعالی تعالی يا چوچو
- چوچو :** إيه فيه إيه
- أوسكار :** موش تمام لما سافرت أنا وعمي علشان مسألة الجواز. كنت لك جواب وقلت لك فيه...
- چوچو :** أيوه مطبوط. والجواب لسه في جيبي. اتفضلوا (يعطيه لسيمون)
- سيمون :** (تقرأ) عزيزي چوچو. اسهر على راحة واندا. إيه
- أوسكار :** إخص. دا الجواب الأولاني اللي كنت بعته لك
- چوچو :** أيوه هو مضبوط
- سيمون :** وكرر لها على الأقل ثلاث مرات في اليوم إني باحبها. ويستحيل احب غيرها. يا سلام أما مستند عال
- چوچو :** (لأوسكار) وإيه اللي غواك علشان تُطلعها على الجواب ده
- أوسكار :** أطلعها إيه يا لوح.. أنا أوكد لك يا سيمون إن في الجواب ده راخر سوء تفاهم
- سيمون :** كفايه كفايه يا مسيو. بعد كده كل شيء انتهى بيني وبينك
- أوسكار :** انتهى؟
- سيمون :** أيوه. وحيث إنك من نص ساعه بس كنت بتتظاهر بغيرتك عليّ وموش عاوزني اروح الدانس. يكون في معلومك إني من الليله حا اتردد على محلات الرقص واشوف كيفي زي ما بتشوف كيفك. وارقص مع أول واحد يقدم لي نفسه واخونك زي ما بتخونني يا خاين
- أوسكار :** بقى اسمعي يا عزيزتي
- سيمون :** أنا أنذرتك قبل كده. الوداع يا عزيزي الوداع (تخرج)



- أوسكار :** سيمون. سيمون. إخص دي تربست الباب من جوه. أما مصيبه ياهوه أنا  
 حا اتجنن خلاص. إنت السبب في ده كله يا اسود الوش. فهّم عمي المسأله  
 يا بهيم
- العم :** لا مافيش فايده. علشان بعد خمس دقائق حا اكون فُت البيت ده ولا تشوفوش  
 وشي بعد كده أبداً
- چوچو :** بس اسمع يا مسيو كامبوليف
- أوسكار :** أنا في عرضك يا عمي
- العم :** بس بقى كفايه كفايه الألاعيب الأراجوزيه الي بتلعبوها إنت وابو فصاده  
 ده (يخرج)
- چوچو :** الله. قول لي هنا. فهمني إيه الي حصل
- أوسكار :** مانتاش فاهم الي حصل يا غبي. والله أنا موش قادر اعبّر عن سخافتك دي يا أخي
- چوچو :** لا لا مافيش لزوم لكلام فارغ
- أوسكار :** اخرس. فارغ في عينك. ودلوقت لازم تروح بيتك حالاً وتجيّب لي الجوابات الي  
 كنت باعتها لك
- چوچو :** إنت مجنون. واعمل ازاي في الأجره المتأخره عليّ
- أوسكار :** تعرف شغلك. ولازم تكون هنا بالجوابات بعد ربع ساعه. فاهم...
- سيمون سيمون. هي عايزه تشوف وشي
- چوچو :** معلهش. اكتبلها كلمتين استعطف وارمي لها الورقه من تحت الباب يمكن تسامحك
- أوسكار :** برضه فكره. لكن إنت مستني إيه ما تروح يا أخي تشوف لي الجواب. لأن  
 الجواب ده هو بس الي يبرأني في نظر سيمون
- چوچو :** طيب أنا رايح حالاً
- أوسكار :** الله يلعن اليوم الي شفت وشك فيه يا شيخ (يخرج)
- چوچو :** الله يلعن اليوم الي نجيتك فيه يا شيخ. لكن ازاي اروح البيت دلوقت. بس إذا  
 كان فيه واحد اقدر اكلفه بالمأموريه دي بدالي. آه فكره (يضرب الجرس)
- ليونى :** (تدخل) جنابك عايزني يا مسيو چوچو
- چوچو :** أيوه. عايزك تشوفي لي أى واحد دلوقت حالاً علشان ابعته مشوار ضروري وأدي  
 له أجرته





- ليونى : على عيني يا سيدي (تخرج)
- چوچو : مافيش ورق جواب هنا. آه اما اروح ادور عند الطباخه يمكن اعتر في أي ورقه اكتبها وابعثها لبواب البيت بتاعي ويأ الراجل اللي جاي يمكن يعرف يجيب الجوابات اللي بيقول عليهم دول. يا سلام. دا أوسكار ده دوشجي (يخرج)
- سيمون : (داخلة) لا يستحيل استنى هنا. ولازم ادي له درس يأثر فيه طول حياته. يا سلام الشنطه ثقيله قوي
- ليونى : (داخلة) تعالی من هنا يا شاطر (يدخل بيتروتشي بملايس شيال)
- بيتروتشي : آه. دي هي
- سيمون : آه. آدي واحد شيال ربنا بعته لي
- بيترو : (على حدة) أما جمال
- سيمون : اسمع يا شيال. ياللا قوام شيل الشنطه دي. وشوف لي تاكسي حطها فيه
- بيترو : إزاي ده يا مدام. إنت عايزه...
- سيمون : إعمل اللي باقول لك عليه
- ليونى : حضرتك مسافره يا مدام
- سيمون : أبوه. ولما واحده ست يخونها جوزها زي حالتي. مافيش عندها إلا شيء واحد تعمله. تسافر وتنتقم
- بيترو : براقو
- سيمون : أنا في غنى عن استحسانك يا مسيو. ياللا شوف لي تاكسي قوام
- بيترو : (على حدة) عال. آدي الفرصه اللي يمكنني انتقم فيها
- سيمون : آه. أنا نسيت الجوانتي جوه. روجي هاتيه لي قوام يا ليونى
- ليونى : حاضر يا ست (تخرج)
- بيترو : بقى صحيح يا مدام جوزك خانك وانت عايزه تنتقمي منه
- سيمون : وانت مالك ومال كلام زي ده
- بيترو : مالي ازاي يا مدام. دا شيء يهمني. وافتكّر إن القدره الإلهيه عترتك فيّ علشان أوفر عليك تعب السفر وأجرة التاكسي
- سيمون : إيه الوقاحه دي يا راجل إنت



- بيترو : اسمحي اقدم لك نفسي يا مدام. اللي قدامك ده موش شيال زي ما بتفتكري  
جناحك. أنا راجل عظيم
- سيمون : وانا واحده ست شريفه يا مسيو
- بيترو : أيوه عارف. ست شريفه لكن جوزها زي ما خانتني الست اللي كانت وياي
- سيمون : بس بلا هترسه من فضلك
- بيترو : أهه اللي علينا دلوقت اننا ننتقم من الراجل جوزك ده اللي هزأنا احنا الاتنين
- سيمون : هزأنا احنا الاتنين ازاي
- بيترو : ماهو يا مدام الست بتاعة القطر اياها. أصلها بتاعتي أنا
- سيمون : إنت؟ (ضجة) آه جوزي. ياللا قوام ياللا
- بيترو : أيوه اهي الفرصه خدمتتي. ولازم انتقم لنفسي (يخرجان)
- ليونى : الجواتني ايه يا مدام. الله. هي خرجت والا إيه
- أوسكار : (داخلاً) آديني كتبت لها جواب وشرحت لها المسأله. ودلوقت.. آه ليونى. ستك  
لسه جوه
- ليونى : ستي سافرت دلوقت. والشيال شال لها الشنطه
- أوسكار : شيال مين
- ليونى : دا واحد شيال كان قاعد في القهوه اللي قدام البيت
- أوسكار : الشيال اللي في القهوه
- ليونى : أيوه. المسيو چوچو كان عاوز واحد يقضي له حاجه ولقيت الشيال ده قاعد في  
القهوه ندهت له
- أوسكار : الله يلعنك يا چوچو يا وش المصايب (ينادي من الشباك) سيمون. سيمون. روجي  
حوشبها قوام وانا جاي وراك
- ليونى : حاضر يا سيدي (تخرج)
- چوچو : (داخلاً) آديني كتبت للبواب جواب (يرى أوسكار) الله إيه فيه إيه
- أوسكار : فيه إيه. فيه إن بسبب غباوتك دي ها يلحقنى أكبر عار في الدنيا
- چوچو : الله. هو اتجنن والا إيه
- أوسكار : سيمون سافرت وياً الملعون بيتروتشي



میرمحمد بیدر قنسی زیاده باشد

اورگا - شرف نسیب - عجلت یا بیم (بیم باخروج)

میرمحمد مافیسہ فایت کبلا ناکس خاوا

اورگا - آہ یا بن

میرمحمد ابن ابن ابن . اہم الناکس وصل

اورگا - وحول (بیم باخروج)

میرمحمد اہم ساق ما تقبسمہ نفسک

اورگا - ساق یا دی انفسیک (برتمس عم کرسم ثم یزید جری السیفونہ)

میرمحمد ودا ایہ دارا فر . الو . ایہ ان یون . لما یہ لکنتور یومیلان

لا . انا لا نسفتمک منہ الیوم وی . عایز ایہ یا منام . لکنتور

عندک امر صہ عظیم

بسم (دا ضلع) استور عدک الی یا اورگا -

اورگا - عم

میرمحمد لدا یا منام . اورگا - وہ موسد کتور ابدا . وللا یفرقہ حاجبہ فاکنت

دا بس عفت ہم جہ عفت . اضطر یصل حکیم کت بازور -

بسم ایہ . حکیم بازور

میرمحمد لا عمدہ زامد کت زمی قرو سبیل

بسم اوہ

میرمحمد ادا انا خلتنا . (بیم بسم) افس

- چوچو : بیروتشی. یادی الداهیة
- اوسکار : شوف نتیجه عملک یا بهیم (یهم بالخروج)
- چوچو : مافیش فایده رکبوا تاکسی خلاص
- اوسکار : آه یا ری
- چوچو : آیوه آیوه. آهه تاکسی وحل
- اوسکار : وحل (یهم بالخروج)
- چوچو : آهه ساق ماتتعبش نفسک
- اوسکار : ساق. یادی الفضحہ (یرقی علی کرسی ثم یضرب جرس التلیفون)
- چوچو : ودا ایہ دا راخر. آلو.. ایہ. زیونه. طالبه الدكتور بومبیراک. لا. إحنا لازم نخلص من الدوشه دي. عایزه ایہ یا مدام. الدكتور. عندک أمراض عصبیه
- العم : (داخلًا) استودعک الله یا اوسکار
- اوسکار : عمی
- چوچو : لا یا مدام. اوسکار ده موش دکتور اُبدًا. ولا يعرفش حاجه فی الدکترة دا بس علشان عمه جه عنده. اضطر یعمل حکیم کده بالزور
- العم : ایہ. حکیم بالزور
- چوچو : لا عمه ده واحد کده زی قرووشیلی
- العم : أوه
- چوچو : آدی احنا خلصنا. (یری العم) إخص
- العم : أما غریبه. بقی إنت موش دکتور کمان وبتستغفلی
- چوچو : ودا إیش عرفه إنک موش دکتور
- العم : أمال إنت ایہ؟ قول لی
- اوسکار : أنا.. أنا...
- چوچو : (علی حدة) دا الثندیتاتو اللي سرقوا منه مراته
- لیونی : (داخلة) ما قدرتش أحصلهم یا سیدی
- العم : آه الکمریره اهی. روجی هاتی لی تاکسی قوام
- لیونی : حاضر (تخرج)



- العم** : إلا موش دكتور دي كمان. تغشني للدرجه دي. من دلوقت خلاص لا تعرفني ولا اعرفك. وانا داخل اجيب الشنطه واسافر حالاً (يخرج)
- أوسكار** : يادي الداهيه. وزمان بيتوتشي ما زاع همراي. لا انا لازم الحقمم بأي وسيله
- الظابط** : (من الخارج) إيه المسخره دي يا مجنون. أنا لازم اكسر راسك
- أوسكار** : وآدي الظابط المجنون رجع يزعق
- الأم** : (داخله) إيه. إنت خارج والأكل جهز
- أوسكار** : أكل إيه وغيره إيه. مراي حا تخونني
- الأم** : تخونك. إنت ماتختشيش تقول كلام زي ده
- أوسكار** : أيوه. ولازم دلوقت احصلها مطرح ما راحت. واخنقها قبل ما تركبني الفضيحه والعار
- الأم** : يا مصيبي حا تقتل بنتي
- الضابط** : آه يا خنزير يا بومبيراك. أنا لازم اقتلك واشرب من دمك
- أوسكار** : (لچوچو) يا اخي شاور لواندا تبطل الزغله دي (چوچو يذهب نحو الشباك)
- الضابط** : (داخله) فين هو فين (يرى ظهر چوچو) آه آديني قفشتك يا ملعون
- چوچو** : الضابط المجنون
- واندا** : (من الخارج) ربع ساعه دلوقت وانا باستناه
- أوسكار** : (للحما) إنت موش حا تسيبيني يعني
- الأم** : استنى هنا باقول لك يا جوز بنتي
- واندا** : (تدخل) جوز بنتك. ليه إنت موش مراته
- الأم** : لا يا مدام انا حماته
- واندا** : حماته. آه يا خاين
- الأم** : خاين. دا لازم له علاقه بالست دي
- واندا** : بقى دي موش مراتك يا خاين. خد (تصفعه)
- الأم** : إيه. إنت لك متريسه. خد (تصفعه)
- چوچو** : (يدخل مملابس مبهدلّه ويمسك في أوسكار الذي يهم بالخروج مستجيراً به) جاي الحقوني يا هوه



- الضابط : (داخلاً يتبع عثمان) اوعى تصدق انك تنفد من إيدي يا ملعون
- چوچو : جاي الحقوني يا هوه (يدخل العم فيضربه چوچو وقد ظنه بيتروتشي)  
خد خد
- العم : آي آي آي. الحقني يا أوسكار  
(يدخل الجميع ويقولون لحن ختام الفصل)

ستار



7/2 404  
28/4/1926

### الفصل الثالث

صدر ولایت نادری پسر

ترفع الاستار عند الصلاة والرائس ونادری پسر . لمحہ ورقہ

درند (بند بھنہ . بیضی روزہ اچھی) سیسی امی مذم . میٹھان پیلیدی  
لیہ فرقہ اعداد والیابیہ کتہہ مستندہ ہندوستان فتح ابراب ہمالہ  
الرائس پبلیش ملتان لاہور

المیر براتو

درند (بزرگ المیر پبلیش لاہور)

المیر (المیر) ۱۰۰ . مذم چریتہ .. خندہ خندہ

جزا آفتاب

خندہ مولدی محروق الہ . زحز کوپس و جلیہ لکھنؤ یا مذم

جزا مدبر و دن . انا ما اعفقتہ نما الخرافات والی زہدی . و پستلہ

سکۃ عظیم یا مذم

میر ۵۰ ھا ھا . ایوہ صحیح . لودہ عظیم کوپس توپی . و مصلی الرائس ونادری

پسر بتو عالم اول اور کو لوسہ عالمی

## الفصل الثالث

ترفع الستار عن صالة دانس ونادي السمر. لحن ورقصة.

- أدولف** : (بعد اللحن. يدخل وراءه العبد) ميسيو اي مدام<sup>(١)</sup>. حيث إن الليله دي ليله فوق العاده والزباين كثير. استحسنت الإدارة فتح أبواب صالة الدانس الكبيره علشان راحتكم
- الجمع** : براڤو
- أدولف** : اتفضلوا (يخرج الجميع ويبقى بعضهن)
- ميمي** : (لچرمين) آه. مدام چرمين.. خدي خدي
- چزما** : آخذ إيه
- ميمي** : خدي صولدي مخروق اهه. دا حرز كويس ومجلب للسعاده يا مدام
- چزما** : لا بردون. أنا ما اعتقدش في الخرافات اللي زي دي. والمسألته مسألة حظ يا مدام
- ميمي** : ها ها ها. أيوه صحيح. لأن حظكم كويس قوي. ومحل الدانس ونادي السمر بتوعكوا دول ادوكوالوش<sup>(٢)</sup> خالص
- چزما** : لا ولا تنسيش البار دا اللي بنطلع منه كل مصاريف المحل
- فرنسين** : (داخلة من الدانس ويدها سيجارة) يا سلام الدنيا حر قوي
- ميمي** : (لچزما) آه. إيه الست دي يا مدام
- چزما** : دي واحده زبونه جديده بتيجي ترقص عندنا بقى لها كام يوم بس. عن إذنك اما اشوف الجرسون بيعمل ايه بره (تخرج)
- فرنسين** : (لميمي) من فضلك يا مدموازيل
- ميمي** : اتفضلي (تشعل لها السيجارة)
- فرنسين** : مرسي
- ميمي** : يادي كوا<sup>(٣)</sup>. يا سلام يا مدموازيل بدلتك دي ألامود<sup>(٤)</sup> خالص. إنت بقى لك كثير بتترددى على محلات الدانس دي؟

(١) بالفرنسية "Messieurs et mesdames" وتعني: السادة والسيدات.

(٢) بالفرنسية "À de quoi louche" ويقصد: مرعب أو غريب.

(٣) بالفرنسية "Pas de quoi" وتعني: العفو.

(٤) بالفرنسية "À la mode" وتعني: على الموضة.





- فرنسين** : لا أنا لسه مبتديه جديد يا مدموازيل. يعني زي ما تقولي في دور التمرين وقبل كده كنت با اشتغل كمديره عند واحد من الشبان اسمه المسيو أوسكار. ولما اتجوز فت الخدمه<sup>(١)</sup>. واديني دلوقت من دانس لدانس. وبقى عندي فلوس واشترت أسهم. وفرنسين الكميريه بقت دلوقت مدموازيل إيزابل الباريزيه الجميله
- ميمي** : واظن الاسم ده هو السبب في نجاحك؟
- فرنسين** : موش بعيد يا مدموازيل. وحضرتك اسمك إيه من فضلك
- ميمي** : اسمي ترونپون
- فرنسين** : اسم حلو خالص يا مدموازيل
- ميمي** : بس انا انصحك إذا حصل لك قسمه وكسبتي فلوس من طريق الدانس اوعي تخشي نادي السمر اللي هناك ده
- فرنسين** : علشان إيه بقي
- ميمي** : لأن اللي تكسبيه تشاركك فيه مدام مورو وكيلة النادي لأنها بتاخذ لنفسها ستين في الميه من مجموع الأرباح زي كومسيون<sup>(٢)</sup>
- فرنسين** : أوه بردون. موش ويايا أنا الكلام ده
- أدولف** : (من داخل البار) اسمع الكلام زي ما باقول لك. كل شيء هنا في البار لازم يكون تمام
- فرنسين** : آه. المسيو أدولف صاحب المحل (موسيقى خفيفة)
- أدولف** : (داخلاً) آه. حضرتكم بتعملوا إيه هنا؟
- ميمي** : بردون. احنا بس بنتكلم شويه ويأ بعض
- أدولف** : لكن اظن مانتوش جاين هنا بقصد الكلام. إنتم جاين هنا خصوصي علشان الدانس. يالا يالا من فضلكم خشوا الصاله احسن اسحب منكم الماركات اللي كسبتها الليله
- الجميع** : ياخي لا دا بعدك. ها ها ها (يخرجن)
- أدولف** : (ينظر للدخل) يا سلام. إيه المدام دي. ازاي دخلت هنا من غير ما تكون لابسه سواريه
- العبد** : لا دي زبونه في المحل يا سيدي. واحده قدميه

(١) حذاف: عند واحد من الشبان اسمه المسيو أوسكار. ولما اتجوز فت الخدمه.

(٢) بالفرنسية "Commission" وتعني: عمولة.



- أدولف** : وإن كانت. إنت ماتفهمش إن قانون المحل مايسمحش لأي ست أو راجل بالدخول في صالة الدانس إلا إن كانوا لابسين سواريه
- العبد** : فاهم يا سيدي
- (أصوات تصفيق من الداخل) براقو (تنتهي الموسيقى)
- أدولف** : حيث إنك فاهم. خد بالك كويس إذا دخل أي شخص موش لابس حسب الأصول. مافيش غير طرده
- العبد** : حاضر يا سيدي (جرس)
- أدولف** : الله. منين الجرس ده
- العبد** : من النادي يا سيدي
- أدولف** : طيب خش النادي واندته لي مدام مورو قوام.. استنى اما افتح لك..
- (يخرج العبد) يا سلام. دي دوشه يا حفيف (موسيقى خفيفة)
- مدام مورو**: (تدخل والعبد) إنت عايزني يا مسيو أدولف
- أدولف** : أيوه يا مدام. إيه الجرس المستمر ده؟
- مورو** : جرس إيه (الجرس)
- أدولف** : موش سامعه
- مورو** : آه. دا الجرس اللي في نمرة ٧
- أدولف** : نمرة ٧. ومين اللي في نمرة ٧
- مورو** : دا واحد عليه القيمة جه دلوقت بس
- أدولف** : وجه لوحده والا وياه حد
- مورو** : لا جه لوحده. ويظهر إنه جاي من سفر ومعاه شنطته
- أدولف** : غريبه. طيب وازاي تسمحوا له بدخول النادي. إنت نسيت قانون المحل
- مورو** : لا يا مسيو
- أدولف** : ما تفهميش إن البند ٨٦ يحرم دخول أي واحد في نادي السمر ما دام لوحده ولا معهش سميرُه
- مورو** : لا ماهو بس المسيو ده غمزني بورقه مهمية فرنك. علشان كده أنا سمحت له بالدخول وقعدته في نمرة ٧ بعيد عن المحلات البريقيه<sup>(١)</sup>

(١) بالفرنسية "Privé" وتعني: الخاصة.



- أدولف** : آه. ما دام كده معلهش. ولكن موش قيدت الفلوس دي في الدفتر
- مورو** : إي بالطبع
- العم** : (أصوات وتصفيق من الداخل) براقو (تنتهي الموسيقى)
- العم** : (جرس من الداخل) إيه الزيته والدوشه دي يا هوه (يدخل) دا موش نادي
- أدولف** : سمر. ده نادي عجز
- أدولف** : الله. مين ده
- مورو** : دا المسيو اللي في ثمره ٧
- أدولف** : بردون مسيو. إيه فيه إيه. يلزم خدمه
- العم** : يلزمني الراحه يا مسيو. لأنني أنا جاي هنا علشان اروق مزاجي بلعبة بوكر أو بكارا لحد ما يطلع النهار واروح لحالي. وأديني دخلت النادي بتاعكم ده.
- أدولف** : وقاعد كده لوحدي. ولا استفدتش غير الدوشه وقلب الدماغ
- أدولف** : أنا افهمك يا مسيو. بقى احنا عندنا (يشير) هنا صالة دانس تابعه للنادي ده
- العم** : وبالطبع يا مسيو محل زي ده مايسلمش من الزيته
- أدولف** : لا لا. حيث كده اسمحووا لي اشوف محل غير ده اتمم السهره فيه
- أدولف** : لا لا استنى جنباك مالناش بركه إلا راحتك (لمورو) شوفي لجنباه محل بعيد عن
- العم** : دوشة الدانس. لحد ما يجي له سميره يجانسه
- أدولف** : أيوه إن كان كده معلهش
- أدولف** : وصلي جنباه وانا حا امر على المحل. وابقي تعالي في المكتب احسن عايزك
- مورو** : حاضر. اتفضل يا مسيو (يخرج)
- العم** : اتفضلي (يتبعها)
- أدولف** : والله باين بيعه رايجه الأخ ده. بس اياك ربنا يرزقه باللي يشطب عليه (يخرج)
- أوسكار** : (داخلاً يتلفت) آه يا ربي. بس اياك الاقيها هنا. الله. هو راح فين چوچو..
- چوچو** : چوچو. چوچو. چوچو. چوچو
- چوچو** : (داخلاً يأكل سندوتش) أيوه آديني جاي
- أوسكار** : إنت كنت فين يا أخي
- چوچو** : بس كنت باجيب لقمه سندوتش
- أوسكار** : يا سلام. ولك نفس تاكل سندوتش في وقت زي ده



- چوچو** : أمال عازني اموت م الجوع. موش بزياده مدوخني وياك من الساعة ٧  
لحد دلوقت. دخلتنا يجي سبعناشر دانس علشان تدور على مراتك. آدحن  
بقينا الساعة ٩ ولا حطيتش في عينك حبة ملح ودخلتني مطبخ والا مسمط  
علشان تعشيني
- أوسكار** : طيب بس كل وانت ساكت
- چوچو** : أما غريبه دي
- أوسكار** : لكن انا باستغرب يا ناس باستغرب
- چوچو** : تستغرب تستشرق زي بعضه
- أوسكار** : باستغرب ازاي بس سيمون تقول إنها رائحة الدانس. ولا احناش عارفين نعتز  
فيها لحد دلوقت
- چوچو** : حد عارف النابوليتاني وداها على فين
- أوسكار** : لا يستحيل. أنا لازم الاقيها بأي وسيلة. ولو الف عليها اربع ترکان باريز  
(يهم بدخول الدانس)
- العبد** : (يمعنه) بردون مسيو
- أوسكار** : إيه مالك
- العبد** : مافيش إذن بالدخول يا سيدي
- أوسكار** : إزاي ده
- العبد** : أيوه يا سيدي. اللي عايز يخش صالة الدانس دي لازم يكون لابس سواريه
- چوچو** : أيوه سواريه موش ماتينيه زي حالاتك
- أوسكار** : (لچوچو) إيه بيقول إيه ده أنا موش فاهم
- چوچو** : لا والغريبه إنك مابتفهمش وتقول علي غبي
- أوسكار** : يعني إيه
- چوچو** : يعني إن المحل ده تري شيك<sup>(١)</sup>. والي على وش فنديتا زيك لازم يستعد لها  
ويلبس تري شيك
- أوسكار** : هس اخرس. فنديتا في عينك (بتجه نحو الباب) آه. لازم تكون هنا في البار.. لا  
ماهيش جوه. يا ترى هي فين دلوقت
- چوچو** : يمكن كانت هنا وخرجت

(١) بالفرنسية "Très chic" وتعني: كامل الأناقة.



- أوسكار** : لا أبدأ. لازم تكون جوه في صالة الدانس ده (للعبد) فين بس صاحب المحل أنا  
بدي أسأله على حاجه واستفهم منه
- العبد** : دلوقت يجي يا سيدي
- أوسكار** : طيب أنا حا استناه هنا (يجلس. لچوچو) يعني إنت السبب في ده كله
- چوچو** : إيه. أنا السبب
- أوسكار** : أيوه. لأنني بعث لك جواب كان يثبت براءتي عند الست بتاعتي. ولو كنت جيت  
لي الجواب ده كنا انتهينا ولا حصلش الي حصل
- واندا** : (من الخارج) أيوه. ادفع للعريجي أجرته
- چوچو** : آه. دي هي
- أوسكار** : مين مراتي (يتجه نحوها) آه يا عزيزتي...
- واندا** : (داخلة) آه إنت هنا يا مسيو أوسكار
- چوچو** : إرمي
- أوسكار** : الله الله
- واندا** : أنا يا عزيزي مبسوطه قوي اللي شفتك
- أوسكار** : ولكن أنا موش مبسوط أبدأ يا مدام. لأنني أنا دلوقت موش عاوز اعرف حاجه  
اسمها واندا
- واندا** : برضه جايز. ولكن أنا اعرف حاجه اسمها أوسكار
- چوچو** : لكن يا عزيزتي...
- واندا** : أوه ما تتداخلش بلاش دوشه.. بقى إنت تتصور يا مسيو إنك تضحك على  
واحد زئبي. وتسيبك كده من غير ما تنتقم منك
- چوچو** : آه. جينا للشديتا اللاونداوي بقى
- واندا** : أمه دلوقت كل شيء حصل تمام زي ما قال لي حبيبي بيتروتشي آه يا عزيزي  
بيتروتشي. فين إنت دلوقت يا روجي فين. أنا كنت هبله وعبيطه الي سبتة  
وعرفت واحد زيك. ودلوقت لازم انتقم منك. فُنديتا
- چوچو** : دي باين نابوليتانيه روخره يا حفيظ
- أدولف** : (يدخل. للعبد) أنا رايج المكتب وابقى ابعت لي مدام مورو
- العبد** : حاضر يا سيدي



- چوچو** : طول بالك. مدام. أوسكار معذور إنه يعاملك المعامله دي. صحيح إنه عاملك  
معامله خنازيري. لكن...
- أوسكار** : هس اخرس...
- چوچو** : بلاش كلام فارغ. بقى تسهر وياك في القطر طول الليل. والقط يخوفها. وبعدين  
تروح تتجوز واحده تانيه وتسكنها قدامها كده عيني عينك
- أوسكار** : وبعدين وياك
- چوچو** : (هامسًا) طول بالك. أنا بالطف لك عصبيتها شويه. مغلش يا مدام  
سامحيه لأنه هجص طول حياته. واهه دلوقت حا يجني ثمرة الهجص  
بتاعه. والسبت بتاعته...
- أوسكار** : هس اخرس
- چوچو** : بس اسكت إنت خليني اروق لك دمها. أيوه يا مدام لأن جنابه بسبب سيره  
البطال ده. أهه في يوم واحد خسر كل حاجه
- واندا** : إيه خسر إيه
- چوچو** : أولًا خسر مراته اللي سابتة علشان تمشي على كيفها
- واندا** : عملت طيب
- أوسكار** : يعني إنت حا تسكت والا لأ
- چوچو** : ثابيًا خسر الثروه بتاعة عمه اللي حا يحرمه من ميراثه. والثروه دي تطلع  
عشرين مليون فرنك
- واندا** : عشرين مليون؟
- چوچو** : على اقل تقدير
- واندا** : يا خساره
- چوچو** : أيوه يا مدام. وافتكرا إن المصايب دي بزيادة عليه
- واندا** : بزيادة عليه
- چوچو** : معلوم. الضرب في المييت حرام. ولا فيش لزوم للانتقام بتاعك ده حيث إن اللي  
حا تنتقمي منه ده بسببك إنتِ اتحرم من ميراث عمه. وعلى وش فضيحه.
- وبقى علي باب الله زي حالاتي
- أوسكار** : إنت حا تسكت والا اخنقك واستريح من خلقتك



- چوچو** : أنا مالي. تعرف شغلك وياها. قال عاوز اخلصه وهو موش مخلصه. صحيح  
تعمل طيب تلاقيه بطل
- أوسكار** : فين صاحب المحل من فضلك
- العبد** : صاحب المحل راح مكتبه اللي في الجنينه يا سيدي
- أوسكار** : طيب مرسي (لچوچو) الله يجازيك يا چوچو. كل الدوشه دي من تحت راسك  
(يذهب نحو المكتب)
- چوچو** : قال من تحت راسي قال. بيحب لي حب اكسبريسي. ويقول لي من تحت راسي
- واندا** : إلا قول لي يا مسيو چوچو
- چوچو** : مدام
- واندا** : بقى صحيح مرات أوسكار سابتة علشان تمشي على كيفها
- چوچو** : مضبوط
- واندا** : يا سلام. وتسيبه كده بعد شهرين من جوازمهم
- چوچو** : لأ. ولا تمشيش إلا وياً واحد وحش زي النابوليتاني بيتروتشي
- واندا** : إيه. بيتروتشي بتقول
- چوچو** : أيوه هو اللي خطفها
- واندا** : خطفها. يا حفيظ. لا دا شيء ما اقدرش احتمله أبداً. فنديتا
- چوچو** : الله جرى لك إيه
- واندا** : إلا بيتروتشي خطفها. والمصيبة دي برضه من تحت راس الخنزير أوسكار
- چوچو** : الله. مصيبة إيه يا مدام. أنا موش فاهم
- واندا** : موش فاهم. إنت ماتفهمش إن دلوقت كل ما اتصور بيتروتشي قاعد وياً  
سيمون باغير عليه قوي. وبتقيد النار فيّ. وعلشان كده أنا لازم انتقم من  
أوسكار ده أفضح انتقام (تخرج)
- چوچو** : آه فكره. ما دام واندا بتغير على بيتروتشي لحد دلوقت. معناها إنها لسه بتحبه.  
وما دام بتحبه احسن طريقه إنني اكلمه في التليفون في القهوه اللي بيقتد فيها  
قدام البيت وهو يجي حالاً. ولازم يحصل صلح بيناتهم. وبالطريقه دي نخلص  
من دوشتهم.. قول لي يا بلدي
- العبد** : مسيو



- چوچو** : فېن محل التليفون اللي هنا
- العبد** : عندك بره جنب الباب دي
- چوچو** : مرسي. أيوه خيلينا نخلص من الفئديتا بتاعتهم مره واحده كده بالجمله. إلا فئديتا دي كمان ياخوي (يخرج)
- العم** : (داخلاً ومدام مورو) لا أبداً. فېن صاحب المحل ده
- مورو** : بس فيه إيه يا مسيو
- العم** : دا شيء وحش خالص. بقى أنا فایت نمره ٧ علشان عدم الدوشه. وتقعديني حضرتك في نمره ١٨ والدوشه ألعن هناك
- مورو** : دوشة إيه يا مسيو. دانت هناك ماتسمعش دوشة الدانس أبداً
- العم** : كلام فارغ. الخوته عندكوا هنا في كل مطرح.. هنا تسقيف وهيصه مالهاش حد. وهناك فيه أوركستر
- مورو** : أوركستر. أوركستر إيه يا مسيو
- العم** : أوركستر قبلات وتنهديات في المحلات اللي جنبي ما بتتقطعش أبداً يا حفيظ اللي ما فيه انتراكت<sup>(١)</sup> أبداً
- مورو** : أمال عايز إيه يا مسيو من نادي زي ده مخصوص للمجانسات واجتماع الأجه. ضروري يا مسيو إن كل واحد هنا يكون حر وعلى كيفه
- العم** : حر. أمال ليه أنا موش حر زي دول
- مورو** : يعني إيه. أنا موش فاهمه
- العم** : يعني مافيش حد بيجانسنني زي الجماعه اللي هنا دول
- مورو** : إيه إنت راخر تحب مجانسة الجنس اللطيف يا مسيو
- العم** : لأ أنا ما احبش مجانسة الجنس اللطيف قد كده. ولكن برضه ما اكرهاش
- واندا** : (تدخل على حدة) أيوه. آديني لقيت الطريقه اللي بها انتقم من أوسكار.
- مورو** : مافيش احسن من كوني ادور على عمه الغني ده واغويه بأي وسيله. يا سلام عشرين مليون. ندرِ عليّ يا سان انطوان شمعه بخمسين صولدي إذا عترتني فيه
- مورو** : استني استني. يمكن حاجتك حا تنقضي (لواندا) اسمعي يا مدام. أنا عندي لك شغله كويسه. بس ابقني شوفيني

(١) بالفرنسية "Entracte" وتعني: استراحة.





- واندا : شغلة إيه
- مورو : بس فيه واحد غاوي لسه جديد. ويظهر عليه إنه غني قوي. تحبي تجانسيه في النادي شويه
- واندا : وفين الغني ده؟
- العم : (يراها) إيه. الست بتاعة القطر
- واندا : (على حدة) العشرين مليون.. مرسي يا سان انطوان مرسي. شمعه بتلاته فرنك موش خساره فيك (لها) طيب اتفضلي انت دلوقت
- مورو : بس ماتنسيش إن ليّ ستين في الميه من الأرباح (تخرج)
- واندا : بونسوار يا حضرة العم المحترم
- العم : بونسوار مدام
- واندا : إزاي أوسكار ابن اخوك كده على حسك
- العم : من فضلك ماتجيبش سيرته يا مدام
- واندا : واظن إن جنابك شرفت هنا دلوقت علشان تسلي نفسك. وتضيع الزعل العائلي اللي عندك موش كده؟
- العم : في الحقيقه أيوه يا مدام. أنا جيت هنا علشان امضي السهره واصبح اسافر على شيلي
- واندا : تسافر
- العم : أيوه
- واندا : ياخي لا ماتخببش عليّ. مدام مورو قالت لي على كل حاجه
- العم : قالت لك على إيه
- واندا : قالت لي إنك عاوز واحده جميله زيي تسليك وتأنسك
- العم : إيه الكلام الفارغ ده
- واندا : بص لي بصه بس. شوف جمالي. شوف عيوني. شوف الشفايف الشبيهه بالورده اللي تزين عروة الجاكته. آه يا مكار. أنا ماكتتش أصدق إنك كده أبدًا
- العم : لا يا مدام. أنا ما اسمحلكيش بالكلام الفارغ ده لأني...
- واندا : لأنك راجل عجوز؟ ما تأخذنيش يا مسيو. أنا نسيت إنك في السن ده ويجب عليّ احترامك



- العم : سن. سن إيه. أنا عمري مايجيش...
- واندا : أيوه صحيح. حتى اللي يشوفك يقول عليك أصغر من كده كمان
- العم : موش كده يا روحي. ها ها ها (يهم بالتقرب منها)
- واندا : لا لا ارجع. آه يا ربي
- العم : إيه فيه إيه
- واندا : يا سلام. دنا نسيت إنك عم أوسكار
- العم : وأوسكار ده مايهمنيش يا مدام
- أوسكار : (يدخل) بيقول إيه ده
- العم : وتعرفي أوسكار ده واحد صفته إيه. دا واحد جبان. ولا عندوش شهامة أبدًا
- يا مدام
- أوسكار : إيه (يضره شلوت)
- العم : آي
- أوسكار : إخص. عمي
- العم : أوسكار! مابقاش إلا كده يا مسيو. ما شا الله ما شا الله. مابقاش ناقص غير
- كونك تمد إيدك عليّ بواسطة رجلك
- أوسكار : لا يا عمي بس...
- العم : لا يا مسيو أنا مابقيتش عمك ولا حاجه. ومن جهة الملايين دي اللي كنت
- حا افوتها وتورثني فيها. أنا حا استعمل كل أنواع الإسراف وابتعتها قبل موتي
- (لواندا) تعالي يا عزيزتي نشرب لنا كاسين تعالي (يدخل البار)
- واندا : ماتزعلش يا عزيزي أوسكار ماتزعلش أبدًا
- أوسكار : ماتزعلش
- واندا : أيوه صحيح إنت خسرت عمك بسببي. ولكن اهو ربنا عوض عليك بواحد
- زيي ناستك وبقث عمك. ها ها ها (تخرج)
- أوسكار : يا حفيظ من دي ليله يا حفيظ. أنا موش عارف اعمل ايه في العبد ده اللي
- موش راضي يخليني ادخل صالة الدانس يمكن تكون مراتي جوه دلوقت
- مورو : (تدخل) افتكر إن إيراد الليله دي موش بطال
- أوسكار : آه. اسمعي يا مدام



- مورو : مسيو
- أوسكار : إنت من المحل طبعًا موش كده؟
- مورو : أيوه فيه خدمه يا مسيو
- أوسكار : المسألّه يا مدام إني بادور على واحده ست
- مورو : أوه. دانت بختك كويس
- أوسكار : كويس ازاي
- مورو : معلوم يا مسيو لأنك بتتكلم وياّ واحده اختصاصيه. وتنفعك قوي في المسائل  
الي زي دي
- أوسكار : يا سلام
- مورو : لكن الي عايزها دي جنسها إيه من فضلك. سمره بيضا. سمينه نحيفه زي ما  
يعجبك. لأن الليله دي بسم الله ماشا الله. فيه عندي ميت ألف صنف
- أوسكار : بس بس روحي في داهيه
- مورو : (على حدة) إخص. دا باين عليه زبون قرديحي خالص (تخرج)
- أوسكار : يا حفيظ. شوفوا الوسط الزفت الي مراتي عاوزه ترمي نفسها فيه دي  
مصيهه يا حفيظ
- فرنسين : (داخلة) آه. مسيو أوسكار
- أوسكار : فرنسين! إنتِ هنا. تعالي تعالي
- فرنسين : إيه فيه إيه
- أوسكار : شفيتش مراتي جوه
- فرنسين : مراتك. وانا إيش عرفني بهراتك يا مسيو. أنا شفتها أبدًا
- أوسكار : أيوه صحيح أنا كنت ناسي. آه لا لا. إنتِ برضه شفيتها وتعريفها
- فرنسين : شفتها
- أوسكار : أيوه المداموازيل الي كانت جات عندي في اليوم اللي سافرت فيه أنا وعمي  
علشان مسألة الجواز
- فرنسين : آه. أيوه عرفتها. المداموازيل الجميله دي الي كانت وياها واحده تانيه.  
موش كده؟
- أوسكار : مطبوظ هي



- فرنسين : لا يا مسيو. بكل تأكيد ماهيش جوه ولو كانت جوه كنت عرفتها
- أوسكار : (على حدة) يا سلام. دلوقت أنا ردت في روجي
- فرنسين : إذا كان يلزم جنابك أي خدمه أنا مستعده يا مسيو
- أوسكار : لا مرسي قوي
- فرنسين : أمال بردون (تخرج)
- أوسكار : (يخرج ورقة ويقرأ) يا سلام. بقى أنا لسه حا الف على محلات الدانس دي كلها. الغايه ما دام هي موش موجوده هنا (تظهر سيمون) آه أهى جات.. سيمون
- سيمون : آه. إنت هنا يا مسيو. إنت بتتردد على محلات الدانس كمان
- أوسكار : أيوه علشان ادور عليك يا روجي. لأن من اللحظه اللي مشيتي فيها مع الراجل الدون ده. جريت وراك زي المجنون. ولفيت عليك يجي عشرين صالة دانس علشان الاقبيك يا حياتي. الغايه آديني عترت فيك وتعبي برضه ما راحش بلاش. تعالي نروّح يا روجي تعالي
- سيمون : نروّح. نروّح على فين يا مسيو؟
- أوسكار : على فين ازاي. على بيتنا
- سيمون : بيتنا. أنا مابقاليش بيت يا مسيو. أنا قلت لك بصراحه إن العلاقه اللي بيننا انقطعت خلاص
- أوسكار : سيمون. أنا في عرضك. المسأله دي إنت فيهمتها غلط
- سيمون : ما تحاولش تبرا نفسك من فضلك. قلب الست لما ينكسر يستحيل تصلحه أبداً (لحن)
- أوسكار : أنا في عرضك يا سيمون. تعالي نروح وبكره يتضح لك براءتي وتفهمي كل شيء
- سيمون : لا يستحيل يا مسيو لأنك وقت ما اتجوزتني أنا كنت صحيفه بيضا. وفي الصحيفه البيضا دي تجاسرت حضرتك وكتبت فيها تذكارات وسخه. وحيث إنى ما احتملش الوساخه دي أبداً. مسكت الأستيكه ومحيت جميع التذكارات الموجوده. ودلوقت كأني لا اعرفك ولا تعرفني
- أوسكار : أنا في عرضك يا روجي بلاش تهكم علي بالشكل ده
- سيمون : إنت عارف أنا موش باهزر والمسأله جديه خالص. إنت ما حافظتش على حقوق الزوجيه. بالطبع أنا كمان موش حا احافظ عليها. إنت مشيت على الشمال وكل واحد حر في سيره



- أوسكار** : بس اسمعي يا عزيزتي. أنا احلف لك إني كتبت جواب لچوچو يبرأني من التهمه  
الفضيحه دي
- سيمون** : إيه برضه. طيب وفين الجواب ده
- أوسكار** : أنا عارف رماه فين الغبي ده. أنا باستغرب ازاي لقينا الجوابات اللي كنت  
بابعتها له كلها. إلا الجواب ده موش عارف رماه فين
- سيمون** : بس بس من فضلك بلاش كذب. ودلوقت إذا حبيت ترؤح حضرتك اتفضل. أنا  
موش ماسكاك
- أوسكار** : إيه. أنا يستحيل انتقل من هنا إلا رجلي على رجلك (سيمون تخلع المانتو<sup>(1)</sup>)  
يادي الفضيحه. دي نصها عريانه يا حفيظ يا حفيظ
- سيمون** : أورقوار مسيو. واطمني لك حياة اللذه والهنا. أما أنا حاشش ارقص واسلي نفسي.  
عن إذذك (تخرج)
- أوسكار** : (يتبعها ويريد الدخول) ماتنسيش يا سيمون إني جوزك وليّ الحكم عليك  
العبد : (يمنعه) جوزها لكن ما تخشش
- أوسكار** : برضه. بقى إنت واقف لي كده زي اللقمه في الزور
- چوچو** : (يدخل) أما النوبه دي لازم اكون عملت شغله مفيده
- أوسكار** : آه يا چوچو لو تعرف...
- چوچو** : أنا عندي خبر لكن كويس خالص
- أوسكار** : خبر إيه
- چوچو** : أنا كلمت بيتروتشي في التلفون بصفتي واحد صاحبه. ويمكني دلوقت  
اطمنك خالص
- أوسكار** : تطمئيّ ازاي
- چوچو** : أبوه. لأن مراتك نطت من التاكسي اللي كان ركب وياها فيه وزاغت منه.  
مسكين بيتروتشي. ده راخر أجرنه زي حالاتنا داير دايخ وبيدور عليها وهي  
دلوقت زمانها في البيت
- أوسكار** : في البيت!
- چوچو** : بالطبع. أمال حا تروح فين ما دام زاغت منه

(1) بالفرنسية "Manteau" وتعني: بالطو.



- أوسكار : يا شيخ اتلهي
- چوچو : أتلهي ازاي
- أوسكار : سيمون هنا وقابلتها. ودخلت صالة الدانس هنا
- چوچو : هنا هنا
- أوسكار : أيوه
- چوچو : ما دام كده. حقك إنت اللي تتلهي على عينك موش أنا ياخوي
- أوسكار : ياخي الحمد لله اللي الملعون بيتروتشي مايعرفش هي فين دلوقت
- چوچو : لا ما تفتكرش
- أوسكار : إزاي ما افتكرش
- چوچو : أيوه علشان أنا عملت لك خدمه كويسه
- أوسكار : يا ساتر استر. أنا والله دلوقت باخاف من خدماتك دي قوي. وإيه هي الخدمه دي
- چوچو : أنا اكتشفت دلوقت إن واندا بتحلوس تاني على بيتروتشي
- أوسكار : كويس
- چوچو : وبالاختصار كده علشان أحم الاتنين في بعض واخليهم يحلّوا عنا. كلمت لك بيتروتشي في التليفون علشان يجي هنا دلوقت حالاً. وقلت له إن واندا هنا
- أوسكار : إخص عليك وعلى وشك. إنت لازم مجنون
- چوچو : مجنون ازاي
- أوسكار : تكلف بيتروتشي يجي هنا في وقت زي ده ومراتي هنا وزعلانه مني. وموش عايزه تشوف وشي. دي خدمه دي. دي أكبر مصيبه يا غبي
- چوچو : مصيبه
- أوسكار : معلوم. لأن بيتروتشي بيدور على مراتي موش على واندا. واظن إنه مايجيش لأن واندا ماتهموش دلوقت
- چوچو : لا ضروري راح يجي هنا حالاً
- أوسكار : ضروري ليه
- چوچو : أيوه. لأنني علشان اكون متأكد من مجبه. قلت له إن مراتك هنا
- أوسكار : يادي الداهيه. ولا تقولوش يجي إلا وقت ما تيجي مراتي هنا



- چوچو : وانا كنت عارف إنها جات. الحق عليك إنت كان لازم تديني خبر. إنت ماتعرفش تعمل حاجه أبداً
- أوسكار : ياخي البركه فيك. حا ابقى أنا وانت
- چوچو : الغايه ما دام العبارة وصلت لكده. مافيش عندنا دلوقت إلا طريقه واحده
- أوسكار : إيه هي؟
- چوچو : بيتروتشي حا يكون هنا بالكتير بعد خمس دقائق
- أوسكار : كويس
- چوچو : فاحنا دلوقت نستخبي ونكمن له هنا ورا الباب ده. وهو يخش من هنا واحنا نروح هاجمين عليه. أنا اكنم لك نفسه. وانت تروح ماسكه من زماره رقبته تطلع روحه في إيدك وبعد كده نرميه بره ولا من دري ولا من شاف
- أوسكار : إيه. يعني ارتكب جرمه؟
- چوچو : لا ما تفتكرش. إعمل إنت اللي باقول لك عليه ولما تنظبط أنا اعرف شغلي
- أوسكار : تعرف شغلك ازاي
- چوچو : أيوه. علشان أنا اعرف واحد أفوكاتو صاحبي. يضمن لك إنك ماتاخدش في الجرمه دي إلا سنتين مع التشغيل
- أوسكار : والله أنا حاسس إنك حا توديني في داهيه يا أخي
- چوچو : ياللا امال استعد. زمان الراجل جاي (يختفيان)
- بيترو : (داخلاً) أوسكار إنت حا تكون. فنديتا
- الاثنين : بيتروتشي
- بيترو : (يراهما) آه. ميسيو.. إنتوا بتنتظروني هنا؟ أنا آسف اللي ماجيتش من الباب العمومي ده. وجيت من باب البار الموصل للشارع
- چوچو : أهي الحسبه خرمت ياخوي
- بيترو : أظن النوبه دي احنا اتفقنا يا عزيزي أوسكار
- أوسكار : اتفقنا على إيه
- بيترو : بالطبع اتفقنا. حيث إن صاحبك المسيو چوچو كلمني في التلفون إني آجي
- چوچو : علشان اقابل مراتك هنا دلوقت حالاً
- چوچو : أيوه أنا قلت له كده



- أوسكار** : بس بس بلا قلة أدب
- بيترو** : العبارة مافيهاش قلة أدب ولا حاجة. اللي عليك دلوقت إنك تقبل المبدأ. وبعدين نتفق على التفاصيل
- اوسكا** : إخرس. تفاصيل في عينك راجل ماتختشيش
- چوچو** : (لبيترو) ماتتعبش نفسك يا مسيو. دا واحد راسه جامده. ولا تنجش وياه المفاوضات أبدًا
- بيترو** : بخاطرك. ما دام إنت دلوقت موش جاي بالمعروف. أنا حاخش لمراتك في صالة الدانس. وابتدي في العمل
- چوچو** : لا يا مسيو كان غيرك اشطر. هدمك دي ما تسمحلکش بالدخول
- بيترو** : إخص
- أوسكار** : (لچوچو) في عرضك شوف لي طريقه اخش بها واسحب مراتي من هنا حالًا
- چوچو** : مافيش طريقه إلا تخش صالة الدانس وتخطف مراتك غصب عنها
- أوسكار** : واخش ازاي بس. والعبد ده واقف كده
- چوچو** : لا ما تفتكرش. أنا اوزعه لك من قدام الباب. وانت تخش على طول (للعبد) إنت يا بلديّ
- العبد** : إيه فيه
- چوچو** : أنا مبسوط منك خالص. خد ورقه بخمسين فرنك علشانك
- العبد** : مرسي (يتقدم ليأخذ الورقة. بيتروتشي يدخل إلى الصالة. أوسكار يهم بالدخول فيمنعه العبد)
- أوسكار** : إخص. الراجل دخل جوه. يا حفيظ يا حفيظ
- چوچو** : يبقى لي عندك خمسين فرنك. اوعى تنسى
- أوسكار** : يا سيدي اتلهي احنا في إيه ولا في إيه. دلوقت بقت فضيحتي للركب
- چوچو** : فضيحة إيه. موش غابته بيتروتشي حا يرقص ويأ مراتك. خليه يرقص بس اللي علينا نخلي المسألة تنتهي لحد الرقص. ولا تتعداهش
- أدولف** : (يدخل من الدانس ومعه اثنين) اتفضلوا من هنا. اتفضلوا (يخرجان)
- چوچو** : إيه المحل ده يا مسيو
- أدولف** : دا النادي المخصص للمجانسه والسمر





- چوچو : غريبه. ولكن إنت ازاي فتحت الباب ده
- أدولف : دا سر من أسرار المحل ولا يصحش إن حد يطلع عليه. والنادي ده تحت أمركم في كل وقت.. ميسيو (يخرج)
- أوسكار : إيه رأيك يا سيد چوچو. أهه فيها نادي للمجانسه والسمر كمان
- چوچو : أنا اقول لك الحق أنا أفكاري ضاعت في المحل ده خالص
- أوسكار : آه
- چوچو : إيه فيه إيه
- أوسكار : إجري قوام على التليفون وقول لحماتي تيجي هنا حالاً
- چوچو : علشان إيه حا ترقص وباها
- أوسكار : يا اخي روح اعمل اللي باقول لك عليه بلاش غلبه
- چوچو : فمرة حماتك إيه من فضلك
- أوسكار : واجرام<sup>(١)</sup> ٣٨ - ٨٣
- چوچو : واجرام ٣٨ - ٨٣
- أوسكار : بس قوام من فضلك. إنت موش شايف إني على وش فضيحه
- چوچو : يعني التليفون حا يعمل بوليس حفظ الآداب ويخلصك من الفضايح (يخرج)
- أوسكار : أيوه مافيش غير حماتي اللي تقدر تخلصني من الورطه السوده دي
- فرنسين : (داخله) آه. إلحق يا ميسيو أوسكار
- أوسكار : أُلحق إيه
- فرنسين : الست اللي بتدور عليها جوه هنا. وشفتها دلوقت بس لما قامت علشان ترقص
- أوسكار : ترقص مع مين؟
- فرنسين : ترقص ويأ الراجل ده اللي كان جاب لك الشنطه في البيت يوم وصولك من مونت كارلو
- أوسكار : بيتروتشي. آه الملعون أنا لازم اكسر وشه
- چوچو : (من الداخل) آلو.. أيوه يا مداموازيل. واجران ٣٨ - ٨٣
- أوسكار : الله الله. دا لسه بيتيدي. من فضلك يا فرنسين خدي تاكسي وروحي عا البيت ابعتي لي حماتي هنا قوام

(١) اسم أحد أهم الشوارع في باريس.



- فرنسين : على عيني يا سيدي. مسكين يا أوسكار مسكين (تخرج)
- چوچو : أيوه عايز النمره دي. أحسن الديوك والفراخ واقعين هنا ويًا بعض خالص
- أوسكار : دا بيقول إيه ده
- چوچو : أنا مين. أنا الدكتور أوسكار بومبيراك. إيه تمان تيام سجن. أنا مايهمنيش تمان
- تشهر موش تمان تيام
- أوسكار : سجن. سجن إيه المجنون ده
- چوچو : (داخلًا) الله ينعل التليفونات والاختراعات اللي زي الزفت دي
- أوسكار : الله. إيه مالك
- چوچو : المداموازيل بتسألني عالنمره. وعلشان اخليها تديني النمره قوام. قلت لها كده
- بالسيم. إن الفراخ والديوك واقعين في بعض. قال إيه افتكرت إني باهزأها قال
- أوسكار : وبعدين
- چوچو : وبعدين قالت لي إنت مين. قلت لها أنا الدكتور أوسكار بومبيراك. وقالت لي إنها
- حاشتكيني ويحكم عليّ. يعني عليك إنت بتمان تيام سجن. موش مصيبه دي
- أوسكار : وهو إنت تمللي وش المصابيب. وبهبلك ده حاشتخرّب بيتي وتوديني في
- داهيه يا غبي
- چوچو : لا ما تفتكرش. أنا برضه حاسس إن المسأله دي حاشتنتهي على خير
- أوسكار : إيه ربنا يسمع منك
- چوچو : أيوه. ما دام واندا متمسكه ببيتروتشي لحد دلوقت. ما علينا إلا نلزقهم لبعض.
- واحنا نخلص من المسأله دي زي الشعره من العجينه
- واندا : (داخله والعم) اتفضل يا توتو
- چوچو : الميسو كامبوليف
- العم : چوچو
- چوچو : (هامسًا لأوسكار) عمك ويًا واندا
- أوسكار : مايهمنيش
- چوچو : (للعلم) ماتختشيش على دقنك وانت في السن ده
- العم : مايهمنيش
- واندا : (لنفسها) ديهدني ياخوي. دي كل الناس مايهمهاش



- العم** : آه. إنت هنا يا أوسكار. من فضلك اخلي طريقي ولا تقفش في سكتي
- أوسكار** : إزاي ده يا عمي. موش عيب عليك...
- العم** : وانت موش عيب عليك لما تسيب مراتك كده دايره لوحدها في محلات الدانس اللي زي دي
- أوسكار** : مراي؟ مالها مراي يا عمي. أنا ما اقبلش منك أبداً الطعن في حق مراي
- چوچو** : تعالی يا اخي ما تهيجش عصبيتك.. جرسون
- الجرسون** : (من الداخل) مسيو
- چوچو** : جردل ميه متلجه. وكبُه قوام على راسه خليه يفوق
- الجرسون** : حاضر (يخرج أوسكار)
- العم** : (يرى أدولف داخلاً) من فضلك يا مسيو افتح لنا باب النادي
- أدولف** : تحت أمرك يا مسيو.. اتفضل
- چوچو** : الله الله. جنابك موش جاي هنا علشان ترقص
- العم** : لا لا أنا حا اجانس زي الناس اللي بيجانسوا بعض جوه. اتفضلي يا مدام (يخرج)
- واندا** : اتفضل يا توتو (تخرج)
- چوچو** : توتو إيه. الله يخرب بيت أبوكو. إيه الرأي دلوقت وانا كنت متكل على واندنا علشان تخلصنا من الراجل النابوليتاني ده. واهي لزقت في توتو اللي موش حا تسييه دلوقت إلا بالنبتو. آه فكره. لازم نخلي سيمون هي اللي تغير على أوسكار. ونخليها تظبطه وهو يجانس واحده ست. ولكن منين نجيب الست دي بقى (يرى مدام مورو) واحده ست اهي. بونسوار مدام
- مورو** : بونسوار مسيو
- چوچو** : هي هيء ازيك
- مورو** : مرسي. أظن جنابك متضايق وانت كده لوحداك
- چوچو** : هه لا.. (على حدة) لا دي ما تنفesch ولا تحركش غيرة سيمون أبداً
- مورو** : يعني إذا كنت تحب تقضي بقية السهره بمجالسة واحده ست جميله أنا مستعدة اشوف الخدمه دي يا مسيو
- چوچو** : عال. دي باينها واسطة خير. (لها) لا مايهمش. جميله موش جميله زي بعضه
- مورو** : هيه زي بعضه ازاي



- چوچو** : معلوم زي بعضه. علشان الست دي موش علشاني أنا. دي علشان واحد صاحبي
- مورو** : وفين هو صاحبك ده
- چوچو** : جوه في البار. حاطط دماغه في جردل ميه متلجه
- مورو** : طيب استناني هنا. وانا جايه لك بالطلب بعد خمس دقائق
- چوچو** : مرسي يا مدام (تليفون) آه التليفون. شوفي شغلك يا مدام وانا جاي لك حالاً
- مورو** : أيوه حالاً
- واندا** : (تدخل) يا سلام الدنيا حر خالص
- مورو** : الله. إنت سبت الراجل العجوز ده وخرجت ليه
- واندا** : عجوز. هو أنا حا اسيب العجوز ده أبداً إلا بعد ما اشطب عليه خالص اهه افضل لازقه له كده لحد ما ابلفه وياخدني المتريس بتاعته ولما اشطب عليه اسيبه<sup>(١)</sup> واشوف غيره. إي التجاره حره يا مدام (تخرج)
- سيمون** : (تدخل يتبعها بيتروتشي) من فضلك يا مسيو ابعده عني. لأن رقصك اللي رقصته وياي ده. خارج عن حدود الأدب
- بيترو** : اسمعي يا مدام. حيث إننا وصلنا لكوننا نرقص مع بعض. يعني مابقاش بيننا أي تكليف. خصوصاً إننا اتفقنا مع بعض إننا ننتقم من أوسكار
- سيمون** : ننتقم منه بالشكل السافل اللي عملته ده. إنت غلطان قوي يا مسيو
- أوسكار** : (يدخل) الله ينعلك يا چوچو. سمعوا كلامه ومسكوني بالقوه. وفضلوا يگبوا لي ميه متلجه على راسي لما خلوها جيلاتي خالص
- بيترو** : (يرى أوسكار) الله. واحد تركي دا والا إيه
- سيمون** : جوزي!!.. أيوه اما اغيظه. ومع ذلك يا مسيو احنا لازم ننتقم من جوزي بأى وسيله
- أوسكار** : مراقي! سيمون
- سيمون** : أنا ما اعرفكش يا مسيو (لبيترو) أيوه يا مسيو أنا عاوزه انتقم الليله دي نفسها
- أوسكار** : إيه
- بيترو** : معلوم لازم. لأني كنت عارف برضه إنك مصممه على كده. وجايه الليله هنا علشان انتقامنا

(١) تغيير "وياخدني المتريس بتاعته ولما اشطب عليه اسيبه". ولما اشطب على فلوسه واسيبه.



- أوسكار** : إنت بتقول إيه يا سافل
- بيترو** : اخرس سافل في عينك. اوعى تتداخل بيننا (يدخل أدولف) من فضلك يا مسيو  
افتح الباب قوام
- أدولف** : على عيني. اتفضلوا
- أوسكار** : الله الله الله
- بيترو** : اتفضلي يا عزيزتي
- أوسكار** : سيمون أنا في عرضك. قبل ما تخطي العتبه الجهنمية دي. فيه كلمه عايز اقولها لك
- سيمون** : لا دا كان زمان يا مسيو
- بيترو** : لا لا خليك لطيفه وياه للنهايه. لازم نحترم رغبات المحكوم عليه. ونسمح له  
يقول الشيء اللي نفسه فيه. أوسكار. حيث إن الانتقام جه أوانه وحا تعرف إن  
اللي يتعدى على عرض غيره. يهان عرضه وكرامته. أنا اسمح لك تقول لنا على  
اللي في نفسك دلوقت زي المحكوم عليه بالإعدام تمام
- أوسكار** : (يهم بالهجوم عليه) اخرس. إعدام في عينك
- بيترو** : (يهرب) أنا بانتظرك جوه يا حياتي (يخرج ويقفل الباب)
- أوسكار** : سيمون. افتكري إني أنا زوجك وباحبك بإخلاص. وانت أكبر من كونك تدنسي  
شرفك وعرضك. وانا احلف لك إني بريء ومحافظ على واجبات الزوجيه من يوم  
ما اتجوزتك. ودلوقت ياللا بنا نروح من المحل ده الجهنمي. وفي البيت حا اقدم  
لك البرهان الكافي اللي يثبت براءتي
- سيمون** : لا يستحيل. سيني على كيفي
- أوسكار** : ماتنسيش يا سيمون إنك واحده شريفه. ومن بيت شريف
- سيمون** : لا موش قد كده
- أوسكار** : لا بالعكس. إنت محافظه على شرفك. والدليل على كده إنك نطيت من  
التاكسي اللي ركبك فيه الملعون بيتروتشي وهربت منه. ياللا يا روحي نروح  
أنا في عرضك
- سيمون** : الغايه أنا برضه حا اطواعك. لكن على شرط
- أوسكار** : شرط إيه
- سيمون** : إنك تثبت لي براءتك زي ما قلت لي



- أوسكار : وهو كذلك يا روجي. يا فرحتي يا فرحتي
- سيمون : ماتفرحش. لأني لحد دلوقت لسه ما سامحتكش
- أوسكار : معلش. بكره تظهر براءتي وتسامحيني
- سيمون : طيب هات لي المانطو بتاعي. أهه معلق عندك في الشماعه.. أنا افتكر إن كده كفايه.. والدرس اللي خده ده يستحيل ينساه طول حياته
- مورو : (داخلة) آه. دي واحده زيونه جديده. مداموازيل
- سيمون : إيه فيه إيه يا مدام
- مورو : بس فيه واحد عايز واحده تجانسه
- سيمون : بس بس بلا كلام فارغ
- مورو : فارغ ازاي امال إنتِ جايه هنا في محل الدانس علشان تصلي صلاة الجنازه يا مدام
- سيمون : أنا موش فاهمه إنتِ بتقولي إيه
- مورو : يا سلام. وعليّ انا الكلام ده. إنتِ بالطبع جايه هنا علشان تشوفي لك عاشق يعشقك. والعاشق ايه قدامك. شاب لطيف ظريف. مافيش اجمل من كده
- سيمون : مين ده
- مورو : حضرته
- سيمون : حضرته؟
- مورو : أيوه
- سيمون : شوفوا الخاين اللي كان بيحلف لي دلوقت
- مورو : أهّي يا مسيو الست اللي طلبتها مني حضرتك بواسطة صاحبك
- أوسكار : إيه أنا طلبت واحده ست
- مورو : أيوه يا مسيو دي حاجه مافيش كده.. وبختك كويس اللي وقعت فيها. بص لها كده واتحقق من الجمال الفتان ده. واذا عجبك وخشت مزاجك أنا جايه لك بعد لحظه (تخرج)
- أوسكار : الله الله الله
- سيمون : هو دا البرهان ياسي جوزي على حبك ومحافظتك على واجبات الزوجيه
- أوسكار : لا يا حياتي. أنا احلف لك إني أنا موش فاهم شيء من كلام الست دي أبدًا وبالتأكيد چوچو الحمار ده هو اللي...



- سيمون : بس بس من فضلك. ويستحيل بعد كده اصدق كلامك أبدًا. وخلص كل شيء انتهى بيننا إلى الأبد. وحيث إن المسألة كده أنا داخله لبيروتشي
- أوسكار : لا يا سيمون. طولي بالك أنا في عرضك. ودلوقت يتضح لك كل شيء
- سيمون : لا يستحيل.. الباب مسكوك.. تعالى من فضلك افتح لي الباب
- العبد : بردون يا مدام صاحب المحل بس هو اللي يقدر يفتح
- سيمون : إزاي ده؟
- أوسكار : سيمون!
- سيمون : وفين صاحب المحل
- أوسكار : يا ستي صاحب المحل سافر موش موجود
- العبد : لا موجود. في المكتب بتاعه اللي في الجنينه
- سيمون : طيب اما اروح له (تخرج)
- چوچو : (داخلًا) الله ينعل ابو التليفونات. على ابو دي كانت وقعت
- أوسكار : إنت جيت يا وش المصايب
- چوچو : الله الله جرى لك إيه؟
- أوسكار : هو أنا كنت كلفتك توصي لي على ستات وكلام فارغ يا دون إنت. وآديني بعد ما انتهيت وياً مرااتي وتحصلت على رضاها. رحت لخبطت لي المسألة. وبسببك إنت برضه سيمون راичه دلوقت تدخل عند بيتروتشي اللي قاعد يستناها جوه
- واندا : (تدخل وتسمع) إيه بيتروتشي جوه؟
- چوچو : أيوه يا مدام جوه استني اما افتح لك الباب وابقي اشكريني
- سيمون : (تدخل) صاحب المحل مالقيتوش في المكتب. يا ترى راح فين (ترى الباب مفتوحًا فتدخل)
- أوسكار : آه يا ربي. مرااتي دخلت. سيمون.. افتح يا بليه افتح
- واندا : افتح قوام
- چوچو : الله الله. دا باينه انفسد
- أوسكار : انفسد إيه. الله يفسد عقلك. يعني مافيش مصيبه بتحصل لي إلا على يدك
- إنت يا وش المصايب



- واندا : لا أبداً. أنا ما اقدرش على كده. بيوتوشي وياً واحده ست غيري. يستحيل يستحيل (تخرج)
- الأم : (تدخل) آه يا جوز بنتي. دي مصيبه
- چوچو : أيوه مصيبة چوچو دي (تطل سيمون)
- أوسكار : الحقيني أنا في عرضك يا حماتي
- الأم : واظن أنا جيت في الوقت المناسب موش كده
- چوچو : للأسف يا مدام
- الأم : إزاي
- چوچو : أيوه لأن سيمون دخلت النادي عند الراجل بتاع القنديتا. وبواسطتي أنا دخلت جوه. وآديني كسرت الزنبلك. والباب موش راضي يينفتح
- الأم : إزاي ده. إنت اتجنتت تعمل كده
- چوچو : ياخي يا ريت على كده وبس
- الأم : أمال فيه إيه غير كده
- چوچو : وانا برضه اللي ضبعت الجواب اللي يثبت براءة أوسكار
- سيمون : بقى على كده الجواب ده صحيح
- چوچو : وقال أنا اللي أعز صديق لأوسكار والمخلص الوحيد له. أكون سبب في خراب بيته وتنغيص حياته.. وعلشان كده أنا عارف الشيء الواجب عليّ عمله دلوقت. أستودعكم الله. نشوف وشكم في خير يوم القيامة
- أوسكار : ارجع يا چوچو ارجع
- چوچو : (يخرج ورقة من جيب الروفرفر<sup>(١)</sup>) الله. إيه الورقه دي ياخوي.. بولياك. قهوه التجاره. آه. دا الجواب بتاعك اللي دخت عليه ولانيش لاقيه
- أوسكار : آه يا ربي. وانا إيه اللي حا اعمله دلوقت بالجواب ده. ومراتي كرهتني خالص. ولا بقتش تثق فيّ. وضبعت محبتها
- سيمون : (تدخل) لا لا احبك يا حياتي إلى الأبد
- أوسكار : سيمون!
- سيمون : أيوه سيمون بنفسها. تطلب منك السماح لكونها شكت في سيرك من غير حق
- يا حياتي

(١) بالفرنسية "Revolver" ويقصد المسدس الدوار.





- الأم** : الحمد لله اللي جيت وقت اللزوم (ضجة) الله فيه إيه هنا
- العم** : (يدخل) هي فين واندا. هي فين.. الله. ازاي ده. إنتم معبطين على بعض
- سيمون** : أيوه يا عمي. خلاص حصل الصفا. وزال سوء التفاهم من بيننا. لأني تحصلت على البرهان الكافي اللي يثبت لي براءة زوجي أوسكار
- العم** : غريبه. أمال واندا كانت جايه تعمل إيه هنا
- چوچو** : واندا جات هنا مخصوص علشان حبيها القديم بيتروتشي. واهى دلوقت جوه في البار بيعملوا أفيثا ويا بعض
- العم** : إخص عليها. وانا كنت حاتغش فيها. وقربت تبلفني بكلامها الناعم ده وصرحت لي إنها بتحبني قال
- چوچو** : ياخي لا دا كلام فارغ. لأن الأشكال اللي زي دي يستحيل تحب بإخلاص وان كانت واندا قالت لك إنها بتحبك. غرضها تقول لك كده بالسيم إنها بتحب فلوسك وملايينك
- العم** : إخص على دي عينه. بردون يا أوسكار. الدرس ده أفادني وأفادك في وقت واحد وأرجوك تسامحني. لأنى اتهمتك بعدم مراعاة واجبات الزوجيه كده بالباطل. فأرجوك السماح ونسيان الماضي
- أوسكار** : وهو كذلك يا عمي. أنا حا انسى الماضي لكن على شرط
- العم** : شرط إيه
- أوسكار** : إن بعد شهر بالكثير وتتجوز حماقي
- چوچو** : أيوه احسن لك من المسخره اللي كنت حا تطلع فيها على آخر الزمن
- العم** : ومن دلوقت. أنا تنازلت لك عن جميع أموالي تستعين به على تكوين عائلتك وتربية اولادك
- أوسكار** : مرسي يا عمي
- العم** : إنما انصحك. إوعى تغتر بكثر مالك وتنسى الشغل والعمل
- أوسكار** : يعني إيه
- العم** : يعني لازم تستثمر الأموال دي. وتفتح لك محل تجاري أو فابريقه تشغل فيها الكثير من العمال أبناء الوطن. وتكون عضو عامل في الهيئه الاجتماعيه
- چوچو** : يعيش المسيو كامبوليف
- الجميع** : يعيش المسيو كامبوليف



- چوچو** : ودلوقت يا جماعه. افتركر إن اللي حصل لنا ده يصح يكون درس ينتفع به كل إنسان لأنه ظهر لنا بأجلى بيان إن عدم الاستقامه والسير البطال مهدد لكيان العائله. ومفسد لشئون الزوجيه وانا اهني صديقي أوسكار واقول له بكل حريه. أوسكار إنت حا تكون
- أوسكار** : إيه
- چوچو** : أيوه. حا تكون سعيد من غير كدر. بالدرس من نادي السمر
- أوسكار** : فيف<sup>(١)</sup> چوچو
- الجميع** : فيف چوچو
- (يقولون لحن ختام الرواية)

## ستار

(١) بالفرنسية "Vive" وتعني: ليحيا.



۲۴۵۸  
۱۳۱۵  
۲۸

کتابخانه المصنفین (۴)

الحاقه لایحه (ناری بند)

(الحاقه اول)

مقتضای اولاد وارثهم بینا . راسته بزرگ همی اوستا . بجهت دایم مفتوح  
 بینا . و آنقدر که فی میل در آن . صفا صفا اخلاقی ها لوقتا . از آندی  
 در آن احوال برنجی . زمین ما فیسده منزه لوقتا . قرار می و مخصوصا  
 عن بنی الایا ما ولما ما ولوریا ولو . بیوه لم معلوم بالبیع بجمع فیها .  
 هدیه های مریدان تقادله ذالک و تویت بقوم بیخ . صفا محبتی در فی  
 و عیته کمال شغل و لا بره . و بر بریه الحقه . ما شفا منه عیته بزرگ  
 مدرسه معلیه . لوصیه ولوریا بیخ . تمام با لفا سید .  
 کانه لعنه فی این . منزه نواقح صید بر اخفا . در میسی میفا عن  
 اوستا . اقامه و اخذ مع طریقا . و کل شفا ولاد کما . و شغل و لوقتا  
 صفون فلو و فلو . کما شرف و فلو فلوته یا لوج . و صفا اندلعا  
 کثیر . سید فضا ته بولاد بوم . ما علمونه لم بیدید . لیه یومنا  
 و بیما کتونا . مفیسده طریقه بجام الامم . غیرا هفا و لا بالترتبه  
 ذالک تو جد نه لوقتا هم . لبعین تو جد نه لوقتا

## ألحان الرواية

### اللحن الأول

غنوا يا اولاد وارقصم بينا  
بيته دايمًا مفتوح لينا  
صاحبنا راخر زي حالاتنا  
زميل مافيش منه في زملاتنا  
لا بابا ولا ماما ولا دياولو  
هليهلي مُر من اللي تقاولة  
جِدق يَمَشِي الدفه  
وبربريه الخفه  
مدرحين ملححين  
تملي بِالِلف سيده  
مين نلاقي جِددع يوافقنا  
أقله واخذ على طرايقنا  
لا شغل ولا شغلانه  
شرف مرف بلا خوته يا هوه  
سبب خسارة الولد ابوه  
ليه يلومونا ويباكتونا  
غير اهتمامها بالتربيه

طبيعي تتوجد الوطنيه



(اللمعة الثانی)

یا ملائیکتہ ہواک جدیدہ، ولو کنتنہ اعرفا بہ، هو القام کنت  
 و جنت سندید، والوردتہ استوک حوالیہ، یاریتہ مالکۃ سبحانہ  
 یاریتہ، اجرتہ سدعا لہ یوم، بلانہ شریع الحب جید، و تظلم  
 فیہ اللدواع، لکنہ محراب ظلم قصیر، وانا معانی الہدیہ سلو  
 صماہ عوروی و شہرہ منیہ، بیہ اوجہ و المعزیہ، وانا اشرف  
 عندی و العف، فوہ کلمہ نام و فوہ کل ریبہ

(اللمعة الثالثہ)

مع السلام یا جاننا یا ختمہ، ساف روئی ناعانہ ہم، زلزلہ مارتہ ہوج نهن  
 زفر، تشریح و انت صا، بالملکیم حق یا ویک، وہ ایوم الہی  
 بنتحنا، ولو صعب یوہنا و جودک، لکنہ یومینہ و لغو تو انعام  
 یجوزوک و تنول تمولوک، و تمس تنزل یا سلام، انزل منیہ  
 حلقہ و اعراضی، دی فرقتی فصبہ عبد العین، یا من سفیدہ و الحب  
 تراضی، قیسہ بہ روح و اہل ناعیدہ، تفوتنی مع منیہ  
 و الیب فاضی، ما فیہہ ولا عتہ بقر شہ، عاقل حکیم و انا زارتہ  
 اراضی، یا رکتور اہلو کنتہ فیہ، یا بریر انت کناہ مع ہم  
 محبتا لک، ایدتوس و انتا، سیرھا تصفا، صیہ انہی راہیہ  
 الہی نشتہ و انا و فقتہ تہ جود سما لیل، راہن عبید عفا عفاقت

## اللحن الثاني

ياللي ابتليت بهواك جديد  
هو الغرام كده وجده شديد  
ياريت ما ملت محسب ياريت  
لو ان شرع الحسب يحير  
لكن عمر الظلم قصير  
صاين عهودي ويشبهني مين  
وانا الشرف عندي والعفه  
ولا كنتش اعرف ايه  
والورد تن الشوك حواليه  
أجرن من غير له يوم  
وتنظلم فيه الأرواح  
وانا معاي الصبر سلاح  
بين الأحبه والمغرمين  
فوق كل مله وفوق كل دين

## اللحن الثالث

مع السلامه يا جارنا يا خفه  
نهار ما ترجع نعمل زفه  
بالمزيكه حقه يا ويكه  
ولو صحيح يوحشنا وجودك  
يجوزوك وتنول مقصودك  
انول منين حظي واغراضي  
يا منصفين دا الحسب تراضى  
تفوتني على مين والجيب فاضي  
عامل حكيم واننا زادت أمراض  
يا بربري انت كمان على الله عقبالك  
مسيرها تصفا  
النبي تنسدا  
سافر مهنبي في أمان الله  
تسر عمك واننت معاه  
ده اليوم اللي بنتمناه  
لكن يومين ويفوتوا قوام  
وتمشي تتمخطريا سلام  
دي فُرقتي غصب عن العين  
تعيش به روح واحده في جسدين  
مافيهش ولا حته بقرشين  
يا دكتور البلا كنت لي فين  
أمير قوي وانسان  
مين انهبي داهيه  
داننا وقعت في جوز مخاليل



و در کج راضیه تعین . تقابلوا باله بنا تقابلوا قوام تیس در بقر عزال  
 و عالمی لم بدیده تا غیر . نشوف یا قار و شے نه حین . و بیلیغ احسن  
 کله . و بقیر یورط بقولم . او یا سالم یا سالمه . راهم هاننا بانتم  
 طشوه بجزاره ندم . آه یا سالم ای . و استر حین اهرم با سلمه  
 او یا سالم ای . و الاصلم سال یعنی . لا بکاره . و الاصلم آه  
 یا سالم ای .

(الکلمه البربر)

و ه یوم سعید عهدنا بلخ برده . بر ذریه الفم یا هفتون علی . یا یارب جمیل عینا  
 بارده هریع و تمیلع بدوشی . فرضا ساهم ما شرفونا . و قشور شر  
 الفشل و حیونا . سمنوا دروا و زاروا یا فتن جمال و علوده . و هاقن  
 رشم یا ما یثرفونا علوده . انما ما یفقتوا بجمو . هلیوه ففرع هینبه  
 و کل منون بقولم برده . و مهل هینکم یاری اوجیه . بقباها طرکم  
 عزیزه علیها . بدوم لنا اولو اوجیه . و بقیر هندتکرمه فیفنا . انا  
 الی نعمه ما حیدسه نالم . لعینه حیدم تقوم لا لغرضی . انا انا فخر عینری  
 یا مولد . انا فخر باله تصونه عرضی . یا بخته یا یلوید هفده و تقولم  
 و فرشح یا له وار قشورم (ارقمه) الای جمیل لکم رسیبه . نه  
 عین هلم و عده قریب . نشوف لکم زریه سزید مرتب . تعید بردها  
 بکل رسید . و تبینی بنیانه المریه

ودكّهه راخر حبّه تقيل  
 نـشـيـل لـه بـقـى عـزـالـه  
 نـشـوـف يـا قـادـر وـشـه فـي خـيـر  
 ونبقى يومها نقول له  
 واهه جالنا بالسلامه  
 آه يا سالمه يا سلامه  
 آه يا سالمه يا سلامه  
 لا بجاريه ولا خدامه  
 واهه جالنا بالسلامه

راجل عيبط عقله على قدّه  
 تعالوا ياللا بنا تعالوا قوام  
 وعالمحطه بدون تأخير  
 ويبلغ الهنا كله  
 آه يا سالمه يا سلامه  
 طسوه بجوازه ندامه  
 واتسوجرت اهه بالسلامه  
 والآخر لم سأل عنى  
 آه يا سالمه يا سلامه

### الحن الرابع

برؤية الخفه يا حتتوسها  
 عليها وتخليها لعريسها  
 وقضوا شهر العسل وجونا  
 ياختي جمال وحلاوه  
 ياما يشوفوا غلاوه  
 حليوه نفرح جنبه  
 يقول له براوه  
 تعب خاطرکم عزيز علينا  
 وتبقى خدمتكو من عنينا  
 لقيت حبيبه تقوم لى بغرضي  
 أنا افتخر باللي تصون عرضي  
 وفرفشوه ياللا وارقصوا له

ده يوم سعيد عندنا النهارده  
 يا رب تجعل عنينا بارده  
 فرحنا ساعة ما شرفونا  
 سمونا وردوا وزادوا  
 قدها قده ولسه  
 نهار ما يفقسوا بمبو  
 وكل منهم  
 وصل جميلكم يادي الأحبه  
 يدوم لنا الود والمحبه  
 أنا اللي نلته ماحدش ناله  
 إذا افتخر غيري بأمواله  
 يا بخته هنوه وسقفوا له  
 (رقصة)





(المسألة في س)

جای جای جای جای . یا اس اوس رحمت همی . انما الله في  
 البيت ده عزتونی . ما جات شیم و قله قیرم . والعینه کول فندیقا  
 و ذمتی لادریج . و انصافک و استویج . لعدا اینج شادلیت  
 فیک . جای جای . الحفن با و رط یا بولیس . الحشنة کهم  
 و الیها فلیس . یا غیا تبعدنه دبلاسه فیجه . الحوضم الیها  
 ده عیبه . جاتج الهم . اکثری و اتلم . ساعه این فخر ما کوسه  
 بلسه . و نه مزب بغلبه لولیه . انز میلیطم دی ایو . یا عظیم  
 یاروه . نه هفتة بالنصب و الحقیقة . مه بود بوسه انز بوسه . ما عینی  
 مه سبایک ایبت . و عینی غلط المعونه . فصل بیاور  
 و لیزرانی . لعدا لوس لسن رقی . حقیق اینه استندة . و ناطقة  
 بحد مزق اصدا غن . الهم ما بود سرور الیها . او انجم و لبرکه  
 نه در ما غنک . الدینا جری ای مقابله . نزی الیها خانه مرسانه  
 دی فاعلیه ایه دی الجزوبه . اشخ العوارط بدینانه . فلقوا  
 استنانه سکنتنا . و لو قالم هو لسیا جیرانه . فونوا بنا عالم کوبه  
 لوالی . و نجرى تحقیقه استقبالا . ما تحقیق منیه حینه یا فزاتی  
 مه الزمه و الامه مزاتی . فاستنن و اهل ایه و لوقت . تدور و رها  
 مجرباتی . لو انتمک ما صبت فندیقا . نمل سر فک عی فوسه  
 و هفتک لو انتمک نکره . الهم الهم بالظن کوسه .

إلهي يجعل لكم نصيب في عشرة حلوه  
وعن قريب نشوف لكم ذريه شريفه متربيه  
تفيد بلادها بكل وسيله وتبني بنيان الحريه

## اللعن الخامس

جاي جاي جاي جاي  
يا ناس ابوس رجلكم حوشوني أنا اللي في البيت ده عفرتوني  
حاجات شتيمه وقله قيمه دا العينه كلهها فنديتا  
وذمتي لاوريك واضضحك واشويك لحد ما اشبع شلايت فيك  
جاي جاي الحقني بأورطه يا بوليس  
لحسن همسه واطب فطيس  
ياخي اتجدعن و بلاش خيبه الخوف م اللي زي ده عيبه  
جاتك الهم اتلهي واتلم  
ساعة الزنقه ما تسواش بصله وفي ضرب الغلبه لهاليه  
الزمبليطه دي إيه يا عصبجيه يا دون  
زهقت بالغصب وطقيت من اسود الشوش الزربون  
خايلني من شبابيك البيت وعيني زغلها الملعون  
فضل يحاور ويهرأني لحد ما الموس لحس دقتي  
حقيقي باينه المستندات وناطقه جدا فوق اصداك  
أهم جابولي شهود إثبات أوانطه والبركه في دماغك<sup>(1)</sup>  
الدينا جرى إيه مقلوبه زي اللي احنا في مورستان  
دي فامليه إيه دي المجذوبه تنها أحوالها بدنجان  
قلقوا راحتنا في سكتتنا ولا قالم حوالينا جيران

(1) حذف: أهم جابولي شهود إثبات أوانطه والبركه في دماغك.



ونجـري تحقـيق اسـتعجـالي  
من الزمـن دا والا من مراتي  
نـدور وراهـا مجرـجـراتي  
يخـلي شـركـه خمـسه في سـته  
إحـم إحـم بالطـبع تـكون...

فوتـوا بنا عـلى الكـراكون طـوالي  
حـا نلتقـيها مـنـين ياخـواتي  
فـاتنتـي واعـمل إـيه دلـوقت  
لو انتـقم صـاحبـك فـنديتا  
وحـضرتـك لا مؤاخذـه

## اللحن السادس

بـيـقـطـط ويغـني  
نـسـكر سـكـرة يـني  
ضـحـيكـه ولعـبـيه عـلى آخـر سـتـيم  
يـا بـراوـه يـا خـفـافـه  
عـلى كـيـفـنا ودلـانـنا  
نـتـأنـس في رواقـه  
ولا نـسـأل في كـلام  
ونـهـايـس<sup>(١)</sup> بـعـضـينـا  
تـشـكـيلـتـنا ذواتي  
ما نـفـارقـوشـي لـيـلاتي  
ونـعـاكـس ونواعـد  
والواحد والواحد  
يـبقـى السـر في بـير  
لـو حـدنا تـقـولـش مؤتمـر  
يـا ولا نـادي السـمـر  
لـما لآخـر اللـيل

مـين زـينا مـتـهـني  
سـهـاري وصـباحـي  
ونـحـضـر ونهـزر رـجالـه وحـريم  
يـا حـلاوـه يـا لـطـافـه  
دـنـيتـنا رايـقة لـنا والنـاس مالـها ومالـنا  
دا الحـظ يـبـحـالي لـنا  
ونـجـانس برشـاقـه  
نـتـناغـش<sup>(٢)</sup> وحـديـنا  
يـا سـلـمـلـم يـا سـلام  
ومـزاجـنا بـرنـسـاتي وزبـان في البـلـلو  
نـتـغـازل بـقـواعـد  
وحـاجـات مـن دـي كـتـير  
لـما الحـظ يـسـاعـد  
لا مـن سـمـعنا ولا مـن شـافنا  
ما حـد شـايـف كـيفـه خـلافنا يـرقـه  
اتـقـردوا وهـونـنا

(١) تغيرت: نتنادم.

(٢) تغيرت: ونسلي.



واملوا لنا واسقونا شمبانيا ومارتيل      ونعنشونا بعشرة بولكسه  
وهات يا تانجو      وهات يا مزوركا  
لا ري دو ري مي      فا صول سي لا إلخ

## اللحن السابع

فين الـلي بيستعبر فين      يعرف أصل العله مين  
المشي الهلس المكروه      ينتج إيه غير كرب شديد  
واللي بيتبعوه يلاقوه      أوله حلو وآخره صديد  
لما تعيش العيله هنيه      حالة الأمه تكون مرضيه  
لاهـي بالفقرا ولا بالأغنيا      بالعلم وحسن التربيـه





ملحق  
المدونات الموسيقية الأصلية

Pistone

أهوازیت

Hadi el Saman

نادی السمر



Prevue le 2/11



*Clarinet - Overture - Nielsen*

450

248

384

1069



No. 1

2<sup>e</sup> Volle für el Cambo

A handwritten musical score on aged paper, consisting of ten staves of music. The notation is in a single system, likely for a lute or guitar, given the 'Volle' (double) notation. The key signature has one flat (B-flat), and the time signature is 2/4. The music features a mix of eighth and sixteenth notes, often beamed together in groups. There are several slurs and accents throughout the piece. A large 'X' is drawn over the bottom right portion of the score, crossing out the final two staves. The paper shows signs of age, including some staining and a small hole near the bottom right corner.





A handwritten musical score on ten staves. The notation includes various rhythmic values, stems, and beams. The score is annotated with several handwritten words and markings:

- Li Valtè* is written above the second staff.
- BAS* is written above the third staff.
- A large, dark scribble is present on the left side of the third and fourth staves.
- There are several instances of crossed-out or heavily scribbled-out notation, particularly on the sixth, seventh, and eighth staves.
- First and second endings are indicated by '1' and '2' above the notes on the fifth staff.
- A double bar line with repeat dots is visible on the sixth staff.
- The bottom two staves (ninth and tenth) contain rhythmic notation with stems and beams, but no note heads are present.





No. 3  $\frac{3}{4}$  *Finale*

A handwritten musical score for a piece titled "Finale". The score is written on ten staves. It begins with a treble clef, a key signature of one sharp (F#), and a time signature of 3/4. The notation includes various rhythmic values such as eighth and sixteenth notes, often beamed together. There are several dynamic markings, including "p" (piano) and "f" (forte), and some performance instructions like "rit." (ritardando). The score concludes with a double bar line and a repeat sign. The word "Finale" is written in a large, elegant cursive script at the top right of the page.



# Atto I

10 minuti di prosa

Handwritten musical score for 'Atto I'. The score consists of six staves of music. The notation includes various rhythmic values, rests, and dynamic markings such as 'pp' and 'sfz'. There are also some handwritten annotations like 'u' and '+' on the staves.

Handwritten calculations and notes on musical staves. The left side shows a series of numbers: 1340 4, 9590, 22000, 26000, 33590, 33. The right side shows: 3/4, 29avis, 25000, 12000, 20000, 12000, 94000, 50, 1440. The numbers are arranged in a way that suggests they are being summed or compared.



(یا الی انیت، سو آئی جدید) الصغیح حامد

A handwritten musical score consisting of ten staves. The notation is dense and includes various rhythmic values, accidentals, and dynamic markings. The first staff begins with a treble clef and a 2/4 time signature. The music is written in a style characteristic of early 20th-century manuscript notation. There are several instances of '+' signs above notes, possibly indicating accents or specific performance instructions. The handwriting is fluid and somewhat cursive.

Handwritten musical score on ten staves. The first three staves contain dense, complex notation with various rhythmic values and accidentals. The fourth staff has a few notes with "++" and "θ" markings. The remaining six staves are mostly empty with faint pencil markings.



No. 4 In La M

Handwritten musical score for "Danza" in G major (La M), 4/4 time. The score consists of 12 staves. The first four staves are instrumental, and the last four are vocal. The vocal part includes lyrics in Hebrew and the word "Danza" written in large letters at the end. Performance markings include "Canto", "4 Voce", "Piu mosso", and "Ritorna".

Lyrics (Hebrew):  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי  
אֲנִי הָיִיתִי כְּשֶׁנָּחַדְתִּי

Danza

Dopo la DANZA

*spialte*

*Canto*

DANZA

*Danza*

*rit.*

The image shows two pages of handwritten musical notation. The top page is titled "Dopo la DANZA" and contains four staves of music. The first staff has a treble clef and a key signature of one sharp (F#). The second staff has a bass clef. The third staff has a treble clef and a key signature of one sharp. The fourth staff has a bass clef. The bottom page is titled "DANZA" and contains five staves of music. The first staff has a treble clef and a key signature of one sharp. The second staff has a bass clef. The third staff has a treble clef and a key signature of one sharp. The fourth staff has a bass clef. The fifth staff has a treble clef and a key signature of one sharp. The notation includes various rhythmic values, accidentals, and dynamic markings such as "spialte", "Canto", "Danza", and "rit.".






5 minuti di prosa

105

A handwritten musical score on aged paper, consisting of 12 staves of music. The score is written in a single system. The key signature is one flat (B-flat), and the time signature is 2/4. The music is characterized by a steady, rhythmic pattern of eighth and sixteenth notes, often beamed together in groups. There are several measures with a '4' above them, indicating a change in the number of beats per measure. The notation includes various accidentals (sharps, flats, naturals) and rests. The paper shows signs of age, with some staining and a circular stamp in the upper left corner containing the number '105'.





166) 1 Bono sopra *Finale*

A handwritten musical score on aged paper, consisting of 12 staves. The title '1 Bono sopra' is written in a cursive hand at the top, with 'Finale' written to its right. A circled number '166)' is in the top left corner. The music is written in a single system with a treble clef and a key signature of one sharp (F#). The notation includes various rhythmic values, including eighth and sixteenth notes, and rests. There are several dynamic markings: 'p' (piano) appears multiple times, and 'BIS' is written in large letters above the sixth staff. The piece concludes with a double bar line and repeat signs. The final five measures of the piece are numbered 1 through 5, indicating a cadenza or a specific ending sequence.



Atto II

30 minuti di prova

PIU MOSSO

Handwritten calculations on musical staves:

587	400
<del>385</del>	385
	245
	<del>245</del>
	245
	<del>1919</del>
2095	1919
<del>1949</del>	
146	
40	
<del>176</del>	



Handwritten musical score on aged paper, featuring a treble clef, a key signature of three sharps (F#, C#, G#), and a 3/4 time signature. The score consists of ten staves of music, primarily composed of eighth and sixteenth notes, with some rests and dynamic markings. A handwritten number '104' is visible in the top left corner. The notation includes various rhythmic patterns and articulation marks, such as slurs and accents.




Handwritten musical score on aged paper. The score consists of five staves of music. The first staff begins with a treble clef and a 2/4 time signature. The second staff ends with a double bar line and the word "FINE" written below it. The third staff continues the melody. The fourth staff features a fermata over a measure and a dynamic marking of  $z$ . The fifth staff concludes with a treble clef and a dynamic marking of  $z$ . Below the musical notation, the text "Attacco subito il N:º 1º Bus" is written in cursive. The remaining three staves are empty.



Handwritten musical score on aged paper, featuring a treble clef, a key signature of one sharp (F#), and a 3/4 time signature. The score consists of 12 staves of music, including various rhythmic patterns, accidentals, and dynamic markings such as *tr* (trill) and *mf* (mezzo-forte). A large number '6' is written above the first staff. The notation includes eighth and sixteenth notes, rests, and bar lines. The paper shows signs of age, including foxing and some staining.







Handwritten musical score titled "FINALE" and "30 minuti di prosa". The score is written on a page with ten staves. The first four staves contain musical notation, including a treble clef, a key signature of one sharp (F#), and a 4/4 time signature. The notation consists of a series of rhythmic patterns, primarily eighth and sixteenth notes, with some rests. There are handwritten annotations in the margins, including "12/16" and "1/16" near the first staff, and "10" and "11" near the fourth staff. The remaining six staves are empty. The page is aged and shows some staining.

**العم:** أه من حق إنت كنت كتبت لي في جوابك الأخير إنك  
بتمتحن في نظريه طبيه قول لي بقى إيه كان موضوع  
النظريه دي  
**أوسكار:** الموضوع.. أيوه.. إيه هو يا سيدي  
**چوچو:** الموضوع بسيط. موضوع النظريه كان مفعول  
البودره في الخد اللطيف ومفعول الكوكابين في  
العقل السخيف ومفعول مونت كارلو لما تخش الجيب  
مليان تطلع منه ما معاكش حق رغيف الخ...  
**العم:** بس بس. اللّٰه يكون في عونك يا أوسكار يابن اخويا  
**چوچو:** اللّٰه يكون في عونه قوي  
**العم:** إيه ده. صور ستات  
**أوسكار:** إخص. دا خد باله  
**چوچو:** لأ دول.. دول صور زباين عالجهم الدكتور أوسكار  
وربنا خد بيدهم على إيديه  
**العم:** يا سلام دول حلويين قوي  
**چوچو:** أيوه. ماهو أكثر زباينه من الفورمه دي

